

萬 有 文 庫

第一集一千種

王雲五主編

水 經 注

(五)

鄺道元著

商務印書館發行

卷

萬有文庫

第一集一千種

總編者 王雲五

空軍軍官學校圖書館

登帳號 萬 0910

類號 083.11 / 1731

商務印書館發行

公川圖書

愛惜使用



航 空 學 校
第 六 期 丙 班 生 業
募 捐 圖 書



書

770.2

11



水經注

卷二十六

沫水 巨洋水 淄水 汶水 濰水 膠水

沫水出琅邪東莞縣西北山

大弁山與小泰山連麓而異名也。引控衆流，積以成川。東南流，逕邳鄉南。南去縣八十許里，城有三面而不周於南，故俗謂之半城。沫水又東南流，左合峴水。案合近刻水北出大峴山，東南流，逕邳鄉東，東南流，注於沫水也。

東南過其縣東

沫水左與箕山之水合。水東出諸縣西箕山。案東出近刻劉澄之以爲許由之所隱也，更爲巨謬矣。其水西南流，注於沫水也。

又東南過莒縣東

地理志曰：莒子之國，盈姓也。少昊後，列女傳曰：齊人杞梁殖，襲莒戰死，其妻將赴之，道逢齊莊公。公將弔之，杞梁妻曰：如殖死有罪，案近刻君何辱命焉。如殖無罪，有先人之敝廬在下，妾不敢與郊弔。公旋

車弔諸室。妻乃哭於城下。七日而城崩。故琴操云。殖死。妻援琴作歌曰。樂莫樂兮新相知。悲莫悲兮生

別離。哀感皇天。城爲之墮。案近刻卽是城也。其城三重。並悉崇峻。惟南開一門。內城方十二里。郭周四

十許里。尸子曰。莒君好鬼巫而國亡。無知之難。小白奔焉。樂毅攻齊。守險全國。秦始皇縣之。漢興以爲

城陽國。封朱虛侯章治莒。王莽之莒陵也。光武合城陽國爲琅邪國。以封皇子京。雅好宮室。窮極伎巧。

壁帶飾以金銀。案壁近刻明帝時京不安。莒移治開陽矣。案開近刻沫水又南。袁公水東出。清山。遵坤

維而注沫。案遵近刻沫水又南。潯水注之。水出於巨公之山。西南流。舊竭以溉田。案近刻東西二十

里。南北十五里。潯水又西南流入沫。沫水又南。與葛陂水會。水發三柱山。西南流。逕辟土城南。案近刻

城城世謂之辟陽城。史記建元以來。王子侯者年表曰。漢武帝元朔二年。封城陽共王子節侯劉壯爲

侯國也。案節近刻其水於邑。積以爲陂。謂之辟陽湖。西南流。注於沫水也。

又南過陽都縣東。入於沂。

沫水自陽都縣。又南會武陽溝水。水東出倉山。山上有故城。世謂之監官城。非也。卽古有利城矣。漢武

帝元朔四年。封城陽共王子劉釘爲侯國也。其城因山爲基。水導山下。西北流。謂之武陽溝。又西至卽

丘縣。注於沫。沫水又南。逕東海郡卽丘縣。故春秋之祝丘也。桓公五年。經書齊侯鄭伯如紀。城祝丘。左

傳曰。齊鄭朝紀。欲襲之。漢立爲縣。王莽更之曰就信也。郡國志曰。自東海分屬琅邪。闕駟曰。卽祝魯之

音案即近刻蓋字承讀變矣。沫水又南逕東海厚丘縣。王莽更之曰祝其亭也。分爲二瀆。一瀆西南出。

案近刻脫一瀆二字。今無水。世謂之枯沫。一瀆南逕建陵縣故城東。漢景帝六年案近刻訛封衛綰爲侯國。王莽

更之曰付亭也。沫水又南逕建陵山西。案原本及近刻並脫建字。今考魏正光中案光近刻齊王之鎮

徐州也。立大塢。遏水西流。兩瀆之會。置城防之。曰曲沫戍。自塢流三十里。案近刻脫塢字。西注沫水。舊瀆謂之

新渠。舊瀆自厚丘西南出。案近刻脫左會新渠。南入淮陽宿預縣。注泗水。地理志所謂至下邳注泗者

也。經言於陽都入沂。非矣。沫水左瀆。自大堰水斷。故瀆東南出。桑堰水注之。水出襄賁縣。泉流東注沫

瀆。又南左合橫溝水。水發瀆右。東入沫之故瀆。又南暨於遏。案近刻改作堰。今考其水西南流。逕司吾

山東。又逕司吾縣故城西。春秋左傳。楚執鍾吾子以爲司吾縣。王莽更之曰息吾也。又西南至宿預。注

泗水也。沫水故瀆。自下堰東南。逕司吾城東。又東南歷粗口城中。粗水出於楚之粗地。春秋襄公十年

經。書公與晉及諸侯會吳於粗。京相璠曰。宋地。今彭城偃陽縣西北有粗水溝。去偃陽八十里。東南流。

逕傅陽縣故城東北。案傳近刻地理志曰。故偃陽國也。春秋左傳。襄公十年夏四月戊午。會於粗。晉荀

偃士匄請伐偃陽而封宋向戌焉。荀偃曰。城小而固。勝之不武。弗勝爲笑。固請丙寅圍之。弗克。孟氏之

臣秦董父。輦重如役。偃陽人啓門。諸侯之士門焉。縣門發。鄆人紇挾之以出門者。狄虺彌建大車之輪。

而蒙之以甲。以爲櫓。左執之。右拔戟以成一隊。孟獻子曰。詩所謂有力如虎者也。主人縣布。董父登之。

及堞而絕之墜。則又縣之。蘇而復上者三。主人辭焉。乃退。帶其斷以徇於軍。三日。諸侯之師。久於偃陽。請歸。智伯怒曰。七日不克。爾乎取之。以謝罪也。荀偃士匄攻之。親受矢石。遂滅之。以偃陽子歸。獻於武宮。謂之夷俘。偃陽。妘姓也。漢以為縣。漢武帝元朔三年。封齊孝王子劉就為侯國。王莽更之曰輔陽也。郡國志曰。偃陽有粗水。粗水又東南。案近刻訛作粗水而南。亂於沂而注於沭。謂之粗口。城得其名矣。東南至胸縣。入游注海也。

巨洋水出朱虛縣泰山北。過其縣西。

泰山即東小泰山也。巨洋水即國語所謂具水矣。袁宏謂之巨昧。王韶之以為巨蔑。亦或曰胸瀾。皆一水也。而廣其目焉。其水北流。逕朱虛縣故城西。漢惠帝二年。封齊悼惠王子劉章為侯國。地理風俗記曰。丹山在西南。丹水所出。東入海。丹水由朱虛丘阜矣。故言朱虛城西有長坂遠峻。名為破車。峴城東北二十里有丹山。世謂之凡山。縣在西南。非山也。丹凡字相類。音從字變也。案此下近刻衍山導二字。丹水有二源。各導一山。世謂之東丹。西丹水也。西丹水自凡山。案近刻訛作穴山。北流。逕劇縣故城東。東丹水注之。水出方山。山有二水。案二近刻訛作三。一水即東丹水也。北逕縣。合西丹水而亂流。又東北出。逕漪薄澗北。漪水亦出方山。流入平壽縣。積而為渚。水盛則北注。東南流。屈而東北流。逕平壽縣故城西。而北入丹水。謂之魚合口。丹水又東北逕望海臺東。案近刻脫海字。東北注海。蓋亦縣所氏者也。

又北過臨朐縣東。

巨洋水自朱虛北入臨朐縣。熏冶泉水注之。水出西溪飛泉側瀨於窮坎之下。泉溪之上源麓之側有

一祠。目之為冶泉祠。按廣雅金神謂之清明。斯地蓋古冶官所在。故水取稱焉。水色澄明而清冷特異。

淵無潛石。淺鏤沙文。中有古壇。參差相對。後人微加功飾。以為嬉遊之處。南北邃岸。凌空疎木交合。先

公以太和中作鎮海岱。余總角之年。侍節東州。案侍近刻至若炎夏火流。閒居倦想。提琴命友。嬉娛永

日。桂筍尋波。案近刻訛作返。又桂筍。朱謀璋云當作桂權。輕林委浪。琴歌既洽。歡情亦暢。是焉棲寄。實可憑衿。小東有一湖。

佳饒鮮筍。匪直芳齊芍藥。實亦潔並飛鱗。其水東北流入巨洋。謂之熏冶泉。又逕臨朐縣故城東。城古

伯氏駢邑也。漢武帝元朔元年。案近刻訛作二年。封菑川懿王子劉奴為侯國。應劭曰。臨朐山名也。故縣氏之。

胸亦水名。其城側臨胸川。案近刻訛作側川臨胸。是以王莽用表厥稱焉。城上下。案近刻作其城上下。沿水。悉是劉武皇北

伐廣固營壘所在矣。巨洋又東北逕委粟山東。孤阜秀立。案秀近刻訛作委。形若委粟。又東北洋水注之。水西

出石膏山。西北石澗口。東南逕逢山祠西。案祠上近刻衍下字。洋水又東南。案近刻訛作南東。歷逢山下。即石膏山也。山

麓三成。案近刻脫山字。壁立直上。山上有石鼓。鳴則年凶。郭緣生續述征記曰。逢山在廣固南三十里。有祠并

石鼓。齊地將亂。石人輒打石。鼓聲聞數十里。案近刻脫聲字。洋水歷其陰而東北流。世謂之石溝水。東北流出

於委粟山北。而東注於巨洋。謂之石溝口。然是水下流。亦有時通塞。及其春夏水泛。川瀾無輟。亦或謂

之為龍泉水。地理志石膏山。洋水所出是也。案近刻脫所字。又是字訛在出字上。今於此縣。惟是瀆當之。似符羣證矣。巨洋水又東北得邳泉口。泉源西出平地。東流注於巨洋水。巨洋水又北會建德水。水西發逢山阜。而東流入巨洋水也。

又北過劇縣西。

巨洋水又東北合康浪水。水發縣西南嶼山。無事樹木而圓峭孤峙。巒岫分立。左思齊都賦曰。嶼嶺鎮。

其左是也。案近刻脫鎮字。康浪水北流。注於巨洋。巨洋又東北逕劇縣故城西。古紀國也。春秋莊公四年。紀侯

不能下齊。以與弟季大去其國。違齊難也。後改曰劇。故魯連子曰。胸劇之人。辯者也。漢文帝十八年。別

為菑川國。後并北海。漢武帝元朔二年。封菑川懿王子劉錯為侯國。王莽更之曰俞縣也。案近刻脫曰字。俞訛作愈。

城之北側有故臺。臺西有方池。案近刻訛作地。晏謨曰。西去齊城九十七里。耿弇破張步於臨淄。追至巨洋水

上。僵尸相屬。即是水也。巨洋又東北逕晉龍驤將軍幽州刺史辟閭渾墓東。而東北流。墓側有一墳。甚

高大。案近刻脫墓字。時人咸謂之為馬陵。而不知誰之丘壟也。巨洋水又東北逕益縣故城東。王莽更之曰滌

蕩也。案滌蕩今漢書作探陽。晏謨曰。南去齊城五十里。司馬宣王伐公孫淵。北徙豐人。住於此城。遂改名為南豐

城也。又東北積而為潭。枝津出焉。謂之百尺溝。西北流。逕北益都城。案此下近刻有也字。漢武帝元朔二年。案近

作三封菑川懿王子劉胡為侯國。又西北流而注於巨淀矣。

又東北過壽光縣西。

巨洋水自巨淀湖案近刻脫東北流。逕縣故城西。王莽之翼平亭也。漢光武建武二年封更始子鯉為

侯國。城之西南水東有孔子石室。故廟堂也。中有孔子像。弟子問經既無碑誌。未詳所立。巨洋又東北

流。堯水注之。水出劇縣南角崩山。案角近刻即故義山也。俗人以其山角若崩。案近刻脫因名為角崩

山。亦名為角林山。皆世俗音譌也。水即蕤水矣。地理志曰。劇縣有義山。蕤水所出也。北逕嶼山東。俗亦

名之為青山矣。案山近刻堯水又東北逕東西壽光二城間。應劭曰。壽光縣有灌亭。杜預曰。在縣東南。

斟灌國也。又言斟亭在平壽縣東南。平壽故城在白狼水西。今北海郡治水上。承營陵縣之下流。東北

逕城東西入別畫湖。亦曰朕懷湖。湖東西二十里。南北三十里。東北入海。斟亭在漑水東。水出桑犢亭

東覆甌山。亭故高密郡治。世謂之故郡城。山謂之塔山。水曰鹿孟水。亦曰戾孟水。皆非也。地理志桑犢

案近刻作地理北海之屬縣矣。有覆甌山。漑水所出。北逕斟亭西北。合白狼水。案合白近刻按地理志

北海有斟縣。京相璠曰。故斟尋國。禹後西北去灌亭九十里。漑水又北逕寒亭西。而入別畫湖。案近刻

郡國志曰。平壽有斟城。有寒亭。案近刻訛作平薛瓚漢書集注云。按汲郡古文相居斟灌東郡。灌是

也。明帝以封周後。改曰衛斟尋。在河南。非平壽也。又云太康居斟尋。羿亦居之。桀又居之。尚書序曰。太

康失國。兄弟五人。徙于河汭。此即太康之居。為近洛也。余考瓚所據。今河南有尋地。衛國有觀土。國語

曰啓有五觀。謂之姦子。五觀蓋其名也。所處之邑。其名曰觀。皇甫謐曰。衛地。案近刻訛作也。又云。夏相徙帝丘。

案帝近刻訛作商。依同姓之諸侯於斟尋氏。案近刻斟下。即汲冢書云。相居斟灌也。既依斟尋。明斟尋非一居。

矣。窮后既仗善射。篡相寒浞亦因逢蒙弑羿。案寒近刻訛作韓下同。即其居以生澆。因其室而有豷。故春秋襄公

四年。魏絳曰。澆用師滅斟灌及斟尋氏。處澆於過。處豷於戈。是以伍員言於吳子曰。過澆殺斟灌以伐

斟尋是也。有夏之遺臣曰靡。事羿。羿之死也。逃於鬲氏。案鬲近刻訛作隔下同。今鬲縣也。收斟灌斟尋二國之餘

燼。案斟尋近刻脫斟字。殺寒浞而立少康。滅之。有窮遂亡也。是蓋寓其居而生其稱。宅其業而表其邑。縱遺文沿

裾。亭郭有傳。未可以彼有灌。曰謂專此為非。捨此尋名。而專彼為是。以土推傳。案土近刻訛作上。應氏之據。亦

可按矣。堯水又東北注巨洋。伏琛晏謨並言堯嘗頓駕於此。故受名焉。非也。地理志曰。蕤水自劇東北

至壽光入海。沿其逕趣。即是水也。

又東北入於海。

巨洋水東北逕望海臺。西北流。伏琛晏謨並以為平望亭在平壽縣故城西北八十里。古縣。又或言

秦始皇升以望海。因曰望海臺。未詳也。按史記。漢武帝元朔二年。封菑川懿王子劉賞為侯國。又東北

注於海也。

淄水出泰山萊蕪縣原山。

淄水出縣西南山下。世謂之原泉。地理志曰：原山，淄水所出。故經有原山之論矣。淮南子曰：水出自飴山。蓋山別名也。東北流，逕萊蕪谷，屈而西北流。逕其縣故城南。從征記曰：城在萊蕪谷，當路阻絕兩山，間道由南北門。漢末有范史雲為萊蕪令，言萊蕪在齊，非魯所得。引舊說云：齊靈公滅萊，萊民播流此谷，邑落荒蕪，故曰萊蕪。禹貢所謂萊夷也。夾谷之會，齊侯使萊人以兵劫魯侯，宣尼稱夷不亂華是也。余按泰無萊柞，並山名也。郡縣取目焉。漢高祖置左傳曰：與之無山及萊柞是也。案左傳季孫以桃邑與孟氏，易成還杞，謝息辭以無山，與之萊柞，是言成有山，今桃乃無山耳，此誤引。應劭十三州記曰：太山萊蕪縣，魯之萊柞邑。淄水又西北轉逕城西，又東北流，與一水合。水出縣東南，俗謂之家桑谷。水從征記名曰：聖水。列仙傳曰：鹿皮公者，淄川人也。少為府小史。案史近刻訛作吏，下同。才巧，舉手成器。山岑上有神泉。案山岑近刻訛作泉，訛作象。人不能到。小史白府君請木，工斤斧三十人，作轉輪，造縣閣，意思橫生，數十日，梯道成。上其巔，作祠屋，留止其旁。其二間以自固，食芝草，飲神泉，七十餘年。淄水來山下，呼宗族得六十餘人，命上山半，水出盡漂一郡，沒者萬計。小史辭遣家室，令下山，著鹿皮衣，升閣而去。後百餘年，下賣藥齊市也。其水西北流，注淄水。淄水又北出山，謂之萊蕪口，東北流者也。

東北過臨淄縣東。案近刻東上衍又字。

淄水自山東北流，逕牛山西，又東逕臨淄縣故城南，東得天齊水口。水出南郊山下，謂之天齊淵。五泉

並出南北三百步。廣十步。山卽牛山也。左思齊都賦曰：牛嶺鎮其南者也。水在齊八祠中。齊之爲名。起於此矣。地理風俗記曰：齊所以爲齊者。卽天齊淵名也。其水北流。注於淄水。淄水又東。逕四豪冢。北水南山下。有四冢。方基圓墳。咸高七尺。東西直列。是田氏四王家也。淄水又東北。逕蕩陰里。西水東有冢。一基三墳。東西八十步。是列士公孫接田開疆古冶子之墳也。晏子惡其勇而無禮。投桃以斃之。死葬陽里。卽此也。淄水又北。逕其城東。城臨淄水。故曰臨淄。王莽之齊陵縣也。爾雅曰：水出其前。左爲營丘。武王以其地封太公望。賜之以四履。都營丘爲齊。或以爲都營陵。史記周成王封師尙父於營丘。東就國。道宿行遲。萊侯與之爭營丘。逆旅之人曰：吾聞時難得而易失。客寢安。殆非就封者也。太公聞之。夜衣而行。至營丘陵。亦丘也。獻公自營丘徙臨淄。余按營陵城南無水。惟城北有一水。世謂之白狼水。西出丹山。俗謂凡山也。東北流。由爾雅出前左之文。案由近刻訛作山。不得以爲營丘矣。營丘者。山名也。詩所謂子之營兮。遭我乎狹之間兮。作者多以丘陵號同緣陵。又去萊差近。案近刻脫緣陵二字。咸言太公所封。考之春秋經書諸侯城緣陵。左傳曰：遷杞也。毛詩鄭注。並無營字。瓚以爲非近之。今臨淄城中有丘。在小城內。周迴三百步。高九丈。北降丈五。淄水出其前。故有營丘之名。與爾雅相符。城對天齊淵故城。有齊城之稱。是以晏子言始爽鳩氏居之。逢伯陵居之。太公居之。又曰：先君太公築營之丘。季札觀風。聞齊音曰：泱泱乎。大風也哉。表東海者。其太公乎。田巴入齊。過淄自鏡。郭景純言齊之營丘。淄水逕其南及東也。

非營陵明矣。獻公之徙，其猶晉氏深翼名絳。案名近刻，訛作居。非謂自營陵而之也。其外郭，卽獻公所徙臨淄城也。世謂之虜城。言齊湣王伐燕，燕王噲死，虜其民實諸郭，因以名之。案近刻訛作寶，居因郭以名之。秦始皇三十四年滅齊爲郡，治臨淄。漢高帝六年，案近刻脫帝字。封子肥於齊爲王國。王莽更名濟南也。戰國策曰：田單爲齊相，過淄水，有老人涉淄而出，不能行，坐沙中，單乃解裘於斯水之上也。

又東過利縣東

淄水自縣東北流，逕東安平城北，又東逕巨淀縣故城南。案巨淀漢書作鉅定。征和四年，漢武帝幸東萊，臨大海。

三月耕巨淀，卽此也。縣東南則巨淀湖，蓋以水受名也。淄水又東北逕廣饒縣故城南。漢武帝元鼎中，

封菑川靖王子劉國爲侯國。淄水又東北，馬車瀆水注之，受巨淀。淀卽濁水所注也。呂忱曰：濁水一名

溷水，出廣縣爲山，世謂之冶嶺山。案治近刻訛作治。東北流，逕廣固城西。城在廣縣西北四里，四周絕澗，阻水

深隍。晉永嘉中，東萊人曹嶷所造也。水側山際有五龍口。義熙五年，劉武帝伐慕容超於廣固也。以藉

險難攻，兵力勞弊。河間人玄文說裕云：昔趙攻曹嶷，望氣者以爲溷水帶城，非可攻拔。若塞五龍口，城

當必陷。石虎從之。嶷請降，降後五日大雨，雷電震開，後慕容恪之攻段龔，十旬不拔，塞口而龔降。降後

無幾，又震開之。今舊基猶存。案近刻脫今字。宜試修築。案試近刻訛作城。裕塞之，超及城內男女皆悉腳弱，病者大半，

超遂出奔，爲晉所擒也。然城之所跨，實憑地險，其不可固，城者在此。濁水東北流，逕堯山東。從征記曰：

廣固城北三里有堯山祠。堯因巡狩登此山，後人遂以名山。廟在山之左麓，廟像東面，華宇修整。帝圖嚴飾軒冕之容，穆然山之上頂，舊有上祠，今也毀廢，無復遺式。盤石上尚有人馬之跡，徒黃石而已。惟刀劍之蹤，逼真矣。至於燕鋒代鏢，魏缺齊銘，案近刻與今劍莫殊，以密模寫，知人功所制矣。西望胡公陵，孫暢之所云。青州刺史傅弘仁言得銅棺，隸書處濁水。又東北流，逕東陽城北，東北流合長沙水。水出逢山北阜，世謂之陽水也。東北流，逕廣縣故城西，舊青州刺史治，亦曰青州城。陽水又東北流，石井水注之。水出南山，山頂洞開，案近刻脫望若門焉。俗謂是山為譬頭山，案譬朱謀埜其水北流注井。井際廣城東側，三面積石，高深一匹有餘，長津激浪，瀑布而下，澎聶之音，驚川聒谷，瀚澔之勢，狀同洪河。

案近刻北流入陽水，余生長東齊，極游其下，於中闊絕，乃積綿載後，因王事復出海岱郭，金紫惠同石

井賦詩言意，彌日嬉娛，尤慰羈心。但恨此水時有通塞耳。陽水東逕故七級寺禪房南，水北則長廡徧

駕，迴閣承阿林之際，則繩坐疏班，錫鉢閒設，所謂脩脩釋子，眇眇禪棲者也。陽水又東逕東陽城東南，

案東陽近義熙中，晉青州刺史羊穆之築此，以在陽水之陽，即謂之東陽城。案謂下近世以濁水為西

陽水故也。水流亦有時窮通，信為靈矣。昔在宋世，是水絕而復流。劉晔賦通津焉。魏太和中，此水復竭，

輟流積年。先公除州，即任未朞，是水復通，澄映盈川，所謂幽谷枯而更溢，窮泉輟而復流矣。海岱之士，

又頌通津焉。平昌庖民孫道相頌曰：惟彼澗泉，竭踰三齡，祈盡珪璧，謁窮斯牲。案謁近刻道從隆替，降

由聖明。蓋民河間趙嶷頌云。敷化未基。元澤潛施。枯源揚瀾。涸川滌陂。北海郭欽曰。先政輟津。我后通洋。但頌廣文煩。難以具載。陽水又北。屈逕漢城陽。景王劉章廟東。東注於巨洋。後人竭斷。令北注濁水。時人通謂濁水爲陽水。故有南陽北陽水之論。二水渾流。世謂之爲長沙水也。亦或通名之爲澠水。故晏謨伏琛爲齊記。並云東陽城旣在澠水之陽。宜爲澠陽城。非也。世又謂陽水爲洋水。余按羣書。盛言洋水出臨朐縣。而陽水導源廣縣。兩縣雖鄰。川土不同。於事疑焉。濁水又北。逕臧氏臺西。又北逕益城西。又北流注巨淀。地理志曰。廣縣爲山。濁水所出。東北至廣饒入巨淀。巨淀之右。又有女水注之。水出東安平縣之蛇頭山。從征記曰。水西有桓公冢。甚高大。墓方七十餘丈。高四丈。圓墳圍二十餘丈。高七丈餘。一墓方七丈。二墳。晏謨曰。依陵記。非葬禮。如承世故。與其母同墓。而異墳。伏琛所未詳也。冢東山下。女水原有桓公祠。侍其衡。奏魏武王所立。曰。近日路次齊郊。瞻望桓公墳壟。在南山之阿。請爲立祀。爲塊然之主。郭緣生述征記曰。齊桓公冢。在齊城南二十里。因山爲墳。大冢東有女水。或云齊桓公女冢在其上。故以名水也。女水導川東北流。甚有神焉。化隆則水生。政薄則津竭。燕建平六年。水忽暴竭。玄明惡之。寢病而亡。燕太。上四年。女水又竭。慕容超惡之。燕祚遂淪。女水東北流。逕東安平縣故城南。續述征記曰。女水至安平城南。伏流十五里。然後更流。北注陽水。案近刻訛作注北楊水。城故鄒亭也。春秋魯莊公三年。紀季以鄒入齊。公羊傳曰。季者何。紀侯弟也。賢其服罪。請鄒以奉五祀。田成子單之故邑也。後

以為縣博陵有安平案原本及近刻並脫安字今補故此加東也世祖建武七年封菑川王子劉茂為侯國又逕東安

平城東案近刻脫東字東北逕壘丘東東北入巨淀案近刻脫巨字地理志曰菟頭山女水所出東北至臨淄入巨淀

又北為馬車瀆北合淄水又北時澠之水注之時水出齊城西北二十五里案西下近刻衍南字平地出泉即如

水也亦謂之源水因水色黑俗又目之為黑水西北逕黃山東又北歷愚山東案東上近刻重一山字有愚公冢

時水又屈而逕杜山北有愚公谷齊桓公時公隱於谷案近刻訛作谿鄰有認其駒者公以與之山即杜山之

通阜以其人狀愚故謂之愚公水有石梁案水上近刻衍故山二字亦謂之為石梁水又有瀆水注之水出時水東

去臨淄城十八里所謂瀆中也俗以瀆水為宿留水西北入於時水孟子去齊三宿而後出瀆故世以

此而變水名也水南山西有王歎墓昔樂毅伐齊賢而封之歎不受自縊而死水側有田引水溉跡尚

存時水又西北逕西安縣故城南本渠丘也案近刻脫丘字齊大夫離廩之邑矣王莽更之曰東寧時水又西

至石洋堰分為二水謂之石洋口枝津西北至梁鄒入濟時水又北逕西安城西又北京水系水注之

水出齊城西南世謂之寒泉也案近刻脫之字東北流直申門西京相璠杜預並言申門即齊城南面西第一

門矣為申池昔齊懿公游申池邴歎閻職二人案近刻歎訛作戎閻訛作庸害公於竹中今池無復髣髴然水側尚

有小小竹木以時遺生也左思齊都賦注申池在海濱齊藪也余按春秋襄公十八年晉伐齊戊戌伐

雍門之萩案近刻訛作萩己亥焚雍門壬寅焚東北二郭甲辰東侵及濰南及沂案近刻脫濰南及三字而不言北掠於

海且晉獻子尚不辭死以逞志何容對仇敵而不懲案近刻暴草木於海隅乎又炎夏火流非遠游之

辰懿公見弑蓋是白龍魚服見困近郊矣左氏捨近舉遠案舉近刻考古非矣案近刻杜預之言案之

訛作有推據耳系水傍城北流逕陽門西水次有故封處所謂齊之稷下也當戰國之時以齊宣王喜

文學遊說之士鄒衍淳于髡田駢接子慎到之徒七十六人皆賜列第為上大夫不治而論議是以齊

稷下學士復盛且數百十人劉向別錄以稷為齊城門名也談說之士期會於稷門下故曰稷下也鄭

志案此下近張逸問書贊云案近刻我先師棘下生何時人鄭玄答云齊田氏時善學者所會處也齊

人號之棘下生無常人也余按左傳昭公二十二年莒子如齊盟於稷門之外漢以叔孫通為博士號

稷嗣君史記音義曰欲以繼蹤齊稷下之風矣然棘下又是魯城內地名案魯原本及近刻左傳定公

八年陽虎劫公伐孟氏入自上東門戰於南門之內又戰於棘下者也蓋亦儒者之所萃焉故張逸疑

而發問鄭玄釋而辯之雖異名互見案互近刻大歸一也城內有故臺有營丘有故景王祠即朱虛侯

章廟矣晉起居注云齊有大蛇長三百步負小蛇長百餘步逕於市中市人悉觀自北門所入處也北

門外東北二百步有齊相晏嬰冢宅左傳晏子之宅近市景公欲易之而嬰弗更為誡曰吾生則近市

死豈易志乃葬故宅後人名之曰清節里系水又北逕臨淄城西門北而西流逕梧宮南昔楚使聘齊

齊王饗之梧宮即是宮矣其地猶名梧臺里臺甚層秀東西百餘步南北如減即古梧宮之臺臺東即

闕子所謂宋愚人得燕石處臺西有石社碑案社近刻訛作杜重一碑字猶存漢靈帝熹平五年立其題云梧臺里

系水又西逕葵丘北春秋莊公八年襄公使連稱管至父戍葵丘京相璠曰齊西五十里有葵丘地若

是無庸戍之案近刻脫庸字僖公九年齊桓會諸侯於葵丘宰孔曰齊侯不務脩德而勤遠略明葵丘不在齊

也案近刻脫明字引河東汾陰葵丘案河東原本及近刻並訛作胡廣今改正山陽西北葵城宜在此非也余原左傳連稱管至父

之戍葵丘以瓜時為往還之期案為今刻訛作而請代弗許將為齊亂故令無寵之妹候公於宮案妹近刻訛作姝因

無知之緇案近刻訛作出遂害襄公若出遠無代寧得謀及婦人而為公室之亂乎是以杜預稽春秋之旨即

傳安之注於臨淄西案此句有舛誤不得捨近託遠苟成己異於異可殊即義為負然則葵丘之戍即此地也

系水西案系原本及近刻並訛作時今改正左池為潭又西逕高陽僑郡南魏所立也又西北流注於時時水又東北流

澠水注之水出營城東世謂之漢溱水也西北流逕營城北漢景帝四年封齊悼惠王子劉信都為侯

國澠水又西逕樂安博昌縣故城南案樂安下近刻衍南字應劭曰昌水出東萊昌陽縣道遠不至取其嘉名闕

駟曰縣處勢平故曰博昌澠水西歷貝丘京相璠曰博昌縣南近澠水有地名貝丘在齊城西北四十

里案近刻脫城字春秋莊公八年齊侯田於貝丘見公子彭生豕立而泣齊侯墜車傷足於是處也澠水又西

北入時水從征記又曰水出臨淄縣北逕樂安博昌南界西入時水者也自下通謂之為澠也昔晉侯

與齊侯宴齊侯曰有酒如澠指喻此水也時水又屈而東北逕博昌城北時水又東北逕齊利縣故城

北。又東北逕巨淀縣故城北。又東北逕廣饒縣故城北。東北入淄水。地理風俗記曰：淄入濡。淮南子曰：白公問微言曰：若以水投水如何？孔子曰：淄澠之水合，易牙嘗而知之，謂斯水矣。

又東北入於海。

淄水入馬車瀆，亂流東北，逕琅槐故城南。又東北逕馬井城北，與時澠之水互受通稱，故邑流其號。又

東北至皮丘坑入於海。案坑近刻，訛作沈。故晏謨伏琛並言淄澠之水合於皮丘坑西。地理志曰：馬車瀆至琅

槐入於海，蓋舉縣言也。

汶水出朱虛縣泰山。

山上有長城，西接岱山，東連琅邪巨海，千有餘里，蓋田氏之所造也。竹書紀年：梁惠成王二十年，齊築

防以爲長城。竹書又云：晉烈公十二年，王命韓景子、趙烈子、翟員伐齊。案烈子近刻，訛作烈侯，又翟員二字，訛作及我師。入長

城。史記所謂齊威王越趙侵我，伐長城者也。案伐字近刻，訛在我字上。伏琛晏謨並言水出縣東南晤山，山在小泰

山東者也。

北過其縣東。

汶水自縣東北逕郚城北。案郚近刻，訛作崕。地理風俗記曰：朱虛縣東四十里有郚城亭。案近刻，訛作崕亭城。故縣也。又

東北逕管寧冢東，故晏謨言柴阜西南有魏獨行君子管寧墓，墓前有碑。又東北逕柴阜山，山之東

有徵士邴原冢。碑誌存焉。汶水又東北逕漢青州刺史孫嵩墓西。有碑碣。汶水又東逕安丘縣故城北。

漢高帝八年封將軍張敖為侯國。地理志曰：王莽之誅邴也。孟康曰：今渠丘亭是也。案渠丘亭下近刻

乃下文訛伏琛晏謨齊記並言莒渠丘亭在安丘城東北十里。非矣。案近刻訛作並言亭在城對牟山。

山之西南有孫賓碩兄弟墓。碑誌並在也。

又北過淳于縣西。又東北入於濰。案原本及近刻並訛作縣。今改正。

故夏后氏之斟灌國也。周武王以封淳于公。號曰淳于國。春秋桓公六年冬。州公如曹。傳曰：淳于公如

曹。度其國危。遂不復也。其城東北則兩川交會也。

濰水出琅邪箕縣濰山。案近刻脫此二字。

琅邪山名也。越王句踐之故國也。句踐并吳。欲霸中國。徙都琅邪。秦始皇二十六年滅齊。以為郡。城即

秦皇之所築也。案皇近刻訛作王。遂登琅邪大樂之山。作層臺於其上。謂之琅邪臺。臺在城東南十里。孤立特

顯。出於衆山。上下周二十里餘。傍濱巨海。秦王樂之。因留三月。乃徙黔首三萬戶於琅邪山下。復十二

年。所作臺基三層。層高三丈。上級平敞。方二百餘步。廣五里。案廣近刻訛作高。刊石立碑。紀秦功德。臺上有神

淵。淵至靈焉。案至近刻訛作主。人汗之則竭。齋潔則通。神廟在齊八祠中。漢武帝亦嘗登之。漢高帝呂后七年。

以為王國。文帝三年更名為郡。王莽改曰填夷矣。濰水導源濰山。許慎呂忱云：濰水出箕屋山。淮南子

曰。濰水出覆舟山。蓋廣異名也。東北逕箕縣故城西。又西。析泉水注之。水出析泉縣北。松山東。南流逕析泉縣東。案近刻脫逕字。又東南逕仲固山。東北流入於濰。地理志曰。至箕縣北入濰者也。濰水又東北逕諸縣故城西。春秋文公十二年。季孫行父城諸及鄆。傳曰。城其下邑也。王莽更名諸并矣。濰水又東北涓水注之。水出馬耳山。山高百丈。上有二石並舉。望齊馬耳。故世取名焉。東去常山三十里。涓水發於其陰。北逕婁鄉城東。春秋昭公五年。經書夏莒牟夷以牟婁防茲來奔者也。又分諸縣之東。為海曲縣。故俗人謂此城為東諸城。涓水又北注於濰水。

東北過東武縣西。案東武下近刻衍城字。

縣因岡為城。城周三十里。漢高帝六年。封郭蒙為侯國。王莽更名之曰祥善矣。又北。左合扶淇之水。水出西南常山。東北流注濰。晏伏並以濰水為扶淇之水。案伏近刻訛作謨。以扶淇之水為濰水。非也。按經脈誌。

濰自箕縣北。逕東武縣西。北流。合扶淇之水。晏謨伏琛云。東武城西北二里濰水者。即扶淇之水也。濰

水又北。右合盧水。即久台水也。地理志曰。水出琅邪橫縣故山。王莽之令丘也。案令近刻作合。山在東武縣故

城東南。世謂之廬山也。西北流。逕昌縣故城西。東北流。齊地記曰。東武城東南有廬水。水側有勝火木。

方俗音曰。檉子。其木經野火燒死。炭不滅。故東方朔云。不灰之木者也。其水又東北流。逕東武縣故城

東。而西北入濰。地理志曰。久台水東南至東武入濰者也。案近刻水下有出字。至作逕。尚書所謂濰淄其道矣。

又北過平昌縣東。

濰水又北逕石泉縣故城西。王莽之養信也。地理風俗記曰：平昌縣東南四十里有石泉亭，故縣也。濰

水又北逕平昌縣故城東。荆水注之。水出縣南荆山阜，東北流逕平昌縣故城東。漢文帝封齊悼惠王

肥子卬為侯國。案卬近刻城之東南角有臺，臺下有井，與荆水通。物墜於井，則取之荆水。昔常有龍出

入於其中，故世亦謂之龍臺城也。荆水又東北流注於濰。濰水又北，浯水注之。水出浯山，世謂之巨平

山也。地理志曰：靈門縣有高原山、壺山。案桑卽栢字，近刻訛作浯水所出，東北入濰。今是山西接浯山，

許慎說文言水出靈門山，世謂之浯汶矣。其水東北逕姑幕縣故城東。縣有五色土，王者封建諸侯，隨

方受之，故薄姑氏之國也。闕駟曰：周成王時，薄姑與四國作亂，周公滅之，以封太公，是以地理志曰：或

言薄姑也。王莽曰：季陸矣。應劭曰：左傳曰：薄姑氏國，太公封焉。薛瓚漢書注云：博昌有薄姑城，未知孰

是。浯水又東北逕平昌縣故城北。古竭，此水以溢溉田，南注荆水。浯水又東北流而注於濰水也。

又北過高密縣西。

應劭曰：縣有密水，故有高密之名也。然今世所謂百尺水者，蓋密水也。水有二源，西源出奔山，亦曰鄆

日山。山勢高峻，隔絕陽曦。案近刻脫晏謨曰：山狀鄆日，是有此名。伏琛曰：山上鄆日，故名鄆日山也。其

水東北流，東源出五弩山，西北流同瀉一壑，俗謂之百尺水。古人竭以溉田數十頃，北流逕高密縣西。

下注濰水。自下亦兼通稱焉。亂流。歷縣西碑產山西。又東北水有故堰。舊鑿石豎柱。斷濰水。廣六十許步。掘東岸。激通長渠。東北逕高密縣故城南。案近刻脫縣字明帝永平中。封鄧震爲侯國。縣南十里。蓄以爲塘。方二十餘里。古所謂高密之南都也。溉田一頃許。陂水散流。下注夷安澤。濰水自堰北。逕高密縣故城西。漢文帝十六年。別爲膠西國。宣帝本始元年。案本近刻訛作平更爲高密國。王莽之章牟也。濰水又北。昔韓信與楚將龍且。夾濰水而陣於此。信夜令爲萬餘囊。盛沙以遏濰水。引軍擊且。僞退。且追北。信決水。水大至。且軍半不得渡。遂斬龍且。於是水。水西有厲阜。案近刻作厲阜阜上有漢司農卿鄭康成冢。石碑猶存。又北逕昌安縣故城東。漢明帝永平中。封鄧襲爲侯國也。郡國志曰。漢安帝延光元年復也。

又北過淳于縣東。

濰水又北。左會汶水。北逕平城亭西。又東北逕密鄉亭西。郡國志曰。淳于縣有密鄉。地理志皆北海之屬縣也。應劭曰。淳于縣東北六十里。有平城亭。又四十里。有密鄉亭。故縣也。濰水又東北逕下密縣故城西。城東有密阜。地理志曰。有三戶山祠。案戶近刻訛作石余按應劭曰。案近刻脫曰字密者水名。是有下密之稱。俗以之名阜。非也。

又東北過都昌縣東。案過近刻訛作逕

濰水東北逕逢萌墓。萌。縣人也。少有大節。恥給事縣亭。遂浮海至遼東。復還。在不其山。隱學。明帝安車

徵萌以佯狂免。又北逕都昌縣故城東。漢高帝六年封朱軫為侯國。北海相孔融為黃巾賊管亥所圍於都昌也。太史慈為融求救。劉備持的突圍其處也。

又東北入於海。

膠水出黔陬縣膠山北。過其縣西。

齊記曰：膠水出五弩山。蓋膠山之殊名也。北逕祝茲縣古城東。漢武帝元鼎中封膠東康王子延為侯

國。又逕扶縣故城西。案扶漢書作邦。地理志：琅邪之屬縣也。漢文帝元年封呂平為侯國。膠水又北逕黔陬故

城西。袁山松郡國志曰：縣有介亭。地理志曰：故介國也。春秋僖公九年介葛盧來朝。聞牛鳴曰：是生三

犧皆用之。問之果然。晏謨伏琛並云：縣有東西二城。相去四十里。有膠水。非也。斯乃拒艾水也。水出縣

西南拒艾山。即齊記所謂黔艾山也。東北流逕拒縣故城西。案拒近刻。詛作拒。王莽之祓同也。案祓同。近刻。詛作秩國。世

謂之王城。又謂是水為洋水矣。案近刻重。一洋字。又東北流。案近刻。詛作逕。晏伏所謂黔陬城西四十里有膠水者也。

又東入海。地理志：琅邪有拒縣。根艾水出焉。東入海。即斯水也。今膠水北流。案近刻。脫流字。逕西黔陬城東。晏

伏所謂。案此四字近刻。詛在黔陬城東上。高密郡側有黔陬縣。案黔陬晉為高密郡治。地理志曰：膠水出邦縣。案邦近刻。詛作邦。王莽更

之純德矣。疑即是縣。所未詳也。

又北過夷安縣東。

縣故王莽更名之原亭也。案近刻脫故字。應劭曰。故萊夷維邑也。案近刻脫維字。太史公曰。晏平仲。萊之夷維

之人也。漢明帝永平中。封鄧珍為侯國。西去濰水四十里。膠水又北。逕膠陽縣東。案近刻脫縣字。晏伏並謂之

東亭。自亭結路。南通夷安。地理風俗記曰。淳于縣東南五十里。有膠陽亭。故縣也。又東北流。案近刻左

會一水。世謂之張奴水。水發夷安縣東南阜下。西北流。歷膠陽縣。注於膠。膠水之左為澤。潞。東北百許

里。案近刻脫一膠字。訛作水之左。案東北為澤水。潞百許里。謂之夷安潭。潭周四十里。案潭下。近刻亦濰水枝津之所注也。膠水又

東北。逕下密縣故城東。又東北。逕膠東縣故城西。漢高帝元年。別為國。景帝封子寄為王國。王莽更之

郁秩也。案秩。今漢書作秩。今長廣郡治。伏琛晏謨言。膠水東北迴。達於膠東城北百里。流注於海。

又北過當利縣西北入於海。

縣故王莽更名之為東萊亭也。案近刻脫名字為字。又北逕平度縣。漢武帝元朔二年。封菑川懿王子劉衍為侯

國。王莽更名之曰利盧也。縣有土山。膠水北歷土山。注於海。海南土山以北。悉鹽坑相承。脩煮不輟。北

眺巨海。杳冥無極。天際兩分。白黑方別。所謂溟海者也。案謂下。近刻衍之字。故地理志曰。膠水北至平度入海也。

案也。上。近刻衍者字。

卷二十七

沔水

沔水出武都沮縣東狼谷中。

沔水一名沮水。關駟曰：以其初出沮洳然，故曰沮水也。縣亦受名焉。導源南流，泉街水注之。水出河池

縣，東南流入沮縣，會於沔。沔水又東南，逕沮水戍，而東南流注漢，曰沮口。案此十八字原本及近刻並訛作經。所謂沔漢

者也。尚書曰：蟠冢導漾，東流為漢。山海經所謂漢出鮒嶠山也。東北流，得獻水口。庾仲雍云：是水南至

關城，合西漢水。漢水又東北，合沮口，同為漢水之源也。故如淳曰：此方人謂漢水為沔水。案此近刻訛

之下衍安國曰：漾水東流為沔，蓋與沔合也。至漢中為漢水，是互相通稱矣。沔水又東逕白馬戍，南瀝

水入焉。案此十三字原本及近刻並訛作經。水北發武都氏中，南逕張魯城東。魯沛國張陵孫陵學道於蜀鶴鳴山，傳業

衡，衡傳於魯。魯至行寬，惠百姓親附，供道之費，米限五斗，故世號五斗米道。初平中，劉焉以魯為督義

司馬，住漢中。案住近刻訛作往。斷絕谷道，用遠城治，因即嶠嶺，周迴五里，東臨濬谷，杳然百尋，西北二面連峯

接崖，莫究其極。從南為盤道，登陟二里有餘。瀝水又南逕張魯治東，水西山上有張天師堂，於今民事

之。庾仲雍謂山為白馬塞，堂為張魯治，東對白馬城，一名陽平關。瀝水南流入沔，謂之瀝口。其城西帶

瀝水，南面沔川。案近刻訛作州。城側二水之交，故亦曰瀝口城矣。沔水又東逕武侯壘南。案此九字原本及近刻並訛作經。諸

葛武侯所居也。南枕沔水，水南有亮壘，背山向水，中有小城，迴隔難解。沔水又東逕沔陽縣故城南。案此

十一字。原本及近刻並訛作經。城舊言漢祖在漢中。蕭何所築也。案言字近刻。訛在中字下。漢建安二十四年。劉備并劉璋。北定漢

中。始立壇。卽漢中王位於此。案近刻脫中字。又此句之下。衍城字。其城南臨漢水。北帶通達。南面崩水三分之一。觀其遺

略。厥狀時傳。南對定軍山。曹公南征漢中。張魯降。乃命夏侯淵等守之。劉備自陽平關南渡沔水。遂斬

淵首。保有漢中。諸葛亮之死也。遺令葬於其山。因卽地勢。不起墳壟。惟深松茂柏。攢蔚川阜。莫知墓塋

所在。案塋近刻。訛作營。山東名高平。是亮宿營處。有亮廟。亮薨。百姓野祭。步兵校尉習隆中書郎向充其表云。

臣聞周人思召伯之德。甘棠爲之不伐。越王懷范蠡之功。鑄金以存其像。亮德軌遐邇。勳蓋來世。王室

之不壞。實賴斯人。而使百姓巷祭。戎夷野祀。非所以存德念功。追述在昔者也。今若盡順民心。則黷而

無典。建之京師。又逼宗廟。此聖懷所以惟疑也。臣謂宜近其墓。立之沔陽。斷其私祀。以崇正禮。始聽立

祀。斯廟蓋所啓置也。鍾士季征蜀。枉駕設祠。塋東卽八陣圖也。案塋近刻。亦訛作營。遺基略在崩褫難識。沔水又

東逕西樂城北。案此九字。原本及近刻並訛作經。城在山上。案近刻脫城字。周三十里。甚險固。城側有谷。謂之容裘谷。道通益

州。山多羣獠。諸葛亮築以防遏。梁州刺史楊亮。以卽險之固。保而居之。爲苻堅所敗。後刺史姜守潘猛

亦相仍守此城。案近刻脫守字。城東容裘溪水注之。俗謂之洛水也。水南導巴嶺山。東北流水。左有故城。憑山

卽險。四面阻絕。昔先主遣黃忠據之。以拒曹公。溪水又北逕西樂城東。而北流注於漢。案注內自此以下稱漢。漢

水又左得度口水。出陽平北山。案此十三字。原本及近刻並載上八字。訛作經。下五字。仍屬注文。水有二源。一曰清檢。出佳鱖。一曰濁

檢案一近刻出好鮒常以二月八月取之。美珍常味。度水南逕陽平縣故城東。又南逕沔陽縣故城東。

西南流注於漢水。案西近刻漢水又東。右會溫泉水口。水發山北平地方數十步。泉源沸湧。冬夏湯湯。

望之則白氣浩然。言能瘥百病云。洗浴者皆有硫黃氣。赴集者常有百數。池水通注漢水。漢水又東。黃

沙水左注之。案此十字原本及水北出遠山。山谷邃險。人跡罕交。溪曰五丈溪。水側有黃沙屯。諸葛亮

所開也。其水南注漢。水南有女郎山。山上有女郎冢。遠望山墳。嵬嵬狀高。及卽其所。裁有墳形。山上直

路下出。不生草木。世人謂之女郎道。下有女郎廟。及擣衣石。言張魯女也。有小水北流入漢。謂之女郎

水。漢水又東。合襄水。案此七字原本及水西北出衙嶺山。東南逕大石門。歷故棧道下谷。俗謂千梁無

柱也。諸葛亮與兄瑾書云。前趙子龍退軍。燒壞赤崖。以北閣道。緣谷百餘里。其閣梁一頭入山腹。其一

頭立柱於水中。今水大而急。不得安柱。此其窮極不可強也。又云。頃大水暴出。赤崖以南橋閣悉壞。時

趙子龍與鄧伯苗。一戍赤崖屯田。一戍赤崖口。但得緣崖。與伯苗相聞而已。後諸葛亮死於五丈原。魏

延先退而焚之。謂是道也。自後按舊修路者。悉無復水中柱。逕涉者。浮梁振動。無不搖心眩目也。襄水

又東南逕三交城。城在三水之會故也。一水北出長安。一水西北出仇池。一水東北出太白山。是城之

所以取名矣。襄水又東南。得丙水口。水上承丙穴。穴出嘉魚。常以三月出。十月入地。穴口廣五六尺。去

平地七八尺。有泉懸注。案近刻魚自穴下透入水。穴口向丙。故曰丙穴。下注襄水。故左思稱嘉魚出於

丙穴。良木攢於褒谷矣。褒水又東南歷小石門。門穿山通道。六丈有餘。刻石言漢明帝永平中。司隸校

尉犍為楊厥之所開。逮桓帝建和二年。漢中太守同郡王升。案漢下近刻衍大嘉厥開鑿之功。琢石頌

德。以為石牛道。來敏本蜀論云。秦惠王欲伐蜀而不知道。作五石牛。以金置尾下。言能屎金。蜀王負力。

令五丁引之成道。秦使張儀司馬錯尋路滅蜀。因曰石牛道。厥蓋因而廣之矣。蜀都賦曰。阻以石門。其

斯之謂也。門在漢中之西。褒中之北。褒水又東南歷褒口。即褒谷之南口也。北口曰斜。所謂北出褒斜。

案近刻褒水又南逕褒縣故城。東褒中縣也。本褒國矣。漢昭帝元鳳六年。置褒水。又南流入於漢。漢水

又東逕萬石城下。城在高原上。原高十餘丈。四面臨平。形若覆瓮。水南過水為阻。西北並帶漢水。其城

宿是流雜聚居。故世亦謂之流雜城。漢水又東逕漢廟堆下。案此九字原本及昔漢女所遊。側水為釣

臺。後人立廟於臺上。世人覩其頽基崇廣。因謂之漢廟堆。案謂近刻傳呼乖實。又名之為漢武堆。非也。

東過南鄭縣南。案東上近刻

縣故褒之附庸也。周顯王之世。蜀有褒漢之地。至六國。楚人兼之。懷王衰弱。秦略取焉。周赧王二年。秦

惠王置漢中郡。因水名也。耆舊傳云。南鄭之號。始於鄭桓公。桓公死於犬戎。其民南奔。故以南鄭為稱。

案近刻即漢中郡治也。漢高祖入秦。項羽封為漢王。蕭何曰。天漢。美名也。遂都南鄭。大城周四十二里。

城內有小城。南憑津流。案近刻脫北結環雉。金墉漆井。皆漢所修築。地沃川險。魏武方之雞肋。曰。釋騏

驥而不乘焉。皇皇而更求。遂留杜子緒鎮南鄭而還。晉以康中。梁州刺史司馬勳斷小城東面三分之

一以爲梁州。漢中郡南鄭縣治也。自齊宋魏。咸相仍焉。水南卽漢陰城也。相承言呂后所居也。有廉水

出巴嶺山。北流逕廉川。故水得其名矣。案近刻脫矣字廉水又北注漢水。漢水右合池水。水出旱山。山下有祠。

列石十二。不辨其由。蓋社主之流。百姓四時祈禱焉。俗謂之獠子水。夾溉諸田。散流左注漢水。漢水又

東得長柳渡。案此八字原本及近刻並訛作經長柳。村名也。漢太尉李固墓碑銘尙存。文字剝落。不可復識。漢水又東

逕胡城南。義熙十五年。城上有密雲細雨。五色昭彰。人相與謂之慶雲休符。當出曉而雲霽。乃覺城崩

半許。淪水出銅鐘十二枚。刺史索邈奉送洛陽。歸之宋公府。案近刻脫公字南對扁鵲城。當是越人舊所逕涉。

故邑流其名耳。漢水出於二城之間。右會磐余水。水出南山巴嶺上。泉流兩分。飛清派注。南入蜀水。北

注漢津。謂之磐余口。庾仲雍曰。磐余去胡城二十里。漢水又左會文水。案此七字原本及近刻並訛作經水卽門水也。

出胡城北山石穴中。長老云。杜陽有仙人宮。石穴宮之前門。故號其川爲門川。水爲門水。東南流。逕胡

城北。三城奇對。隔谷羅布。深溝固壘。高臺相距。門水右注漢水。謂之高橋溪口。漢水又東。黑水注之。案

八字原本及近刻並訛作經水出北山。南流入漢。庾仲雍曰。黑水去高橋三十里。諸葛亮牋云。朝發南鄭。暮宿黑水。

四五十里。指謂是水也。道則百里也。

又東過成固縣南。案成近刻訛作城下同又東過魏興安陽縣南。涪水出自旱山。北注之。

水發西溪東南流合為一水亂流南出際其城西案成近刻訛作城南注漢水漢水又東逕小成固南下同又此九字原

本及近刻州治大成固移縣北故曰小成固城北百二十里有興勢坂諸葛亮出洛谷戍興勢置烽火

樓處通照漢水案照近刻作臨東歷上濤而逕於龍下蓋伏石驚湍流屯激怒故有上下二濤之名龍下地名

也有丘柳墳墟舊謂此館為龍下亭自白馬迄此則平川夾勢水豐壤沃利方三蜀矣度此溯洄從漢

為山行之始漢水又東逕石門灘案此八字原本及山峽也東會酉水水北出秦嶺西谷南歷重山與

寒泉合水東出寒泉嶺案近刻脫泉湧山頂望之交橫似若瀑布頽波激石散若雨灑勢同厭原風雨

之池案原近刻其水西流入於酉水酉水又南注漢謂之酉口漢水又東逕媯虛灘案虛下近刻衍為

及近刻並世本曰舜居媯汭在漢中西城縣或言媯墟在西北舜所居也或作姚虛案姚近刻故後或

姓姚或姓媯案故下近刻有舜所居媯姚之異是妄未知所從案是近刻余按應劭之言是地於西城

為西北也漢水又東逕猴徑灘案此八字原本及山多猴猿好乘危綴飲故灘受斯名焉

漢水又東逕小大黃金南案此十字原本及山有黃金峭水北對黃金谷有黃金戍傍山依峭險折七

里氏掠漢中阻此為戍與鐵城相對一城在山上容百餘人一城在山下可置百許人言其險峻故以

金鐵制名矣昔楊難當令魏興太守薛健據黃金姜寶據鐵城宋遣秦州刺史蕭思話西討案近刻脫

話令陰平太守蕭垣攻拔之案垣近刻賊退酉水矣漢水又東合蘧蔭溪口案此九字原本及水北出

常璩華陽國志曰蜀以成固爲樂城縣也安陽縣故隸漢中魏分漢中立魏興郡安陽隸焉涪水出西

南而東北入漢案此下近刻有左谷水出西面左谷水出西北案漢書地理志漢中郡安陽鵞谷水出

涪在乃卽壻水也北發聽山山下有穴水穴水東南流歷平川中謂之壻鄉水曰壻水川有唐公祠唐

君字公房成固人也學道得仙入雲臺山合丹服之白日升天雞鳴天上狗吠雲中惟以鼠惡留之鼠

乃感激以月晦日吐腸胃更生故時人謂之唐鼠也公房升仙之日壻行未還案壻下近刻有之字不獲同階雲

路約以此川爲居言無繁霜蛟虎之患其俗以爲信然案近刻脫因號爲壻鄉故水亦卽名焉百姓爲

之立廟於其處也刊石立碑表述靈異壻水南歷壻鄉溪出山東南流逕通關勢南山高百餘丈上有

匈奴城方五里濬塹三重高祖北定三秦蕭何守漢中欲修北道通關中故名爲通關勢壻水又東逕

七女冢冢夾水羅布如七星高十餘丈周迴數晦元嘉六年大水破墳墳崩出銅不可稱計得一塹刻

云項氏伯無子七女造塹世人疑是項伯冢水北有七女池池東有明月池狀如偃月皆相通注謂之

張良渠蓋良所開也壻水逕樊噲臺南臺高五六丈上容百許人又東南逕大成固北城乘高勢北臨

壻水水北有韓信臺高十餘丈上容百許人相傳高祖齋七日置壇設九賓禮以禮拜信也壻水東迴

南轉又逕其城東而南入漢水謂之三水口也漢水又東會益口水出北山益谷東南流注於漢水漢

水又東至灊城南與洛谷水合案此十三字原本水北出洛谷谷北通長安其水南流右則灊水注之

就谷。在長安西南。其水南流。逕巴溪戍西。又南逕陽都坂東坂。自上及下。盤折十九曲。西連寒泉嶺。漢中記曰。自西城涉黃金峭寒泉嶺陽都坂。峻嶒百重。絕壁萬尋。既造其峯。謂已踰崧岱。復瞻前嶺。又倍過之。言陟羊腸。超煙雲之際。顧看向塗。杳然有不測之險。山豐野牛野羊。騰巖越嶺。馳走若飛。觸突樹木。十圍皆倒。山殫艮阻。地窮坎勢矣。其水南歷蘧蔭溪。謂之蘧蔭水。而南流注於漢。謂之蔭口。漢水又東。右會洋水。案此八字原本及近刻並訛作經。川流漫闊。廣幾里許。洋水導源巴山。東北流。逕平陽城。漢中記曰。本西鄉縣治也。自成固南入三百八十里。案南下近刻衍城南二字。距南鄭四百八十里。洋川者。漢戚夫人之所生處也。高祖得而寵之。夫人思慕本鄉。追求洋川米。案近刻脫米字。帝爲驛致長安。蠲復其鄉。更名曰縣。故又目其地爲祥川。案故又近刻訛作洋。又故祥訛作洋。用表夫人載誕之休祥也。案載誕近刻訛作誕載。城卽定遠矣。漢順帝永光七年。封班超以漢中郡南鄭縣之西鄉爲定遠侯。卽此也。洋水又東北流入漢。謂之城陽水口也。漢水又東。歷敖頭。案此八字原本及近刻並訛作經。舊立倉儲之所。傍山通道。水陸險湊。魏興。安康縣治。有戍統領流雜。漢水又東。合直水。案此七字原本及近刻並訛作經。水北出子午谷岩嶺下。又南。枝分東注。旬水又南。逕蕤閣下。案近刻脫逕字。山上有戍。置於崇阜之上下。臨深淵。張子房燒絕棧閣。示無還也。又東南。歷直谷。逕直城西。而南流注漢。漢水又東。逕直城南。案此八字原本及近刻並訛作經。又東。逕千渡。而至蝦蟆頤。案近刻訛作嶺。歷漢陽灑口。而屆於彭溪龍竈矣。並溪澗灘磧之名也。漢水又東。逕晉昌郡之寧都縣南。案此十三字原本及近刻並訛作經。縣治松溪口。又東。逕魏興郡廣

城縣縣治王谷。案近刻脫谷道南出巴獠有鹽井食之令人瘦疾漢水又東逕魚脯谷口。案谷近刻訛

字原本及近刻並訛作經舊西城廣城二縣指此谷而分界也。

又東過西城縣南

漢水又東逕鼈池南鯨灘。案南近刻鯨大也蜀都賦曰流漢湯湯驚浪雷奔望之天迴即之雲昏者也。

漢水又東逕嵐谷北口嶂遠溪深澗峽險邃氣蕭蕭以瑟瑟風颼颼而颼颼故川谷擅其日矣漢水又

東右得大勢。案此八字原本及近刻並訛作經勢阻急溪故亦曰急勢也依山為城城周二里在峻山上梁州督護吉

挹所治苻堅遣偏軍韋鍾伐挹挹固守二年不能下無援遂陷漢水右對月谷口。案此七字原本及近刻並訛作經山

有坂月川於中黃壤沃衍而桑麻列植佳饒水田故孟達與諸葛亮書善其川土沃美也漢水又東逕

西城縣故城南。案此十一字原本及近刻並訛作經地理志漢中郡之屬縣也。案志下近刻衍漢末為西城郡建安二十

四年劉備以申儀為西城太守儀據郡降魏魏文帝改為魏興郡治故西城縣之故城也氏略漢川梁

州移治於此城內有舜祠漢高帝廟置民九戶歲時奉祠焉漢水又東為鱣湍。案此七字原本及近刻並訛作經洪波

濟盪瀾浪雲頽古耆舊言有鱣魚奮鱗逆流望濤直上至此則暴鯁失濟故因名湍矣漢水又東合旬

水。案此七字原本及近刻並訛作經水北出旬山東南流逕平陽戍下與直水枝分東注逕平陽戍入旬水旬水又東

南逕旬陽縣與柞水合水西出柞溪南流逕重巖堡西屈而東流逕其堡南東南注於旬水旬水又東

南逕旬陽縣南縣北山有懸書崖高五十丈刻石作字人不能上案人上近刻衍今字不知所道山下有石壇案近

刻脫有字上有馬跡五所名曰馬跡山旬水東南注漢謂之旬口案近刻脫謂字漢水又東逕木蘭寨南案近刻脫

九字原本及近刻並訛作經右岸有城案右近刻名伎陵城案近刻周迴數里左岸壘石數十行重壘數十里中謂

是處為木蘭寨云吳朝遣軍救孟達於此矣漢水又東左得育溪案此八字原本及近刻並訛作經興晉旬陽二縣分

界於是谷案興近刻漢水又東合甲水口案合近刻訛作水出秦嶺山東南流逕金井城南又東逕上

庸郡北與關耐水合水出上洛陽亭縣北青泥西山案青近刻南逕陽亭聚西俗謂之平陽水南合豐

鄉川水水出弘農豐鄉東山西南流逕豐鄉故城南案漸近刻訛有故鄠鄉春秋

所謂豐漸也於地理志屬弘農案近刻今屬南鄉又西南合關耐水關耐水又南入上津注甲水甲水

又東南逕魏興郡之興晉縣南案興晉近刻訛晉武帝太康中立甲水又東右入漢水漢水又東為龍

淵淵上有胡鼻山石類胡人鼻故也下臨龍井渚淵深數丈漢水又東逕魏興郡之錫縣故城北案此

字原本及近刻並訛作經為白石灘縣故春秋之錫穴地也故屬漢中王莽之錫治也縣有錫義山方圓百里形如

城四面有門上有石壇長數十丈世傳列仙所居今有道士被髮餌朮恆數十人山高谷深多生薇蕨

草其草有風不偃無風蠲搖漢水又東逕長利谷南入谷有長利故城舊縣也漢水又東歷姚方案此

原本及近刻並訛作經蓋舜後枝居是處故地留姚稱也

卷二十八

沔水案此卷經文又東過堵陽縣至注文習鑿齒又為其宅銘焉原本及近刻並為卷二十九之首以又東過襄陽縣北至末為卷二十八前後互訛今訂正辨說詳後

又東過堵陽縣堵水出自上粉縣案堵水出下原本及近刻並有焉字係後人妄加今刪去北流注之

堵水出建平郡界故亭谷案出近刻作自東歷新城郡故漢中之房陵縣也世祖建武元年封鄧晨為侯國

案此下近刻有也字漢末以為房陵郡魏文帝合房陵上庸西城立以為新城郡以孟達為太守治房陵故縣有

粉水縣居其上故曰上粉縣也堵水之旁有別溪岸側土色鮮黃乃云可噉有言飲此水者令人無病

而壽豈其信乎又有白馬山山石似馬望之逼真側水謂之白馬塞孟達為守登之而歎曰劉封申耽

據金城千里而更失之乎為上堵吟音韻哀切有惻人心今水次尚歌之堵水又東北逕上庸郡故庸

國也春秋文公十六年楚人秦人巴人滅庸庸小國附楚楚有災不救舉羣蠻以叛故滅之以為縣屬

漢中郡漢末又分為上庸郡城三面際水堵水又東逕方城亭南案近刻訛作而東北歷嶮山下而北逕堵陽

縣南北流注於漢謂之堵口漢水又東謂之澇灘冬則水淺而下多大石又東為淨灘夏水急盛川多

湍洑行旅苦之故諺曰冬澇夏淨斷官使命言二灘阻礙

又東過鄖鄉南案鄉近刻訛作陽下衍縣字

漢水又東逕鄖鄉縣南之西山。上有石蝦蟆。倉卒看之。與真不別。漢水又東逕鄖鄉縣故城南。案此十

本及近刻。謂之鄖鄉灘。縣故黎也。即長利之鄖鄉矣。地理志曰。有鄖關。李奇以為鄖子國。晉太康五年。

並訛作經。謂之鄖鄉灘。縣故黎也。即長利之鄖鄉矣。地理志曰。有鄖關。李奇以為鄖子國。晉太康五年。

又東北流。又屈東南。過武當縣東北。

縣西北四十里。漢水中有洲名滄浪洲。庾仲雍漢水記。案近刻脫水字。謂之千齡洲。非也。是世俗語訛。音與字

變矣。地說曰。水出荆山。東南流。案南近刻。為滄浪之水。是近楚都。故漁父歌曰。滄浪之水清兮。可以濯

我纓。滄浪之水濁兮。可以濯我足。余按尚書禹貢。言導漾水東流為漢。又東為滄浪之水。不言過而言

為者。明非他水決入也。蓋漢沔水自下有滄浪通稱耳。纏絡鄖郢地。連紀都。案近刻。咸楚都矣。漁父歌

之。不違水地考。按經傳。案近刻。滄浪洲傳。宜以尚書為正耳。漢水又東。為佷子潭。案此八字。原本及

石磧洲。長六十丈。廣十八丈。世亦以此洲為佷子葬父於斯。故潭得厥目焉。所未詳也。漢水又東南逕

武當縣故城北。案此十二字。原本及近刻。並訛作經。世祖封鄖晨子棠為侯國。案棠近刻。內有一碑。文字磨滅。不可復識。

俗相傳言。是華君銘。亦不詳華君何代之士。漢水又東。平陽川水注之。案此十字。原本及近刻。並訛作經。

親山。南歷平陽川。逕平陽故城下。又南流注於沔。案注內自此以復稱沔。沔水又東南逕武當縣故城東。又東。

曾水注之。案近刻。脫武當二字。及故字。又此十八字。原本。水導源縣南武當山。一曰太和山。亦曰嶮上

山山形特秀。又曰仙室。荊州圖副記曰：山形特秀，異於衆嶽。峯首狀博山香爐，亭亭遠出。藥食延年者萃焉。晉咸和中，歷陽謝允舍羅邑宰隱遁斯山，故亦曰謝羅山焉。案近刻脫焉字曾水發源山麓，逕越山陰，東北流，注於沔，謂之曾口。沔水又東逕龍巢山下。案此九字原本及近刻並訛作經山在沔水中，高十五丈，廣員一里，二百三十步。山形峻峭，其上秀林茂木，隆冬不凋。

又東南過涉都城東北。案近刻過訛作

故鄉名也。按郡國志：筑陽縣有涉都鄉者也。漢武帝元封元年。案元封近刻訛作元光封南海守降侯子嘉為侯

國，均水於縣入沔，謂之均口也。

又東南過鄧縣之西南。

縣治故城南，臨沔水，謂之鄧頭。漢高帝五年，封蕭何為侯國也。薛瓚曰：今南鄉鄧頭是也。茂陵書曰：在

南陽。王莽更名南庚者也。案庚近刻訛作庚

又南過穀城東，又南過陰縣之西。

沔水東逕穀城南，而不逕其東矣。城在穀城山上。春秋穀伯綏之邑也。墉闐頽毀，基塹亦存。沔水又東

南逕陰縣故城西，故下陰也。春秋昭公十九年，楚工尹赤遷陰於下陰是也。縣東有冢。案近刻脫冢字縣令濟

南劉熹，字德怡，魏時宰縣，雅好博古，教學立碑。案教學近刻訛作學教載生徒百有餘人，不終業而天者，因葬其

地號曰生墳。沔水又東南得洛溪口。案此九字原本及近刻並訛作經。水出縣西北集池陂東南流逕洛陽城北枕洛

溪。案枕近刻訛作抗。溪水東南注沔水也。

又南過筑陽縣東。案近刻脫縣字。筑水出自房陵縣東過其縣南流注之。案此十五字原本訛入注內近刻屬經文。

沔水又南汎水注之。案水下近刻衍流字。水出梁州閬陽縣魏遣夏侯淵與張郃下巴西進軍宕渠劉備軍汎口

即是水所出也。張飛自別道襲張郃於此水郃敗棄馬升山走還漢中汎水又東逕巴西歷巴渠北新

城上庸東逕汎陽縣故城南晉分筑陽立自縣以上山深水急枉渚崩湍水陸徑絕又東逕學城南。案此

六字原本及近刻並訛作經考上下文義乃注內敘汎水所逕。梁州大路所由也。舊說昔者有人立學都於此值世荒亂生徒罔依遂

共立城以禦難故城得厥名矣汎水又東流注於沔謂之汎口也沔水又南逕闕林山東本郡陸道之

所由山東有二碑其一即記闕林山文曰君國者不躋高堙下先時或斷山岡以通平道民多病守長

冠軍張仲瑜。案近刻訛作瑜。乃與邦人築斷故山道作此銘其一郭先生碑先生名輔字甫成有孝友悅學之

美其女為立碑於此並無年號皆不知何代人也沔水又南逕筑陽縣東。案此九字原本及近刻並訛作經。又南筑水

注之杜預以為彭水也水出梁州新城郡魏昌縣界縣以黃初中分房陵立筑水東南流逕筑陽縣水

中有孤石挺出其下澄潭時有見此石根如竹根而黃色見者多凶相與號為承受石所未詳也筑水

又東逕筑陽縣故城南縣故楚附庸也秦平鄢郢立以為縣王莽更名之曰宜禾也建武二十八年。案近

刻訛作元年。世祖封吳盱為侯國。案盱近刻筑水又東流注於河謂之筑口。河水又南。逕高亭山。東山有靈焉。士民奉之。所請有驗。河水又東為漆灘。案此七字原本及近刻並訛作經。新野郡山都縣與順陽筑陽分界於斯灘矣。

又東過山都縣東北。

河南有固城。城側河川。即新野山都縣治也。舊南陽之赤鄉矣。秦以為縣。漢高后四年封衛將軍王恬

啓為侯國。河北有和城。即郡國志所謂武當縣之和城聚。案近刻脫城字。山都縣舊嘗治此。故亦謂是處為故

縣灘。河水北岸數里有大石激。名曰五女激。或言女父為人所害。居固城。五女思復父怨。故立激以攻

城。城北今淪於水。亦云有人葬河北。墓宅將為水毀。其人五女無男。皆悉巨富。共修此激。以全墳宅。然

激作甚工。又云女嫁為陰縣佷子婦。案近刻脫婦字。家貲萬金。案貲近刻訛作貨。而自少小不從父語。父臨亡意欲葬

山上。恐兒不從。故倒言葬我著渚。下石積上。案倒近刻訛作命。佷子曰。我由來不奉教。今從語。遂盡散家財。作

石冢。積土繞之。成一洲。長數百步。元康中始為水所壞。今石皆如半榻。許數百枚。聚在水中。佷子是前

漢人。襄陽太守胡烈有惠化。補塞堤決。民賴其利。景元四年九月。百姓刊石銘之。樹碑於此。河水又東

偏淺。冬月可涉。渡謂之交湖。兵戎之交。多自此濟。晉太康中得鳴石於此。水撞之。聲聞數里。河水又東

逕樂山北。案此八字原本及近刻並訛作經。昔諸葛亮好為梁甫吟。每所登遊。故俗以樂山為名。河水又東逕隆中。案此

七字原本及近刻並訛作經。歷孔明舊宅北。亮語劉禪云。先帝三顧臣於草廬之中。咨臣以當世之事。卽此宅也。車

騎沛國劉季和之鎮襄陽也。與犍爲人李安共觀此宅。命安作宅銘云。天子命我於沔之陽。聽鼓鞞而

永思。庶先哲之遺光。後六十餘年。永平之五年。習鑿齒又爲其宅銘焉。案又東過堵陽縣至此。原本及

下表目。而又東過襄陽縣北。至注內附敘三江所終。並訛在前。以沔水中表目。考錫縣故城在今陝西

興安州白河縣東。堵陽故城在今湖北鄖陽府鄖縣西南。白河縣東。接鄖縣。沔水。逕錫縣北。歷姚方。卽

舊宅。卽至襄陽城。移近刻所謂沔水下者。于沔水之前。則敘次不紊矣。今改正。

又東過襄陽縣北。案又東上。原本及近刻。並有沔水二字。因訛舛爲

沔水。又東逕萬山北。案萬。近刻山上有鄒恢碑。魯宗之所立也。山下潭中。有杜元凱碑。元凱好尙後名。

作兩碑。並述己功。一碑沈之峴山水中。一碑下之於此潭。曰百年之後。何知不深谷爲陵也。山水曲

之隈。云漢女昔遊處也。故張衡南都賦曰。遊女弄珠於漢皋之曲。漢皋卽萬山之異名也。沔水又東合

檀溪水。案此八字。原本及水出縣西柳子山下。東爲鴨湖。湖在馬鞍山東北。武陵王愛其峯秀。改曰望

楚山。溪水自湖兩分。北渠卽溪水所導也。北逕漢陰臺西。臨流望遠。按眺農圃。情邈灌蔬。意寄漢陰。故

因名臺矣。又北逕檀溪。謂之檀溪水。水側。案近刻脫有沙門釋道安寺。卽溪之名。以表寺目也。溪之陽。

有徐元直崔州平故宅。悉人居。故習鑿齒與謝安書云。每省家舅。縱目檀溪。念崔徐之交。未嘗不撫膺

躊躇。惆悵終日矣。溪水傍城北注。昔劉備爲景升所謀。乘的顛馬西走。墜於斯溪。西去城里餘。北流注

於沔。一水東南出。應劭曰。城在襄水之陽。故曰襄陽。是水。當卽襄水也。城北枕沔水。卽襄陽縣之故城。

也。王莽之相陽矣。楚之北津戍也。今大城西壘是也。其土古鄆都盧羅之地。案鄆近刻訛作都秦滅楚。置南郡。

號此爲北部。建安十三年。魏武平荊州。分南郡立爲襄陽郡。荊州刺史治。邑居殷賑。冠蓋相望。一都之

會也。城南門道東有三碑。一碑是晉太傅羊祜碑。一碑是鎮南將軍杜預碑。一碑是安南將軍劉儼碑。

並是學生所立。城東門外二百步。劉表墓。太康中。爲人所發。見表夫妻。其尸儼然。顏色不異。猶如平生。

墓中香氣。遠聞三四里中。經月不歇。今墳冢及祠堂。猶高顯整頓。城北枕沔水。水中常苦蛟害。襄陽太

守鄧遐。負其氣果。拔劍入水。蛟繞其足。遐揮劍斬蛟。流血丹水。自後患除。無復蛟難矣。昔張公遇害。亦

亡劍。於是水後雷氏爲建安從事。逕踐瀨溪。所留之劍。忽於其懷。躍出落水。初猶是劍。後變爲龍。故吳

均劍騎詩云。劍是兩蛟龍。張華之言。不孤爲驗矣。沔水又逕平魯城南。案此八字原本及近刻並訛作經城魯宗之所

築也。故城得厥名矣。東對樊城。案近刻脫此二字樊仲山甫所封也。漢晉春秋稱桓帝幸樊城。百姓莫不觀。有

一老父。獨耕不輟。議郎張溫使問焉。父笑而不答。溫因與之言。問其姓名。不告而去。城周四里。南半淪

水。建安中。關羽圍于禁於此城。會沔水泛溢。三丈有餘。城陷。禁降。龐德奮劍乘舟。投命於東岡。魏武曰。

吾知于禁三十餘載。至臨危授命。更不如龐德矣。城西南有曹仁記水碑。杜元凱重刊其後。書伐吳之

事也。

又從縣東屈西南。清水從北來注之。

襄陽城東有東白沙。白沙北有三洲。東北有宛口。即清水所入也。沔水中有魚梁洲。案此七字原本及近刻並訛作經。

龐德公所居。士元居漢之陰。在南白沙。世故謂是地為白沙曲矣。司馬德操宅洲之陽。望衡對宇。歡情

自接。泛舟褰裳。率爾休暢。豈待還桂。柁於千里。貢深心於永思哉。水南有層臺。號曰景升臺。蓋劉表治

襄陽之所築也。言表盛遊於此。常所止憩。表性好鷹。嘗登此臺。歌野鷹來曲。其聲韻似孟達上堵吟矣。

沔水又逕桃林亭東。案此八字原本及近刻並訛作經。又逕峴山東。山上有桓宣所築城。孫堅死於此。又有桓宣碑。羊

祜之鎮襄陽也。與鄒潤甫嘗登之。及祜薨。後人立碑於故處。望者悲感。杜元凱謂之墮淚碑。山上又有

征南將軍胡鯨碑。又有征西將軍周訪碑。山水中。杜元凱沉碑處。案近刻脫沉字。沔水又東南逕蔡洲。案此八字原本及近刻並訛作經。漢長水校尉蔡瑁居之。故名蔡洲。洲東岸西。案東近刻訛作大。有洄湖。停水數十畝。長數里。廣減

百步。水色常綠。楊儀居上洄。楊顛居下洄。與蔡洲相對。在峴山南。廣昌里。又與襄陽湖水合。水上承鴨

湖。東南流。逕峴山西。又東南流。注白馬陂。水又東入侍中襄陽侯習郁魚池。郁依范蠡養魚法。作大陂。

陂長六十步。廣四十步。池中起釣臺。池北亭。郁墓所在也。列植松篁於池側。沔水上。郁所居也。又作石

湫。逗。案湫近刻訛作伏。引大池水於宅北。作小魚池。池長七十步。廣二十步。案近刻訛作十二步。西枕大道。東北二邊。限

以高堤。楸竹夾植。蓮芡覆水。是遊宴之名處也。山季倫之鎮襄陽。每臨此池。未嘗不大醉而還。恆言此

是我高陽池。故時人爲之歌曰：山公出何去，往至高陽池。日暮倒載歸，酩酊無所知。其水下入沔，沔水西。又有孝子墓，河南秦氏，性至孝，事親無倦，親沒之後，負土成墳，常泣血，墓側人有咏蓼莪者，氏爲泣涕，悲不自勝，於墓所得病，不能食，虎常乳之，百餘日卒。今林木幽茂，號曰孝子墓也。其南有蔡瑁冢，冢前刻石，爲大鹿狀，甚大，頭高九尺，制作甚工。沔水又東南逕邑城北。案此九字原本及近刻並訛作經。習郁襄陽侯之封邑也。故曰邑城矣。沔水又東合洞口。案此七字原本及近刻並訛作經。水出安昌縣故城東北大父山，西南流，謂之白水。又南逕安昌故城東，屈逕其縣南。故蔡陽之白水鄉也。漢元帝以長沙卑溼，分白水上唐二鄉爲舂陵縣，光武卽帝位，改爲章陵縣，置園廟焉。魏黃初二年，更從今名。故義陽郡治也。白水又西南流，而左會昆水。水導源城東南小山，西流逕金山北。案金近刻訛作今。又西南流，逕縣南，西流注於白水。水北有白水陂，其陽有漢光武故宅，基址存焉。所謂白水鄉也。蘇伯阿。案近刻訛作河。望氣處也。光武之征秦豐，幸舊邑，置酒極歡。張平子以爲真人南巡，觀舊里焉。東觀漢記曰：明帝幸南陽，祀舊宅，召校官子弟作雅樂，奏鹿鳴，上自御墳，箴和之，以娛賓客。又於此宅矣。白水又西合瀘水。水出於襄鄉縣東北陽中山，西逕襄鄉縣之故城北。按郡國志，是南陽之屬縣也。瀘水又西逕蔡陽縣故城東，西南流，注於白水。又西逕其城南。建武十三年。案近刻訛作十六年。世祖封城陽王，祉世子本爲侯國。應劭曰：蔡水出蔡陽，東入淮，今於此城南更無別水，惟是水可以當之。川流西注，苦其不東，且淮源阻礙，山河無相入之理，蓋應氏之誤耳。

洞水又西南流注於沔水。

又東過中廬縣東。維水自房陵縣維山東流注之。案維近刻作淮。漢書同。漢中志及巴漢志。證云房陵縣有維山。維水所出。可證淮字之訛。

縣即春秋廬戎之國也。縣故城南有水出西山。山有石穴出馬。謂之馬穴山。漢時有數百匹馬出其中。

馬形小似巴滇馬。三國時陸遜攻襄陽於此穴。又得馬數十匹。送建業。蜀使至。有家在滇池者。識其馬

毛色。云其父所乘。馬對之流涕。其水東流百四十里。逕城南。名曰浴馬港。言初得此馬。洗之於此。因以

名之。亦云乘出沔次浴之。又曰洗馬廄。案近刻既。渡沔宿處。名之曰騎亭。然候水諸蠻。案候近刻。北過是

水。南壅維川。以周田溉。下流入沔。沔水東南流。逕犁丘故城西。案犁近刻訛作黎。下同。又此十

對繕州。秦豐居之。故更名秦洲。王莽之敗也。秦豐阻兵於犁丘。犁丘城在觀城西二里。建武三年。光武

遣征南岑彭擊豐。四年。朱祐自觀城擒豐於犁丘是也。案擒近刻。沔水又南與疎水合。水出中廬縣西

南。東流至郢縣北界。案郢近刻。東入沔水。謂之疎口也。案近刻。水中有物。如三四歲小兒。鱗甲如鯪鯉。

射之不可入。七八月中。好在磧上自曝。案上近刻。鄴頭似虎。掌爪常沒水中。出鄴頭。小兒不知。欲取弄

戲。便殺人。或曰。人有生得者。摘其臍。厭可小小使。案近刻作。名爲水虎者也。案虎近刻。訛作唐。

又南過郢縣東北。案郢近刻。訛作郢。

沔水之左。有騎城。周迴二里餘。高一丈六尺。即騎亭也。縣故楚邑也。秦以爲縣。漢高帝十一年。案近刻。訛作十

年封黃極忠為侯國。縣南有黃家墓。墓前有雙石闕。雕制甚工。俗謂之黃公闕。黃公名尚。為漢司徒。沔

水又東。逕豬蘭橋。橋本名木蘭橋。橋之左右。豐蒿荻於橋東。劉季和大養豬。襄陽太守曰。此中作豬屎

臭。案近刻脫作字。可易名豬蘭橋。百姓遂以為名矣。橋北有習郁宅。宅側有魚池。池不假功。自然通漚。長六七

十步。廣十丈。常出名魚。沔水又南。得木里水會。案此九字原本及近刻並訛作經。楚時於宜城東穿渠上口。去城三里。

漢南郡太守王寵又鑿之。引蠻水灌田。謂之木里溝。逕宜城東而東北入於沔。謂之木里水口也。

又南過宜城縣東。夷水出自房陵。東流注之。

夷水蠻水也。桓溫父名夷。改曰蠻水。夷水導源中廬縣界康狼山。山與荆山相鄰。其水東南流。歷宜城

西山。謂之夷溪。又東南逕羅川城。故羅國也。又謂之鄢水。春秋所謂楚人伐羅渡鄢者也。夷水又東南

流。與零水合。零水即沔水也。案沔近刻訛作沔。上通梁州。沒陽縣之默城山。司馬懿出沮之所由。其水東逕新

城郡之沔鄉縣。案郡近刻訛作縣。又此下沔皆訛作沔。縣分房陵立。謂之沔水。又東歷輪鄉。謂之輪水。晉武帝平吳。割臨

沮之北鄉。中廬之南鄉。立上黃縣。治輪鄉。沔水又東歷宜城西山。謂之沔溪。東流合於夷水。謂之沔口

也。與夷水亂流。東出。謂之淇水。逕蠻城南。城在宜城南三十里。案城在之城。近刻訛在上句。南字上。春秋莫敖自羅敗退。

及鄢。亂次以濟淇水。是也。夷水又東注於沔。昔白起攻楚。引西山長谷水。案近刻脫長字。即是水也。案也上。近刻衍者字。

舊竭去城百許里。水從城西灌城東。入注為淵。今熨斗陂是也。水潰城東北角。百姓隨水流死於城東

舊竭去城百許里。水從城西灌城東。入注為淵。今熨斗陂是也。水潰城東北角。百姓隨水流死於城東

者數十萬。城東皆臭，因名其陂爲臭池。後人因其渠流以結陂田，城西陂謂之新陂，覆地數十頃。西北又爲土門陂，從平路渠以北，木蘭橋以南，西極土門山，東跨大道，水流周通。其水自新陂東入城，城故鄢郢之舊都。秦以爲縣，漢惠帝三年改曰宜城。其水歷大城中，逕漢南城。太守秦頡墓北，墓前有二碑，頡，郡人也。案郡近刻作郡。以江夏都尉出爲南陽太守，逕宜城中，見一家東向，頡住車視之，曰：「此居處可作冢。」後卒於南陽，喪還至昔住車處，車不肯進，故吏爲市，此宅葬之。孤墳尙整。案此下近刻有冢前有二碑五字，係重出衍文。城南有宋玉宅，玉，邑人，雋才辯給，善屬文而識音也。其水又逕金城前，縣南門有古碑猶存。其水又東出城，東注臭池。臭池溉田，陂水散流，又入朱湖陂。朱湖陂亦下灌諸田，餘水又下入木里溝。木里溝是漢南郡太守王寵所鑿，故渠引鄢水也。灌田七百頃，白起渠溉三千頃，膏良肥美，更爲沃壤也。縣有太山，山下有廟，漢末名士居其中。案近刻名訛作多，脫居字。刺史二千石卿長數十人，朱軒華蓋，同會於廟下。荊州刺史行部見之，雅歎其盛，號爲冠蓋里，而刻石銘之。此碑於永嘉中始爲人所毀，其餘文尙有可傳者。其辭曰：「峨峨南岳，烈烈離明，實敷儁乂，君子以生。惟此君子，作漢之英，德爲龍光，聲化鶴鳴。此山以建安三年崩，聲聞五六十里，雉皆屋，雉縣人惡之，以問侍中龐季。案近刻季云，案近刻脫季字。山崩川竭，國土將亡之占也。十三年，魏武平荊州，沔南彫散，沔水又逕都縣故城南。案此九字原本及近刻並訛作經。古都子之國也。秦楚之間，自商密遷此，爲楚附庸，楚滅之以爲邑。縣南臨沔津，津南有石山，上有古烽火臺。縣北有大城，楚昭

王為吳所迫。自紀郢徙都之。案近刻脫自字。紀訛作絕。即所謂鄢都盧羅之地也。案即字。近刻訛作楚昭王上。秦以為縣。沔水又

東。敖水注之。案此八字。原本及近刻並訛作經。水出新市縣東北。又西南逕太陽山。西南流逕新市縣北。又西南而右

合枝水。水出大洪山。而西南流。逕襄陽都縣界。西南逕狄城東南。左注敖水。敖水又西南流。注於沔。實

曰敖口。沔水又南逕石城西。城因山為固。晉太傅羊祜鎮荊州立。晉惠帝元康九年。分江夏西部。置竟

陵郡。治此。沔水又東南與白水合。案此九字。原本及近刻並訛作經。水出竟陵縣東北。聊屈山。案聊近刻訛作耶。一名盧屈山。

西流注於沔。魯定公四年。吳師入郢。昭王奔隨。濟於成臼。謂是水者也。

又東過荊城東。案此六字。原本及近刻並訛入注內。今據全書體例。定為經文。

沔水自荊城東南流。逕當陽縣之章山東。案此十六字。原本及近刻並訛作經。山上有故城。太尉陶侃伐杜曾所築也。禹

貢所謂內方。至於大別者也。既濱帶沔流。實會尚書之文矣。沔水又東。右會權口。案此八字。原本及近刻並訛作經。水

出章山。東南流。逕權城北。古之權國也。春秋魯莊公十八年。楚武王克權。權叛。圍而殺之。遷權於那處

是也。東南有那口城。權水又東入於沔。沔水又東南。與揚口合。案此九字。原本及近刻並訛作經。水上承江陵縣赤湖。

江陵西北。有紀南城。楚文王自丹陽徙此。平王城之。班固言楚之郢都也。城西南有赤坂岡。岡下有瀆

水。東北流入城。名曰子胥瀆。蓋吳師入郢所開也。謂之西京湖。又東北出城。西南注於龍陂。陂古天井

水也。廣圓二百餘步。在靈溪東江堤內。水至淵深。有龍見於其中。故曰龍陂。陂北有楚莊王釣臺。高三

丈四尺。南北六丈。東西九丈。陂水又逕郢城南。東北流。謂之揚水。案揚近刻訛作楊下同。又東北。路白湖水注之。

案路白近刻訛作流曰。湖在大港北。港南曰中湖。南堤下曰昏官湖。三湖合為一水。東通荒谷。荒谷東岸有冶父

城。春秋傳曰。莫敖緄於荒谷。羣帥囚於冶父。謂此處也。春夏水盛。案夏近刻訛作秋。則南通大江。否則南迄江

堤。北逕方城西。案近刻訛作四。方城。即南蠻府也。又北與三湖會。故盛弘之曰。南蠻府東有三湖。源同一水。蓋

徙治西府也。宋元嘉中。通路白湖。案白近刻訛作自。下注揚水。以廣運漕。揚水又東。歷天井北。井在方城北里

餘。廣圓二里。其深不測。井有潛室。見輒兵。西岸有天井臺。因基舊堤。臨際水湄。遊憩之佳處也。揚水又

東北流。東得赤湖水口。案東得近刻訛作得東。湖周五十里。城下陂池。皆來會同。湖東北有大暑臺。案暑近刻訛作置。高

六丈餘。縱廣八尺。一名清暑臺。秀字層明。通望周博。遊者登之。以暢遠情。揚水又東。入華容縣。有靈溪

水。案溪近刻訛作港。西通赤湖水口。已下多湖。周五十里。城下陂池。皆來會同。又有子胥瀆。蓋入郢所開也。水

東入離湖。湖在縣東七十五里。國語所謂楚靈王闕為石郭。陂漢以象帝舜者也。案吳語子胥稱楚靈王不君乃築臺于章

華之上。闕為石郭。陂漢以象帝舜。章昭云。闕穿也。陂壅也。舜葬九疑。其山體水。旋其丘下。故壅漢水。使旋石郭以象之。湖側有章華臺。臺高十丈。基廣十五丈。左

丘。明曰。楚築臺於章華之上。韋昭以為章華亦地名也。王與伍舉登之。舉曰。臺高不過望國之氛祥。大

不過容宴之俎豆。蓋譏其奢而諫其失也。言此瀆。靈王立臺之日。漕運所由也。其水北流。注於揚水。揚

水又東北。與柞溪水合。案柞近刻訛作祥下同。水出江陵縣北。蓋諸池散流。咸所會合。積以成川。東流逕魯宗之

壘南當驛路水上。有大橋。隆安三年桓玄襲殷仲堪於江陵。仲堪北奔。縊於此橋。柞溪又東注船官湖。

湖水又東北入女觀湖。湖水又東入於揚水。揚水又北逕竟陵縣西。又北納巾吐柘。柘水即下揚水也。

巾水出縣東百九十里。西逕巾城。案此下近刻衍下字。城下置巾水戍。晉元熙二年。竟陵郡巾水戍。案近刻作上巾水戍山。

得銅鐘七口。言之上府。巾水又西逕竟陵縣北。西注揚水。案近刻注謂之巾口。水西有古竟陵大城。古

鄖國也。鄖公辛所治。所謂鄖鄉矣。昔白起拔鄖。東至竟陵。即此也。秦以為縣。王莽之守平矣。世祖建武

十三年。更封劉隆為侯國。城旁有甘魚陂。左傳昭公十三年。公子黑肱為令尹。次於魚陂者也。揚水又

北注於沔。謂之揚口。中夏口也。曹太祖之追劉備於當陽也。張飛按矛於長坂。備得與數騎斜趨漢津。

案斜近刻遂濟夏口是也。沔水又東得澹口。其水承大澹馬骨諸湖水。周三四百里。及其夏水來同。渺

若滄海。洪潭巨浪。縈連江沔。故郭景純江賦云。其旁則有朱澹丹灤是也。案朱近刻

又東南過江夏雲杜縣東。夏水從西來注之。

即堵口也。為中夏水縣。故邳亭。左傳若敖娶於邳是也。案近刻。訛作左傳所為若敖聚于邳是也。禹貢所謂雲土夢作父。故

縣取名焉。縣有雲夢城。城在東北。沔水又東逕左桑。案此七字原本及近刻並訛作經。昔周昭王南征。船人膠舟以進

之。昭王渡沔。中流而沒。死於是。水齊楚之會。齊侯曰。昭王南征而不復。案而近刻寡人是問。屈完曰。君

其問諸水濱。庾仲雍言村老云。百姓佐昭王喪事於此。成禮而行。故曰佐喪。左桑字失體耳。沔水又東

合巨亮水口。案此九字原本及近刻並訛作經。水北承巨亮湖。案近刻脫巨字。南達於沔。沔水又東得合驛口。案此八字原本及近刻並訛作

經。庾仲雍言須導村。耆舊云朝廷驛使合王喪於是。因以名焉。今須導村正有大斂口。言昭王於此殯

斂矣。沔水又東謂之橫桑。案此八字原本及近刻並訛作經。言得昭王喪處也。沔水又東謂之鄭公潭。案此九字原本及近刻並訛作

經。近刻言鄭武公與王同溺。水於是。余謂世數既懸。案余近刻訛作今。為不近情矣。斯乃楚之鄭鄉。守邑大夫

僭言公。故世以為鄭公潭耳。沔水又東得死沔。案此七字原本及近刻並訛作經。言昭王濟沔。自是死。案沔字近刻訛在死字下。故

有死沔之稱。王尸豈逆流乎。但千古茫昧。難以昭知。推其事類。似是而非矣。沔水又東與力口合。案此八字原本及近刻

並訛作經。有滉水出竟陵郡新陽縣西南池河山。案池河山近刻訛作河地山。東流逕新陽縣南。縣治雲杜故城。

分雲杜立。滉水又東南流。注宵城縣南大湖。又南入於沔水。是曰力口。沔水又東南。澗水入焉。案此九字原本及近刻

訛作經。並沔水又東。逕沌水口。水南通縣之太白湖。湖水東南通江。又謂之沌口。沔水又東逕沌陽縣

北。案此九字原本及近刻並訛作經。處沌水之陽也。沔水又東逕臨嶂故城北。案臨嶂近刻訛作林鄣。晉建興二年。太尉陶侃為

荊州鎮此也。

又南至江夏沙羨縣北。南入於江。

庾仲雍曰。夏口一曰沔口矣。尚書禹貢云。漢水南至大別入江。春秋左傳定公四年。吳師伐郢。楚子常

濟漢而陳。自小別至於大別。京相璠春秋土地名曰。大別。漢東山名也。在安豐縣南。杜預釋地曰。二別。

近漢之名無緣乃在安豐也案地說言漢水東行觸大別之阪案近刻訛作陂南與江合則與尚書杜預相符但今不知所在矣案在近刻訛作是

卷二十九

沔水 潛水 湍水 均水 粉水 白水 比水

沔水與江合流又東過彭蠡澤

尚書禹貢匯澤也鄭玄曰匯回也漢與江鬪轉東成其澤矣

又東北出居巢縣南案此經及下又東過牛渚當在其一東北流之下又過毗陵縣北為北江之上

古巢國也湯伐桀桀奔南巢即巢澤也尚書周有巢伯來朝春秋文公十二年夏楚人圍巢巢羣舒國

也舒叛故圍之永平元年漢明帝更封菑丘侯劉般為侯國也江水自濡須口又東左會柵口水導巢

湖案導近刻訛作遵東逕烏上城北又東逕南譙僑郡城南又東絕塘逕附農山北又東左會清溪水水出東

北馬子硯之清溪也東逕清溪城南屈而西南案此下近刻有流字歷山西南流注柵水謂之清溪口柵水又東

左會白石山水水發白石山西逕李鵲城南西南注柵水案西南近刻訛作四流柵水又東南積而為寶湖中有

洲湖東有韓綜山案綜近刻訛作縱山上有城山北湖水東出為後塘北湖湖南即塘也塘上有潁川僑郡故

城也。寶湖水東出，謂之寶湖口。東逕刺史山北。案東逕近刻作歷韓綜山南，逕流二山之間，出王武子

城北。城在刺史山上，湖水又東逕右塘穴北，為中塘。塘在四水中，水出格虎山北。山上有虎山城。案近刻脫

城。有郭僧坎城，水北有趙祖悅城，並故東關城也。昔諸葛恪帥師，作東興堤，以遏巢湖。傍山築城，使將

軍全端、留略等，各以千人守之。魏遣司馬昭督鎮東諸葛誕，率眾攻東關三城，將毀堤。遏諸軍作浮梁，

陳于堤上，分兵攻城。恪遣冠軍丁奉等登塘鼓譟奮擊。案塘近刻朱異等以水軍攻浮梁，魏征東胡遵

軍士爭渡梁壞，投水而死者數千。塘即東興堤城，亦關城也。柵水又東南逕高江，產城南。胡景略城北，

案近刻脫略字。又東南逕張祖禧城南，東南流，屈而北逕鄭衛尉城西。魏事已久，難用取悉，推舊訪新，略究如

此。又北委折，蒲浦出焉。柵水又東南流，注于大江，謂之柵口。案此下近刻

又東過牛渚縣南，又東至石城縣。案牛渚乃山名，非縣名。大江過其北，非過其南。縣南二字之上，有脫文。

辯經之誤，云不得逕牛渚，而方屈石城也。今考石城不特在牛渚西，且在居巢西。居巢故城在今巢縣東

北五里。漢書地理志：丹陽郡石城下，云分江水首受江東，至餘姚入海。餘姚當是餘杭之誤。作水經者，本

之曰：至石城縣，分為二，其一東北流，其一又過毗陵縣北，為北江。又東過皖縣南，又東至會稽餘杭縣東，入于海。以地望

推之，訛舛不可通。沔水與江合流，又東過彭蠡澤下，當云：又東過皖縣南，又東至石城縣，分為二，其一東

北流，又東北出居巢縣南，又東過牛渚，又過毗陵縣北，為北江。其一東至會稽餘杭縣東，入于海。則與漢

志適協，不言北江所終者，水經之末，記禹貢山水澤地所在，云：北江在毗陵北界，東入海。大江源委固首

尾完備矣。然沔水經文，自彭蠡以下，在道元時已倒亂，道元雖正其失而言之，亦未能明析，是以自言緝綜所躋，未必一得其實也。

經所謂石城縣者，即宣城郡之石城縣也。牛渚在姑熟烏江兩縣界中，于石城東北，減五百許里，安得

逕牛渚而方屈石城也。蓋經之謬誤也。

分爲二。其一東北流。其一案此二字當在東至又過毗陵縣北爲北江。

地理志毗陵縣會稽之屬縣也。案近刻志下衍曰字會稽上衍舊字復脫也字丹徒縣北二百步有故城。案縣下近刻衍也字本毗陵郡

治也。舊去江三里。岸稍毀。遂至城下。城北有揚州刺史劉繇墓。淪于江。江卽北江也。經書爲北江則可。

案爲近刻又言東至餘姚則非。考其逕流。知經之誤矣。地理志曰江水自石城東出。逕吳國南。爲南江。

案地理志丹陽郡石城下云分江水首受江東至餘姚入海于會稽郡吳下云南江在南東入海本屬二水各不相蒙道元合之爲一非也江水自石城東入。爲貴口。東逕

石城縣北。晉太康元年立。案近刻脫立字隸宣城郡。東合大溪。案大近刻溪水首受江北。逕其縣故城東。又北

入南江。南江又東與貴長池水合。案此十字原本及近刻並注內敘分江水所逕今改正水出縣南郎山。北流

爲貴長池。池水又北注于南江。南江又東逕宣城之臨城縣南。案此十二字原本及近刻並又東合涇

水。案合下近刻衍注字南江又東與桐水合。案此八字原本及近刻並訛作經又東逕安吳縣。號曰安吳溪。又東旋溪水注之。水

出陵陽山下。逕陵陽縣西。爲旋溪水。昔縣人陽子明釣得白龍。處後三年。龍迎子明上陵陽山。山去地

千餘丈。後百餘年。呼山下人令上山。半與語溪中。子安問子明釣車所在。後二十年。子安死山下。有黃

鶴栖其冢樹。鳴常呼子安。故縣取名焉。晉咸康四年。改曰廣陽縣。溪水又北。案溪近刻合東溪水。水出

南里山北。逕其縣東。桑欽曰。淮水出縣之東南。北入大江。案此水今亦其水又北。歷蜀由山。又北。左合

旋溪。北逕安吳縣東。晉太康元年。分宛陵立縣。南有落星山。山有懸水五十餘丈。下爲深潭。潭水東北流。左入旋溪。而同注南江。南江之北。卽宛陵縣界也。案近刻脫南江二字。南江又東逕寧國縣南。案此九字原本經。晉太康元年。分宛陵置南江。又東逕故鄣縣南。安吉縣北。光和之末。天下大亂。此鄉保險守節。案近刻脫鄉。漢朝嘉之。中平二年。分故鄣之南鄉。以爲安吉縣。縣南有釣頭泉。懸湧一仞。乃流于川。川水下合南江。南江又東北。爲長濱歷湖口。案此十一字原本及近刻。並訛作經。湖口訛作河口。南江東注于具區。案南江近刻訛作江南。謂之五湖口。五湖謂長蕩湖。太湖。射湖。貴湖。滬湖也。案近刻蕩訛作塘。射湖脫湖字。貴湖下衍上湖二字。郭景純江賦曰。注五湖以漫漭。蓋言江水經緯五湖。而苞注太湖也。是以左丘明述國語曰。越伐吳。戰于五湖是也。又云。范蠡滅吳。返至五湖而辭越。斯乃太湖之兼攝通稱也。案近刻脫兼字。虞翻曰。是湖有五道。故曰五湖。韋昭曰。五湖。今太湖也。尙書謂之震澤。爾雅以爲具區。方圓五百里。湖有苞山。春秋謂之夫椒山。有洞室。入地潛行。北通琅邪。東武縣。俗謂之洞庭。旁有青山。一名夏架山。山有洞穴。潛通洞庭。山上有石鼓。長丈餘。鳴則有兵。故吳記曰。太湖有苞山。在國西百餘里。居者數百家。出弓弩材。旁有小山。山有石穴。南通洞庭。深遠莫知所極。三苗之國。左洞庭。右彭蠡。今宮亭湖也。以太湖之洞庭對彭蠡。則左右可知也。余按二湖俱以洞庭爲目者。亦分爲左右也。但以趣矚爲方耳。旣據三苗。宜以湘江爲正。是以郭景純之江賦云。爰有包山洞庭。巴陵地道。潛達旁通。幽岫窈窕。山海經曰。浮玉之山。北望具區。茗水出于其陰。北流注于

具區。謝康樂云：山海經浮玉之山，在句餘東五百里。案近刻脫百字便是句餘縣之東山，乃應入海。句餘案近刻訛

作具區今在餘姚鳥道山西北。案近刻脫西字何由北望具區也。以為郭于地理甚昧矣。言洞庭南口有羅浮山，

高三千六百丈。浮山東石樓下有兩石鼓，叩之清越。所謂神鉦者也。事備羅浮山記。會稽山宜直湖南，

又有山陰溪水入焉。山陰西四十里。案山陰下近刻衍縣字有二溪：東溪廣一丈九尺，冬煖夏冷；西溪廣三丈五

尺，冬冷夏煖。二溪北出行三里，至徐村，合成一溪，廣五丈餘，而溫涼又雜。蓋山海經所謂茗水也。北逕

羅浮山，而下注于太湖，故言出其陰，入于具區也。湖中有大雷小雷三山，亦謂之三山湖。又謂之洞庭

湖。楊泉五湖賦曰：案泉近刻訛作修頭首無錫，足蹠松江。負烏程于背上，懷太吳以當胸。岝嶺崔嵬，穹隆紆曲。

大雷小雷，湍波相逐，用言湖之苞極也。太湖之東，吳國西十八里，有岝嶺山。俗說此山本在太湖中。案近刻脫

山字禹治水，移進近吳。案近刻訛作近東又東及西南，有兩小山。案近刻脫東及二字皆有石如卷筩，俗云禹所用牽山

也。太湖中有淺地，長老云是筩嶺山蹠。自此以東，差深。案東近刻訛作求言是牽山之溝。此山去太湖三十餘

里。東則松江出焉。案此六字原本及近刻並訛作經考以下皆係注內敘太湖之水，下流注海為三江者，今改正。上承太湖，更逕笠澤。在吳南，松江左

右也。國語曰：越伐吳，吳禦之笠澤。越軍江南，吳軍江北者也。虞氏曰：松江北去吳國五十里。江側有丞

胥二山，山各有廟。案此下近刻有國南五里五字，係重出衍文。魯哀公十三年，越使二大夫疇無餘、謳陽等伐吳，吳人敗之。

獲二大夫，大夫死，故立廟于山上，號曰丞胥二王也。胥山上今有壇石，長老云：胥神所治也。下有九折

路南出太湖。闔閭造以遊姑胥之臺，以望太湖也。松江自湖東北流，逕七十里，江水歧分，謂之三江口。

案此九字原本及近刻並訛作經。近刻歧訛作奇。吳越春秋稱范蠡去越乘舟出三江之口，入五湖之中者也。此亦別為三江。

五湖雖名稱相亂，案近刻脫名字。不與職方同。庾仲初揚都賦注曰：案近刻脫賦字。今太湖東注為松江，下七十里有

水口，分流東北入海為婁江，東南入海為東江，與松江而三也。吳記曰：一江東南行七十里入小湖為

次溪，自湖東南出，謂之谷水。案谷水上近刻衍為字，此句之下衍吳記曰三字。谷水出吳小湖，逕由卷縣故城下。神異傳曰：由

卷縣，秦時長水縣也。始皇時，縣有童謠曰：城門當有血，城陷沒為湖。有老嫗聞之，憂懼，且往窺城門。門

侍欲縛之，嫗言其故。嫗去後，門侍殺犬，以血塗門。嫗又往見血，走去不敢顧。忽有大水，長欲沒縣。主簿

令幹入白令，令見幹曰：何忽作魚？幹又曰：明府亦作魚。遂乃淪陷為谷矣。因目長水城水曰谷水也。吳

記曰：谷中有城，故由卷縣治也。即吳之柴辟亭。案辟近刻訛作僻。故就李鄉樵李之地。秦始皇惡其勢，王令囚

徒十餘萬人，汙其土表，以汙惡名，改曰囚卷，亦曰由卷也。吳黃龍三年，案近刻訛作四年。有嘉禾生卷縣，改曰

禾興。後太子諱和，改為嘉興。春秋之樵李城也。谷水又東南逕嘉興縣城，西谷水又東南逕鹽官縣，故

城南，舊吳海昌都尉治。晉太康中，分嘉興立。案近刻訛作治。太康地道記：吳有鹽官縣，樂資九州志曰：縣有秦

延山。案延近刻訛作逕。秦始皇逕此，美人死，葬於山上。山下有美人廟。谷水之右有馬臯城，故司鹽都尉城。吳

王濞煮海為鹽，于此縣也。是以漢書地理志曰：縣有鹽官，東出五十里，有武原鄉，故越地也。秦于其地

置海鹽縣地理志曰縣故武原鄉也後縣淪為柘湖又徙治武原鄉改曰武原縣王莽名之展武案展

訛作漢安帝時案近刻武原之地又淪為湖今之當湖也後乃移此縣南有秦望山秦始皇所登以望

東海故山得其名焉谷水于縣出為澉浦案澉近刻以通巨海案引吳記至此胡渭云即庚仲光熙元

年有毛民三人集于縣蓋汎于風也

又東至會稽餘姚縣東入于海

謝靈運云具區在餘暨案近刻訛然則餘暨是餘姚之別名也今餘暨之南餘姚西北浙江與浦陽江

同會歸海但水名已殊非班固所謂南江也郭景純曰三江者岷江松江浙江也然浙江出南蠻中不

與岷江同作者述志多言江水至山陰為浙江今江南枝分歷烏程縣南通餘杭縣則與浙江合故闕

駟十三州志曰江水至會稽與浙江合案此所謂歷烏程縣南通餘杭縣則與浙江合者乃漢志所謂

此證之浙江自臨平湖南通浦陽江又于餘暨東合浦陽江自秦望分派東至餘姚縣案近刻又為江

也案此下敘姚江在餘姚縣南者其水非浦陽江之分東與車箱水合水出車箱山乘高瀑布四十餘

丈雖有水旱而澍無增減江水又東逕黃橋下案此八字原本及近刻並訛作經考浙江自臨平湖

江有漢蜀郡太守黃昌宅橋本昌創建也昌為州書佐妻遇賊相失後會于蜀復修舊好江水又東逕

赭山南案赭近刻虞翻嘗登此山四望誠子孫可居江北世有祿位居江南則不昌也然住江北者相

繼代興時在江南者。案在近刻輒多淪替。仲翔之言為有徵矣。江水又經官倉倉。即日南太守虞國舊

宅號曰西虞。以其見光居縣東故也。是地即其雙鴈送故處。江水又東逕餘姚縣故城南。案此十一字原本及近刻

並訛作經。考經有至會稽餘姚之文。故注以縣南水常之。縣城是吳將朱然所築。南臨江津。北背巨海。夫子所謂滄海浩浩。萬里之

淵也。縣西去會稽百四十里。因句餘山以名縣。案因下近刻衍其字。山在餘姚之南。句章之北也。江水又東逕穴

湖塘。湖水沃其一縣。並為良疇矣。江水又東注于海。案此七字原本及近刻並訛作經。是所謂三江者也。故子胥曰。吳

越之國。三江環之。民無所移矣。但東南地卑。萬流所湊。濤湖泛決。觸地成川。枝津交渠。世家分夥。故川

舊瀆。難以取悉。雖麤依縣地。緝綜所纏。亦未必一得其實也。

潛水出巴郡宕渠縣

潛水蓋漢水枝分潛出。故受其稱耳。今爰有大穴。潛水入焉。通岡山下。西南潛出。謂之伏水。或以為古

之潛水。鄭玄曰。漢別為潛。其穴本小。水積成澤。流與漢合。大禹自導漢疏通。即為西漢水也。故書曰。沱

潛既道。劉澄之稱白水入潛。然白水與羌水合入漢。是猶漢水也。縣以延熙中。分巴立宕渠郡。蓋古賓

國也。今有賓城縣。有渝水夾水上下。皆賓民所居。漢祖入關。從定三秦。其人勇健好歌儻。高祖愛習之。

今巴渝儻是也。縣西北有徐曹水。南逕其縣。下注潛水。縣有車騎將軍馮緄。桂陽太守李溫冢。二子之

靈。常以三月還鄉。漢水暴長。案近刻脫漢字。郡縣吏民莫不于水上祭之。案近刻脫之字。今所謂馮李也。

又南入于江。

庾仲雍云。墊江有別江。出晉壽縣。即潛水也。其南源取道巴西。案近刻脫道字。是西漢水也。

湍水出酈縣北芬山。南流過其縣東。又南過冠軍縣東。

湍水出弘農界翼望山。水甚清徹。東南流。逕南陽酈縣故城東。案近刻脫陽字。史記所謂下酈析也。案近刻脫析字。漢

武帝元朔元年。封左將黃同為侯國。湍水又南。菊水注之。水出西北石澗山。芳菊溪。亦言出析谷。蓋溪

澗之異名也。源旁悉生菊草。潭澗滋液。極成甘美。云此谷之水土。餐挹長年。司空王暢。太傅袁隗。太尉

胡廣。並汲飲此水。以自綏養。是以君子留心甘其臭。尚矣。菊水東南流。入于湍。湍水又逕其縣東南。歷

冠軍縣西北。有楚竭。高下相承八重。周十里。方塘蓄水。澤潤不窮。湍水又逕冠軍縣故城東。縣本穰縣

之盧陽鄉。宛之臨駝聚。漢武帝以霍去病功冠諸軍。故立冠軍縣以封之。水西有漢太尉長史邑人張

敏碑。碑之西。有魏征南軍司張詹墓。墓有碑。碑背刊云。白楸之棺。易朽之裳。銅鐵不入。丹器不藏。案丹近刻

訛作。嗟矣。後人幸勿我傷。自後古墳舊冢。莫不夷毀。而是墓至元嘉初。尚不見發。六年大水。蠻饑。始被

發掘。說者言。初開金銀銅錫之器。朱漆雕刻之飾。爛然有二朱漆棺。棺前垂竹簾。隱以金釘。墓不甚高。

而內極寬大。虛設白楸之言。空負黃金之寶。雖意錮南山。寧同壽乎。湍水又逕穰縣。為六門陂。漢孝元

之世。案元近刻訛作成。南陽太守邵信臣。以建昭五年。斷湍水。立穰西石竭。案竭近刻訛作碣。至元始五年。更開三門

爲六石門。故號六門場也。溉穰新野昆陽三縣五千餘頃。漢末毀廢。遂不修理。晉太康三年。鎮南將軍杜預復更開廣。利加于民。今廢不修矣。六門側又有六門碑。案又近刻。訛作猶。是部曲主安陽亭侯鄧達等以太康五年立。湍水又逕穰縣故城北。又東南逕魏武故城之西南。是建安三年曹公攻張繡之所築也。又東過白牛邑南。

湍水自白牛邑南。建武中。世祖封劉嵩爲侯國。案此下近刻衍。湍水又三字。東南逕安衆縣故城南。縣本宛之西鄉。

漢長沙定王子康侯丹之邑也。湍水東南流。涅水注之。水出涅陽縣西北岐棘山。東南逕涅陽縣故城。

西。漢武帝元朔四年。封路最爲侯國。王莽之所謂前亭也。應劭曰。在涅水之陽矣。縣南有二碑。碑字案

滅不可復識。云是左伯豪碑。案伯豪近刻。訛作桃伯。涅水又東南逕安衆縣場而爲陂。謂之安衆港。魏太祖破張

繡于是處。與荀彧書曰。繡過吾歸師。迫我死地。蓋于二水之間。以爲沿涉之艱阻也。涅水又東南流。注

于湍水。

又東南至新野縣。

湍水至縣西北。東分爲鄧氏陂。漢太傅鄧禹故宅。與奉朝請西華侯鄧晨故宅隔陂。案近刻與訛作其華訛作亭。鄧

颺謂晨宅略存焉。案謂近刻。訛作爲。

東入于清。案此四字原本訛入注內。接略存焉下。近刻仍作經文。接又東南至新野縣下。

均水出析縣北山南流過其縣之東

均水發源弘農郡之盧氏縣熊耳山山南即脩陽葛陽二縣界也雙峯齊秀望若熊耳因以為名齊桓

公召陵之會西望熊耳即此山也太史公司馬遷皆嘗登之縣即析縣之北鄉故言出析縣北山也案近

刻脫山字均水又東南流逕其縣案流下近下南越南鄉縣案下南越三字有又南流與丹水合

又南當涉都邑北南入于沔

均水南逕順陽縣西漢哀帝更為博山縣明帝復曰順陽應劭曰縣在順水之陽今于是縣則無聞于

順水矣章帝建初四年封衛尉馬廖為侯國案廖近刻晉太康中立為順陽郡縣案近刻西有石山南

臨均水均水又南流注于沔水謂之均口者也故地理志謂之涓水言熊耳之山涓水出焉又東南至

順陽入于沔案地理志弘農郡盧氏熊耳山在東又有育水南至順陽入沔

粉水出房陵縣東流過郢邑南

粉水導源東流逕上粉縣案逕近刻取此水以漬粉則皓耀鮮潔有異衆流故縣水皆取名焉

又東過穀邑南東入于沔案此十字原本訛入注內近刻仍為經文

粉水至筑陽縣西而下注于沔水謂之粉口案近刻粉水旁有文將軍冢案近刻墓隧前有石虎石柱

甚修麗閭丘羨之為南陽葬婦墓側將平其域夕忽夢文諫止羨之不從後羨之為楊佺期所害論者

以爲文將軍之崇也。

白水出朝陽縣西東流過其縣南。

王莽更名朝陽爲厲信縣。案近刻訛作王莽更之應劭曰縣在朝水之陽今朝水逕其北而不出其南

也蓋邑郭淪移川渠狀改故名舊傳遺稱在今也

又東至新野縣南。案近刻訛作縣西東入于滄。

比水出比陽東北太胡山。案比原本及近刻並訛作泚注內同卷之三十二泚水亦訛作泚考漢書地理志南陽郡比陽應劭曰比水所出東入蔡又廬江郡灑縣泚山泚水所出北至

壽春入芍陂師古曰音比又布東南流過其縣南。案過近刻泄水從南來注之。凡反今據以訂正二水之名

太胡山在比陽北如東三十餘里廣圓五六十里張衡賦南都所謂天封太狐者也應劭曰比水出比

陽縣東入蔡經云泄水從南來注之然比陽無泄水蓋誤引壽春之泚泄耳余以延昌四年蒙除東荆

州刺史州治比陽縣故城城南有蔡水出南磐石山故亦曰磐石川西北流注于比非泄水也呂氏春

秋曰齊令章子與韓魏攻荆荆使唐蔑應之夾比而軍欲視水之深淺荆人射之而莫知也有芻者曰

兵盛則水淺矣章子夜襲之斬蔑于是水之上也比水又西澳水注之水北出此丘山東流屈而南轉

又南入于比水按山海經云澳水又北入視不注比水余按呂忱字林及難字爾雅並言灤水在比陽

脈其川流所會診其水土津注宜是灤水音藥也比水又西南歷長岡舊月城北。案舊字近刻比水右

會馬仁陂水。水出濩陰北山。泉流競湊。水積成湖。蓋地百頃。謂之馬仁陂。陂水歷其縣下。西南竭之。以

溉田疇。公私引裂。案近刻水流遂斷。故瀆尚存。比水又南。逕會口。與堵水枝津合。案堵近刻比水又南

與澧水會。澧水源出于桐柏山。與淮同源。而別流西注。故亦謂水為派水。澧水西北流。逕平氏縣故城

東北。王莽更名其縣曰平善。城內有南陽都鄉正衛彈勸碑。澧水又西北合洩水。水出湖陽北山。案陽

訛作南西流。北屈逕平氏城西。而北入澧水。澧水又西注比水。比水自下亦通謂之為派水。昔漢光武破

甄阜梁丘賜于比水西。斬之于斯水也。比水又南。趙醴二渠出焉。案醴近比水又西南流。謝水注之。水

出謝城北。其源微小。案其近刻至城漸大。城周迴側水。申伯之都邑。案近刻脫詩所謂申伯番番。既入

于謝者也。世祖建武十三年。封樊重少子丹為謝陽侯。即其國也。然則是水。即謝水也。高岸下深。案近

高字。浚流徐平。時人目之為渟澹水。城戍又以渟澹為目。非也。其城之西。舊棘陽縣治。故亦謂之棘陽城

也。謝水又東南逕新都縣。左注比水。比水又西南流。逕新都縣故城西。王莽更之曰新林。郡國志以為

新野之東鄉。故新都者也。

又西至新野縣。南入于涓。

比水于岡南。西南流。戍在岡上。比水又西南。與南長坂門二水合。其水東北出湖陽東隆山。山之西側。

有漢日南太守胡著碑。子珍騎都尉。尚湖陽長公主。即光武之伯姊也。廟堂皆以青石為階陛。廟北有

石堂。珍之。玄孫桂陽太守瑒。以延熹四年。遭母憂。于墓次立石祠。勒銘于梁。石字傾頽。而梁字無毀。盛弘之以爲樊重之母。畏雷室。蓋傳疑之謬也。隆山南有一小山。山坂有兩石虎。相對夾隧道。雖處蠻荒。全無破毀。作制甚工。信爲妙矣。世人因謂之爲石虎山。其水西南流。逕湖陽縣故城南。地理志曰。故廖國也。竹書紀年曰。楚共王會宋平公于湖陽者矣。東城中有二碑。似是樊重碑。悉載故吏人名。司馬彪曰。仲山甫封于樊。因氏國焉。爰自宅陽。徙居湖陽。能治田殖。至三百頃。廣起廬舍。案近刻脫廣字高樓連閣。波陂灌注。竹木成林。六畜放牧。魚蠃梨果。檀棘桑麻。閉門成市。兵器器械。費至百萬。其興工造作。爲無窮之功。案近刻脫功字巧不可言。富擬封君。世祖之少數歸外氏。及之長安。受業齋送。甚至世祖卽位。追爵敬侯。詔湖陽爲重立廟。置吏奉祠。巡祠章陵。常幸重墓。其水四周城。漑城之東南。有若令樊萌。中常侍樊安。碑城南有數碑。無字。又有石廟數間。依于墓側。棟宇崩毀。惟石壁而已。亦不知誰之冑族矣。其水南入大湖。湖陽之名縣。藉茲而納稱也。湖水西南流。又與湖陽諸陂散水合。謂之板橋水。又西南與醴渠合。又有趙渠注之。二水上承派水。南逕新都縣故城東。兩瀆雙引。南合板橋水。板橋水又西南。與南長水會。水上承唐子襄鄉諸陂散流也。唐子陂在唐子山西南。南有唐子亭。漢光武自新野屠唐子鄉。殺湖陽尉。于是地陂水清深。光武後以爲神淵。西南流于新野縣。與板橋水合。西南注于比水。比水又西南流。注于涪水也。

卷三十

淮水

淮水出南陽平氏縣胎簪山。東北過桐柏山。

山海經曰：淮出餘山，在朝陽東。義鄉西。尚書導淮自桐柏。地理志曰：南陽平氏縣，王莽之平善也。風俗

通曰：南陽平氏縣，桐柏大復山在東南。淮水所出也。淮均也。春秋說題辭曰：淮者均其勢也。釋名曰：淮

韋也。韋繞揚州北界，東至於海也。爾雅曰：淮為澣。然淮水與醴水同源，俱導西流為醴，東流為淮。案此

刻行自字。潛流地下三十許里，東出桐柏之大復山南，謂之陽口水。南即復陽縣也。闕駟言復陽縣，胡陽之

樂鄉也。元帝元延二年，置在桐柏大復山之陽，故曰復陽也。東觀漢記曰：朱祐少孤，歸外家復陽劉氏。

山南有淮源廟，廟前有碑，是南陽郭苞立。又二碑，並是漢廷熹中守令所造。文辭鄙拙，殆不可觀。故經

云：東北過桐柏也。淮水又東逕義陽縣。案此八字原本及近刻並訛作經。縣南對固成山，山有水注流數丈，洪濤灌山。

遂成巨井，謂之石泉水，北流注於淮。淮水又逕義陽縣故城南。案此十字原本及近刻並訛作經。義陽郡治也。世謂之

白茅城。案近刻脫之字。其城圓而不方。闕駟言晉太始中，割南陽東鄙之安昌平林平氏義陽四縣，置義陽郡

於安昌城。又太康記：晉書地道記，並有義陽郡。以南陽屬縣為名。漢武帝元狩四年，案元狩近刻訛作元光。封北

地都尉衛山爲侯國也。有九渡水注之。水出雞翅山。溪澗濼委。沿遡九渡矣。其猶零陽之九渡水。故亦謂之爲九渡焉。於溪之東。山有一水。發自山椒下。數丈素湍直注。頽波委壑。可數百丈。望之若霏幅練矣。下注九渡水。九渡水又北流。注於淮。

東過江夏平春縣北。

淮水又東。油水注之。案此八字原本及近刻並訛作經。水出縣西南油溪。東北流。逕平春縣故城南。漢章帝建初四年。

案章帝近刻訛作和帝。封子全爲王國。油水又東。曲。案油水原本及近刻並訛作淮水。今改正。岸北有一土穴。徑尺。泉流下注。沿波三

丈。案沿下近刻訛作和帝。入於油水。亂流南屈。又東北注於淮。淮水又東北逕城陽縣故城南。漢高帝十二年。封定

侯奚意爲侯國。王莽之新利也。案新利近刻訛作利新。魏城陽郡治。淮水又東北與大木水合。案此十字原本及近刻並訛作經。

水西出大木山。山卽晉車騎將軍祖逖自陳留將家避難所居也。其水東逕城陽縣北。而東入於淮。淮

水又東北流。左會湖水。案此十字原本及近刻並訛作經。傍川西南出窮溪。得其源也。淮水又東逕安陽縣故城南。案

十一字原本及近刻並訛作經。江國也。嬴姓矣。今其地有江亭。春秋文公四年。楚人滅江。秦伯降服。出次曰。同盟滅。雖

不能救。敢不矜乎。案此下近刻衍地理志曰四字。漢乃縣之。文帝八年。案近刻訛作呂后八年。封淮南厲王子劉勃爲侯國。王莽

之均夏也。淮水又東得澗口。水源南出大潰山。案此十四字原本及近刻並訛作經。下六字仍屬注文。東北流。翼帶山川。亂

流北注澗水。又北逕賢首山西。又北出東南。屈逕仁順城南。故義陽郡治。分南陽置也。晉太始初。以封

安平獻王孚長子望。本治在石城山上。因梁希侵逼。徙治此城。梁司州刺史馬仙琕不守。案梁近刻訛作齊仙琕訛

作鮮魏置郢州也。昔常珍奇自懸瓠遣三千騎。援義陽。行事龐定光屯於淝水者也。淝水東南流。歷金山北。山無樹木。峻峭層峙。淝水又東。逕義陽故城北。城在山上。因倚陵嶺。周迴三里。是郡昔所舊治城。

城南十五步。對門有天井。周百餘步。深一丈。東逕鍾武縣故城南。案近刻脫縣字本江夏之屬縣也。王莽之當

利縣矣。又東逕石城山北。山甚高峻。史記曰。魏攻冥阨。音義曰。冥阨。或言在郢縣藉山也。按呂氏春秋。

九塞其一也。淝水逕郢縣故城南。建武中。世祖封鄧邯為郢侯。案郢下近刻衍縣字按蘇林曰。音盲。案近刻脫按字淝水

又東逕七井岡南。又東北注於淮。淮水又東至谷口。谷水南出。鮮金山北流。案此下近刻衍至字瑟水注之。水出

西南具山。東北逕光淹城東。而北逕青山。東羅山西。俗謂之仙居水。案近刻脫此六字東北流。注於谷水。谷水

東北入於淮。

又東過新息縣南。案過近刻訛作逕

淮水東逕故息城南。春秋左傳。隱公十一年。鄭息有違言。息侯伐鄭。鄭伯敗之者也。淮水又東。逕浮光

山北。案此九字原本及近刻並訛作經亦曰扶光山。即弋陽山也。案近刻脫陽字出名玉及黑石。堪為碁。其山俯映長淮。每有

光輝。淮水又東。案近刻脫此二十三字逕新息縣故城南。應劭曰。息後徙東。故加新也。王莽之新德也。光武十九

年。封馬援為侯國。外城北門內。有新息長賈彪廟。廟前有碑。面南。又有魏汝南太守程曉碑。案曉近刻訛作堯

魏太和中蠻田益宗劾誠案近刻訛作域立東豫州以益宗爲刺史淮水又東合慎水案慎下近刻衍縣字水出慎陽縣

西而東逕慎陽縣故城南縣取名焉漢高帝十一年封欒說爲侯國潁陰劉陶爲縣長政化大行道不

拾遺以病去官童謠歌曰悒然不樂思我劉君何時復來安此下民見思如此應劭曰慎水所出東北

入淮慎水又東流積爲焦陂陂水又東南流爲上慎陂又東爲中慎陂又東南爲下慎陂皆與鴻卻陂

水散流其陂首受淮川左結鴻陂漢成帝時翟方進奏毀之建武中汝南太守鄧晨欲修復之知許偉

君曉知水脈召與議之偉君言成帝用方進言毀之尋而夢上天天帝怒曰何敢敗我濯龍淵案龍近刻訛作

子案近刻訛作及子覆是後民失其利時有童謠曰敗我陂翟子威反乎覆案近刻訛作及子覆陂當復明府興復廢業童謠之言將

有徵矣遂署都水掾起塘四百餘里百姓得其利陂水散流下合慎水而東南逕息城北又東南入淮

案又東下近刻衍逕字謂之慎口淮水又東與申陂水合水上承申陂於新息縣北東南流分爲二水一水逕深

丘西又屈逕其南南派爲蓮湖水南流注於淮淮水又左池流結兩湖謂之東西蓮湖矣淮水又東右

合壑水案此八字原本及近刻並訛作經水出白沙山東北逕柴亭西俗謂之柴水又東北流與潭溪水合水發潭谷

東北流右會柴水柴水又東逕黃城西故弋陽縣也城內有二城西卽黃城也柴水又東北入於淮謂

之柴口也淮水又東北申陂枝水注之案此十一字原本及近刻並訛作經水首受陂水於深丘北東逕釣臺南臺在水

曲之中臺北有琴臺又東逕陽亭南東南合淮淮水又東逕淮陰亭北又東逕白城南案此十五字原本及近刻並訛

作經。楚白公勝之邑也。東北去白亭十里。案東上近刻衍又字。淮水又東逕長陵戍南。又東。青陂水注之。案此十六字原本及

近刻並訛作經。分青陂東瀆。東南逕白亭西。又南於長陵戍東。東南入於淮。淮水又東北合黃水。案此八字原本及近刻並

訛作經。水出黃武山。東北流。木陵關水注之。水導源木陵山。案近刻脫源字。西北流。注於黃水。黃水又東逕晉西

陽城南。又東逕光城南。案逕下近刻衍南字。光城左郡治。案近刻脫城左二字。又東北逕高城南。故弦國也。案弦下原本及近刻並衍高字。

今改正。又東北逕弋陽郡東。有虞丘郭。南有子胥廟。案胥近刻訛作相。黃水又東北入於淮。謂之黃口。淮水又東

北逕襄信縣故城南而東流注也。案注下近刻衍之者二字。

又東過期思縣北。

縣故蔣國周公之後也。春秋文公十年。楚王田於孟諸。期思公復。遂為右司馬。楚滅之。以為縣。漢高帝

十二年。以封賁赫為侯國。城之西北隅。有楚相孫叔敖廟。廟前有碑。淮水又東北。淠水注之。案此九字原本及近

刻並訛作經。水出弋陽縣南垂山。西北流。歷陰山關。逕二城間。舊有賊難。軍所頓防。案所下近刻衍謂字。西北出山。又

東北流。逕新城戍東。又東北得詔虞水口。西北去弋陽虞丘郭二十五里。水出南山。東北流。逕詔虞亭

東。而北入淠水。又東北注淮。俗曰白鷺水。

又東過原鹿縣南。案近刻脫又字。汝水從西北來注之。

縣。即春秋之鹿上也。左傳僖公二十一年。宋人為鹿上之盟。以求諸侯於楚。建武十五年。世祖更封侍

中執金吾陰鄉侯陰識爲侯國者也。

又東過廬江安豐縣東北。決水從北來注之。

廬江故淮南也。漢文帝十六年，別以爲國。應劭曰：故廬子國也。決水自舒蓼北注，不於北來也。安豐東

北注淮者，窮水矣。又非決水，皆誤耳。淮水又東，谷水入焉。案此八字原本及近刻並訛作經。水上承富水，東南流。世謂

之谷水也。東逕原鹿縣，注城北。城側水南，谷水又東，逕富陂縣故城北。俗謂之成閭亭，非也。地理志。案

刻衍一汝南郡有富陂縣。建武二年，世祖改封平鄉侯王霸爲富陂侯。十三州志曰：漢和帝永元九年，

分汝陰置多陂塘以溉稻，故曰富陂縣也。谷水又東於汝陰城東南，注淮。案近刻脫淮字。淮水又東北，左會潤

水。案此九字原本及近刻並訛作經。水首受富陂，東南流爲高塘陂，又東積而爲陂。水東注焦陵陂，陂水北出爲鮦陂。

陂水潭漲引瀆，北注汝陰。四周隍塹，下注潁水。焦湖東注，謂之潤水。逕汝陰縣東，逕荆亭北而東入淮。

案近刻脫淮字。淮水又東北，窮水入焉。案此九字原本及近刻並訛作經。水出六安國安風縣窮谷。案風近刻訛作豐，下同。春秋左傳：楚

救瀆，司馬沈尹戌與吳師遇於窮者也。案近刻窮下衍谷字。川流泄注於決水之右，北灌安風之左。世謂之安風

水，亦曰窮水。音戎，並聲相近。字隨讀轉，流結爲陂，謂之窮陂。塘堰雖淪，猶用不輟。陂水四分，農事用康。

北流注於淮。京相璠曰：今安風有窮水，北入淮。淮水又東爲安風津，水南有城，故安風都尉治。後立霍

丘戌，淮中有洲。案近刻重一淮字。俗號關洲，蓋津關所在。故斯洲納稱焉。魏書國志有曰：司馬景王征毋丘儉，

使鎮東將軍豫州刺史諸葛誕。案東近刻訛作西從安風津先至壽春。儉敗，與小弟秀藏水草中。安風津都尉部民張屬斬之，傳首京都，即斯津也。

又東北至九江壽春縣西。泚水泄水合北注之。案泚水泄水原本及近刻並訛作泚水洪水今改正又東，潁水從西北來流注之。

淮水又東，左合泚口。案近刻訛作泚口又東，逕中陽亭北，為中陽渡。水流淺積，可以厲也。淮水又東流，與潁口

會。東南逕蒼陵城北，又東北流，逕壽春縣故城西。案蒼陵城北近刻訛作倉陵北，又此二十七字原本及近刻並訛作經縣，即楚考烈王

自陳徙此。秦始皇立九江郡，治此，兼得廬江豫章之地，故以九江名郡。漢高帝四年，為淮南國。孝武元

狩六年，復為九江焉。文穎曰：史記貨殖傳曰：淮以北，沛陳汝南南郡為西楚，彭城以東，東海吳廣陵為

東楚，衡山九江江南豫章長沙為南楚，是為三楚者也。淮水又北，左合椒水。案此八字原本及近刻並訛作經水上承

淮水，東北流，逕蚩城南。案城近刻訛作地又歷其城東，亦謂之清水。東北流，注於淮水，謂之清水口者，是此水

焉。案此四字近刻作左合椒水焉五字係後人妄改

又東過壽春縣北，肥水從縣東北流注之。

淮水於壽陽縣西北。案晉孝武改壽春曰壽陽肥水從城西而北入於淮。案近刻脫西字謂之肥口。淮水又北，夏肥水注之。

水上承沙水於城父縣，右出東南流，逕城父縣故城南。王莽之思善也，縣故焦夷之地。春秋左傳：昭公

九年，楚公子棄疾遷許於夷，實城父矣。取州來淮北之田以益之。伍舉授許男田。案男近刻訛作夷杜預曰：此

時改城父爲夷。故傳實之者也。然丹遷城父人於陳。以夷濮西田益之。案近刻脫此十五字。言夷田在濮水西者

也。然則濮水卽沙水之兼稱。得夏肥之通目矣。漢桓帝永壽元年。封大將軍梁冀孫桃爲侯國也。案也上近

刻衍者字。夏肥水自縣又東逕思善縣之故城南。漢章帝章和三年。分城父立夏肥水。又東爲高陂。又東爲

大灤陂。案近刻訛作天灤陂。水出分爲二流。南爲夏肥水。案近刻脫夏字。北爲雞陂。夏肥水東流。案近刻脫水字。左合雞水。水出

雞陂。東流爲黃陂。案近刻脫流字。又東南流。積爲茅陂。又東爲雞水。呂氏春秋曰。宋人有取道者。其馬不進。投

之雞水。是也。雞水右會夏肥水。案右近刻訛作又脫夏字。而亂流東注。俱入於淮。淮水又北逕山碇中。謂之碇石。案此

十二字原本及近刻並訛作經。對岸山上。結二城以防津要。西岸山上有馬跡。世傳淮南王乘馬。昇僊所在也。今山之

東南石上。有大小馬跡十餘所。仍今存焉。淮水又北逕下蔡縣故城東。本州來之城也。吳季札始封延

陵。後邑州來。故曰延州來矣。春秋哀公二年。案哀近刻訛作襄。蔡昭侯案近刻訛作成公。自新蔡遷於州來。謂之下蔡

也。淮之東岸。又有一城。卽下蔡新城也。案近刻脫卽字。二城對據。翼帶淮瀆。淮水東逕八公山北。案近刻脫公字。山上

有老子廟。淮水歷潘城南。置潘溪戍。戍東側潘溪。吐川納淮。更相引注。又東逕梁城。臨側淮川。川左有

涓城。淮水左迤爲涓湖。淮水又右納洛川於西曲陽縣北。水分閤溪。北絕橫塘。又北逕蕭亭東。案近刻脫又字。

又北鵲甫溪水入焉。水出東鵲甫谷。西北流。逕鵲甫亭南。西北流。注於洛水。北逕西曲陽縣故城東。王

莽之延平亭也。應劭曰。縣在淮曲之陽。下邳有曲陽。故是加西也。洛澗北歷秦墟。下注淮。謂之洛口。經

所謂淮水逕壽春縣北。肥水從縣東北注者也。案近刻脫從字。蓋經之謬矣。考川定土。即實為非。是曰洛澗。非

肥水也。淮水又北逕莫邪山西。案此九字原本及近刻並訛作經。山南有陰陵縣故城。漢高祖五年。項羽自垓下。從數

百騎。夜馳渡淮。至陰陵。迷失道。左陷大澤。漢令騎將灌嬰。以五千騎追及之。於斯縣者也。按地理志。王

莽之陰陸也。後漢九江郡治。時多虎災。百姓苦之。南陽宗均為守。案宗近刻訛作宋。退貪殘。進忠良。虎悉東渡

江。

又東過當塗縣北。過水從西北來注之。

淮水自莫邪山東北。逕馬頭城北。魏馬頭郡治也。故當塗縣之故城也。呂氏春秋曰。禹娶塗山氏女。不

以私害公。自辛至甲。四日復往治水。故江淮之俗。以辛壬癸甲為嫁娶日也。禹墟在山西南。案墟近刻訛作娶。

縣。即其地也。地理志曰。當塗侯國也。魏不害以圉守尉。捕淮陽反者公孫勇等。案近刻訛作者。漢以封之。王莽

更名山聚也。淮水又東北。濠水注之。案此九字原本及近刻並訛作經。水出莫邪山東北溪。案溪上近刻衍之字。溪水西北引瀆。

逕禹墟北。又西流注於淮。淮水又北。沙水注之。案此八字原本及近刻並訛作經。經所謂蒗蕩渠也。淮之西。有平阿縣

故城。王莽之平寧也。建武十三年。世祖更封耿阜為侯國。郡國志曰。平阿縣有塗山。案有下近刻衍當字。淮出於

荆山之左。當塗之右。奔流二山之間。而揚濤北注也。案而近刻訛作西也。訛作之。春秋左傳哀公十年。大夫對孟孫

曰。禹會諸侯於塗山。執玉帛者萬國。杜預曰。塗山在壽春東北。非也。余按國語曰。吳伐楚。墮會稽。獲骨

焉節專車。吳子使來聘。且問之。客執骨而問曰。案近刻訛作之。敢問骨何為大。仲尼曰。丘聞之。昔禹致羣神於會稽之山。防風氏後至。禹殺之。其骨專車。此為大也。蓋丘明親承聖旨。錄為實證矣。又按劉向說苑辨物。王肅之敍孔子廿二世孫孔猛所出先人書家語。並出此事故。塗山有會稽之名。考校羣書。及方士之目。疑非此矣。蓋周穆之所會矣。淮水於荆山北。過水東南注之。案東近刻訛作自。又東北逕沛郡義城縣東。司馬彪曰。後隸九江也。

又東過鍾離縣北

世本曰。鍾離。嬴姓也。應劭曰。縣故鍾離子國也。楚滅之以為縣。春秋左傳所謂吳公子光伐楚。拔鍾離者也。王莽之蠶富也。豪水出陰陵縣之陽亭北。小屈有石穴。不測所窮。言穴出鍾乳。所未詳也。豪水東北流。逕其縣西。又屈而南轉。東逕其城南。又北歷其城東。逕小城而北流。注於淮。淮水又東逕夏丘縣南。案此九字原本及近刻並訛作經。又東渙水入焉。水首受蒗蕩渠於開封縣。史記韓釐王二十一年。使暴戡救魏。為秦所敗。戡走開封者也。東南流。逕陳留北。又東南。案近刻脫入焉至此四十六字。西入九里注之。案此六字脫誤未詳。渙水又東南流。逕雍丘縣故城南。又東逕承匡城。又東逕襄邑縣故城南。故宋之承匡襄牛之地。宋襄公之所葬。故號襄陵矣。竹書紀年。梁惠成王十七年。宋景釡。案近刻訛作公。今竹書作鼓。衛公孫倉會齊師圍我襄陵。十八年。

惠成王以韓師敗諸侯師於襄陵。案近刻脫敗字。此句之下有縣字。今竹書作縣於襄陵。齊侯使楚景舍來求成。案此下近刻有公會齊宋之圖。

六字原本及竹。即於此也。西有承匡城。春秋會於承匡者也。秦始皇以承匡卑溼。徙縣於襄陵。更為襄

邑。案此下近王莽以為襄平也。漢桓帝建和元年。封梁冀子胡狗為侯國。陳留風俗傳曰。縣南有渙水。

故傳曰。睢渙之間出文章。天子郊廟御服出焉。尚書所謂厥篚織文者也。渙水又東南。逕已吾縣故城。

南。又東逕鄆城北。春秋襄公元年。經書晉韓厥帥師伐鄭。魯仲孫蔑會齊曹邾杞。次於鄆。杜預曰。陳留

襄邑縣東南。有鄆城。渙水又東南逕鄆城北。新城南。又東南。左合明溝。溝水自蓬洪陂東南流。謂之明

溝。下入渙水。又逕亳城北。帝王世紀曰。穀熟為南亳。即湯都也。十三州志曰。漢武帝分穀熟置。春秋莊

公十二年。案二近刻宋公子御說奔亳者也。案奔下近渙水東逕穀熟城南。漢光武建武二年。封更始

子歆為侯國。又東逕楊亭北。春秋左氏傳襄公十二年。楚子囊秦庶長無地伐宋師於楊梁。以報晉之

取鄭也。京相璠曰。宋地矣。今睢陽東南三十里。有故楊梁城。案近刻今日陽亭也。俗名之曰緣城。非矣。

西北去梁國八十里。渙水又東。逕沛郡之建平縣故城南。漢武帝元鳳元年。案近刻脫封杜延年為侯

國王莽之田平也。又東逕鄆縣故城南。春秋襄公十年。公會諸侯及齊世子光於鄆。今其地。鄆聚是也。

王莽之鄆治矣。渙水又東南逕費亭南。漢建和元年。封中常侍沛國曹騰為侯國。騰字季興。譙人也。永

初中定。桓帝策封亭侯。此城即其所食之邑也。渙水又東逕銍縣故城南。昔吳廣之起兵也。使葛嬰下

之。渙水又東。苞水注之。水出譙城北。白汀陂。案白近刻陂水東流。逕鄆縣南。又東逕鄆縣故城南。漢景

案白近刻

帝中元年封周應為侯國。王莽更之曰單城也。案單近刻音多。又東逕嵇山北。嵇氏故居。嵇康本姓奚。

案近刻會稽人也。先人自會稽遷於譙之鉅縣。改為嵇氏。案改近刻取稽字之上以為姓。蓋志本也。嵇

氏譜曰：譙有嵇山。家於其側。遂以為氏縣。魏黃初中。文帝以鄴城父山桑鉅置譙郡。故隸譙焉。苞水東

流入渙。渙水又東南逕蕪縣故城南。地理志曰：故甄鄉也。案甄近刻漢高帝破鯨布於此縣。舊都尉治。

王莽之蕪城也。水上有古石梁處。遺基尚存。渙水又東逕穀陽縣。左會八丈故瀆。案左近刻瀆上承浚

水。南流注於渙。渙水又東逕穀陽戍南。又東南逕穀陽故城東北。右與解水會。水上承縣西南解塘。東

北流逕穀陽城南。即穀水也。應劭曰：城在穀水之陽。案近刻脫。又東北流注於渙。渙水又東南逕白石

戍南。又逕虹城南。案近刻脫。又。浚水注之。水首受蕪水於蕪縣。東南流逕穀陽縣。八丈故瀆出焉。又東

合長直故溝。溝上承蕪水。南會於浚。浚水又東南流逕浚縣故城北。案逕近刻。作于。縣有垓下聚。漢高祖破項

羽所在也。王莽更名其縣曰肴城。案肴近刻應劭曰：浚水所出。音絞。經之絞也。浚水又東南與渙水亂

流而入於淮。案近刻脫。與渙水。故應劭曰：浚水南入淮。淮水又東至巉石山。潼水注之。水首受潼縣西

南潼陵縣。故臨淮郡之屬縣。王莽改曰成信矣。南逕沛國夏丘縣。絕蕪水。又南逕夏丘縣故城西。案近刻。脫。

水又南王莽改曰歸思也。又東南流逕臨潼戍西。又東南至巉石西南入淮。淮水又東逕浮山。案此七

三字及近刻。並。山北對巉石山。梁氏天監中立堰於二山之間。逆天地之心。乖民神之望。自然水潰壞矣。案

訛作經

近刻訛 淮水又東逕徐縣南。歷澗水注之。案此十三字原本導徐城西北徐陂陂水南流絕斬水逕歷

澗戍西。案戍近刻東南流注於淮。淮水又東池水注之。案此八字原本及水出東城縣東北流逕東城

縣故城南。漢以數千騎追羽。羽帥二十八騎引東城。案近刻脫因四隕山。案山近刻斬將而去。即此處

也。史記孝文帝八年。案近刻訛作封淮南厲王子劉良為侯國。案良近刻地理志王莽更名之曰武城

也。池水又東北流歷二山間。東北入於淮。謂之池河口也。案近刻淮水又東斬水注之。案此八字原本

經水首受睢水於穀熟城東北。東逕建城縣故城北。漢武帝元朔四年封長沙定王子劉拾為侯國。王

莽之多聚也。斬水又東南逕斬縣。縣有大澤鄉。陳涉起兵於此。篝火為狐鳴處也。南則洩水出焉。斬水

又東南。北八丈。故瀆出焉。案北下近刻衍又東流長直。故溝出焉。案長直上近刻衍南又東入夏丘縣

東絕潼水。逕夏丘縣故城北。又東南逕潼縣南。又東流入徐縣。東絕歷澗。又東逕大徐縣故城南。又東

注於淮。淮水又東歷客山。逕盱眙縣故城南。案此十四字原本地理志曰都尉治。漢武帝元朔元年封

江都易王子劉蒙之為侯國。王莽更名之曰匡武。淮水又東逕廣陵。淮陽城南。案廣陵下近刻衍城北

臨泗水。案近刻阻於二水之間。述征記淮陽太守治。自後置戍縣。亦有時廢興也。

又東北至下邳。淮陰縣西。泗水從西北來流注之。

淮泗之會。即角城也。左右兩川翼夾。二水決入之所。所謂泗口也。

又東過淮陰縣北。中瀆水出白馬湖東北注之。

淮水右岸，即淮陰也。城西二里有公路浦。昔袁術向九江，將東奔袁譚，路出斯浦，因以為名焉。又東逕

淮陰縣故城北。北臨淮水。漢高帝六年，封韓信為侯國。王莽之嘉信也。昔韓信去下鄉而釣於此處也。

城東有兩冢，西者即漂母冢也。周迴數百步，高十餘丈。昔漂母食信於淮陰，信王下邳，蓋投金增陵，以

報母矣。東一陵，即信母冢也。縣有中瀆水，首受江於廣陵郡之江都縣。縣城臨江，應劭地理風俗記曰：

縣為一都之會，故曰江都也。縣有江水祠，俗謂之伍相廟也。子胥但配食耳。歲三祭，與五岳同。舊江水

道也。案近刻脫江字昔吳將伐齊，北霸中國，自廣陵城東南築邗城，城下掘深溝，謂之韓江，亦曰邗溟溝。自江

東北逋射陽湖。地理志所謂渠水也。西北至末口入淮。案西近刻訛作而。又脫入字。自永和中，江都水斷，其水上承

歐陽埭。案近刻脫埭字。引江入埭，六十里至廣陵城。楚漢之間，為東陽郡。高祖六年，為荊國。十一年，為吳城，即

吳王濞所築也。景帝四年，更名江都。武帝元狩三年，更曰廣陵。王莽更名郡曰江平，縣曰定安。案近刻脫更名

二。城東水上有梁，謂之洛橋。中瀆水自廣陵北出，武廣湖東，陸陽湖西，二湖東西相直五里。案此二湖

南。水出其間，下注樊梁湖。案湖在高郵州西北五十里。舊道東北出，至博芝射陽二湖，西北出夾邪，乃至山陽矣。至

永和中，患湖道多風，陳敏因穿樊梁湖北口，下注津湖。逕渡。案津湖在今寶應縣南六十里。渡十二里，方達北口。案此

湖之北口，直至夾邪。興寧中，復以津湖多風，又自湖之南口，案近刻南下衍北字。沿東岸二十里，穿渠入北

口自後行者不復由湖。故蔣濟三州論曰：淮湖紆遠，水陸異路。山陽不通，陳敏穿溝。案近刻脫敏字更鑿馬瀨，百里渡湖者也。自廣陵出山陽白馬湖，逕山陽城西，即射陽縣之故城也。應劭曰：在射水之陽。漢高祖六年，封楚左令尹項纏為侯國也。王莽更之曰監淮亭。世祖建武十五年，封子荆為山陽公，治此。十七年，為王國。城本北中郎將庾希所鎮。中瀆水又東。案近刻脫水字謂之山陽浦。又東入淮，謂之山陽口者也。

又東，兩小水流注之。

淮水左逕泗水國南。故東海郡也。徐廣史記音義曰：泗水國名。漢武帝元鼎四年。案近刻訛作三年初置都淩。

案近刻訛作鄒封常山憲王子思王商為國。案近刻脫封字地理志曰：王莽更泗水郡為水順。案近刻訛作順水淩縣

為生淩。案近刻訛作淩淩水注之。水出淩縣東流，逕其縣故城東，而東南流注於淮。實曰淩口也。案近刻脫淩字

應劭曰：淩水出縣西南入淮，即經之所謂小水者也。

又東至廣陵淮浦縣入於海。

應劭曰：淮崖也。案近刻訛作浦岸也蓋臨側淮瀆，故受此名。淮水逕縣故城東。案近刻訛作出王莽更名之曰淮敬。淮

水於縣枝分，北為游水，歷胸縣與沐合。又逕胸山西。案近刻訛作匡山側有胸縣故城。秦始皇三十五年，於

胸縣立石海上，以為秦之東門。崔琰述初賦曰：倚高艦以周眄兮，觀秦門之將將者也。東北海中有大

洲，謂之郁洲。山海經所謂郁山在海中者也。言是山自蒼梧徙此。云山上猶有南方草木，今郁州治。故

崔季珪之敘述初賦言郁洲者故蒼梧之山也心悅而怪之聞其上有僊土石室也乃往觀焉案近刻脫焉字

見一道人獨處休休然不談不對顧非己及也即其賦所云吾夕濟於郁洲者也游水又北逕東海利

成縣故城東案成近刻訛作城東上衍之字故利鄉也漢武帝元朔四年封城陽共王子嬰為侯國王莽更之曰流泉

游水又北歷羽山西地理志曰羽山在祝其縣東南尚書曰堯疇咨四岳得舜案疇咨近刻訛作時曰進十六族

殛鯀於羽山是為禱杙與驩兜三苗共工同其罪故世謂之四凶鯀既死其神化為黃熊案近刻訛作龍入於

羽淵是為夏郊三代祀之故連山易曰有崇伯鯀伏於羽山之野者是也游水又北逕祝其縣故城西

春秋經書夏公會齊侯於夾谷左傳定公十年公及齊平會於祝其實夾谷也服虔曰地二名王莽更

之曰猶亭縣之東有夾口浦游水左逕琅邪計斤縣故城之西案計斤原本及近刻並訛作即丘今改正地理志曰莒子始

起於此後徙莒有鹽官故世謂之南莒也游水又東北逕贛榆縣北東側巨海有秦始皇碑在山上去

海百五十步潮水至加其上三丈去則三尺所見東北傾石長一丈八尺廣五尺厚三尺八寸一行十

二字游水又東北逕紀鄆故城南春秋昭公十九年齊伐莒莒子奔紀鄆莒之婦人怒莒子之害其夫

老而託紡焉取其繡而夜緇緇絕鼓譟城上人亦譟莒共公懼啓西門而出齊遂入紀故紀子帛之國

穀梁傳曰吾伯姬歸於紀者也杜預曰紀鄆地二名東海贛榆縣東北有故紀城即此城也案城近刻訛作水

游水東北入海舊吳之燕岱常泛巨海憚其濤險更沿溯是瀆由是出地理志曰游水自淮浦北入海

爾雅曰。淮別爲滎。游水亦枝稱者也。

卷三十

滎水 滎水 滎水 滎水 滎水 滎水

滎水出南陽魯陽縣西之堯山。

堯之末孫劉累以龍食帝孔甲。孔甲又求之不得。累懼而遷於魯縣。立堯祠於西山。謂之堯山。故張衡

南都賦曰。奉先帝而追孝。立唐祠於堯山。堯山在太和川。太和城東北。滎水出焉。張衡南都賦曰。其川

瀆則滎澧灤。盡發源巖穴。布濩漫汗。漉沆洋溢。總括急趣。箭馳風疾者也。滎水又歷太和川。東逕小和

川。又東。溫泉水注之。水出北山阜。七源奇發。案近刻脫阜字。源訛作泉。炎熱特甚。闕駟曰。縣有湯水。可以療疾。案近刻疾

下有矣。字。湯側又有寒泉焉。地勢不殊。而炎涼異致。雖隆火盛日。肅若冰谷矣。渾流同溪。南注滎水。案南下。近刻有

流字。滎水又東。逕胡木山。東流。又會溫泉口。水出北山阜。炎勢奇毒。痾疾之徒。無能澡其衝。漂救瘡者。咸

去湯十許步。別池。然後可入。湯側有石銘。云皇女湯。可以療萬疾者也。故杜彥達云。然如沸湯。可以熟

米。飲之愈百病。案飲之。近刻道士清身沐浴。一日三飲。案近刻多少自在。四十日後。身中萬病愈。三蟲

死。學道遭難逢危。終無悔心。可以牢神存志。卽南都賦所謂湯谷湧其後者也。然宛縣有紫山。山東有

一水東西十五里。南北二百步。湛然沖滿。無所通會。冬夏常溫。世亦謂之湯谷也。非魯陽及南陽之縣

故也。張平子廣言土地所苞。明非此矣。滢水又東。房陽川水注之。水出南陽雒縣西。房陽川北流。注於

滢。滢水之北有積石焉。世謂女靈山。其山平地介立。不連岡以成高。峻石孤峙。不託勢以自遠。四面壁

絕。極能靈舉。遠望亭亭。狀若單楹。插霄矣。北面有如頽落。劣得通步。好事者時有扳陟耳。滢水又與波

水合。水出霍陽西川大嶺東谷。俗謂之歇馬嶺。川曰廣陽川。非也。卽應劭所謂孤山。波水所出也。馬融

廣成頌曰。浸以波澆。其水又南逕蠻城下。蓋蠻別邑也。俗謂之麻城。非也。波水又南分三川於白亭東。

而俱南入滢水。滢水自下兼波水之通稱也。是故闕駟有東北至定陵入汝之文。滢水又東逕魯陽縣

故城南。城卽劉累之故邑也。有魯山。案近刻脫山字縣居其陽。故因名焉。王莽之魯山也。昔在於楚。文子守之。

與韓遘戰。案遘近刻作構。下有難字有返景之誠。內有南陽都鄉正衛爲碑。滢水右合魯陽關水。水出魯陽關外分

頭山橫嶺下。夾谷東北出入滢。滢水又東北合牛蘭水。水發縣北牛蘭山。東南逕魯陽城東。水側有漢

陽侯焦立碑。牛蘭水又東南與柏樹溪水合。水出魯山北峽谷中。東南流逕魯山西。而南合牛蘭水。又

東南逕魯山南。闕駟曰。魯陽縣今其地魯山是也。水南注於滢。滢水東逕應城南。故應鄉也。應侯之國。

詩所謂應侯順德者也。彭水注之。俗謂之小滢水。水出魯陽縣南彭山。蟻塢東麓。北流逕彭山西。下有

彭山廟。廟前有彭山碑。漢桓帝元嘉三年。杜仲長立。彭水逕其西北。漢安邑長尹儉墓東。冢西有石廟。

逕攀城西。又屈逕其縣北。東合右水。案右近刻訛作二。亂流北注於滢。漢高祖入關，破南陽太守呂齮於攀東。

即於是地。滢水之陰也。滢水又東南逕昆陽縣故城北。昔漢光武與王尋王邑戰於昆陽，敗之。走者相

騰踐奔殪，百餘里間。案近刻脫問字。會大雨如注，滢川盛溢。案川近刻作水。虎豹皆股戰，士卒爭赴溺死者以萬數。水

為不流。王邑嚴尤陳茂輕騎皆乘尸而度矣。

東北過潁川定陵縣西北。又東過鄆縣南，東入於汝。

滢水東逕西不羹亭南，亭北背汝水。於定陵城北，東入汝。鄆縣在南，不得過。

清水出弘農盧氏縣支離山。案支近刻作攻。東南過南陽西鄂縣西北，又東過宛縣南。

清水導源東流，逕鄆縣故城北。郭仲產曰：鄆縣故城在支離山東南。案近刻訛作故城。鄆舊縣也。三倉

曰樊鄧，鄧有二城，北鄧也。案後魏析置南北鄆，湍水逕北鄆城。漢祖入關，下浙鄧，即此縣也。清水又東南流。

歷雒縣之衡山。案近刻脫歷字。東逕百章郭北，又東魯陽關。水注之。水出魯陽縣南分水嶺，南水自嶺

南流，北水從嶺北注。故世俗謂此嶺為分頭也。其水南流，逕魯陽關，左右連山插漢，秀木干雲。是以張

景陽詩云：朝登魯陽關，峽路峭且深。亦司馬芝與母遇賊處也。關水歷雒衡山西南，逕皇后城西。建武

元年，世祖遣侍中傅俊持節迎光烈皇后於滢陽。俊發兵三百餘人，宿衛皇后，道路歸京師。蓋稅舍所

在，故城得其名矣。山有石室，甚飾潔，相傳名皇后浴室。又所幸也。關水又西南，逕雒縣故城南。昔秦文

公之世有伯陽者。案伯陽近刻逢二童曰咎曰被。案近刻二童二雉也。得雌者霸，雄者王。二童翻飛，化

為雙雉。光武獲雉於此山，以為中興之祥，故置縣以名焉。關水又屈而東南流，注於涓。涓水又東南流，

逕博望縣故城東。案縣下近刻郭仲產曰：在郡東北百二十里。案近刻漢武帝置校尉張騫，隨大將軍

衛青西征，為軍前導，相望水草，得以不乏。元光六年，封騫為侯國。地理志：南陽有博望縣。案志下近刻

博字。王莽改之曰宜樂也。涓水又東南逕西鄂故城東。應劭曰：江夏有鄂，故加西也。昔劉表之攻杜子緒

於西鄂也。功曹柏孝長。案柏近刻聞戰鼓之音，懼而閉戶，蒙被自覆，漸登城而觀，言勇可習也。涓水又

南。案清近刻涓水注之。水出弘農郡盧氏縣之熊耳山。東南逕酈縣北，東南逕房陽城北。漢哀帝四年，

封南陽太守孫寵為侯國，俗謂之房陽川。又逕西鄂縣南。水北有張平子墓，墓之東側墳有平子碑，文

字悉是古文。篆額是崔瑗之辭，盛弘之郭仲產並云：夏侯孝若為郡，薄其文，復刊碑陰為銘。然碑陰二

銘，乃是崔子玉及陳翕耳，而非孝若。悉是隸字。二首並存，嘗無毀壞。又言墓次有二碑，今惟見一碑。或

是余夏景驛途。案景近刻疲而莫究矣。水南道側有二石樓，相去六七丈，雙跂齊竦，高可丈七八，柱圓圍

二丈有餘，石質青綠，光可以鑒。其上欒櫨承拱。案欒近刻雕簷四注。案近刻窮巧綺刻，妙絕人工。題言

蜀郡太守姓王，字子雅，南陽西鄂人，有三女無男，而家累千金。父沒當葬，女自相謂曰：先君生我姊妹，

無男兄弟，今當安神玄宅，翳靈后土，冥冥絕後，何以彰吾君之德。各出錢五百萬，一女築墓，二女建樓。

以表孝思。銘云墓樓。東平林下近墳墓。案下近刻作不。而不能測其處所矣。洹水又東南流。注於清水。世謂之

肆水。案近刻脫此二字。肆洹聲相近。非也。地理志曰熊耳之山出三水。洹水其一焉。東南至魯陽入沔。是也。清

水又南逕預山。東山上有神廟。俗名之為獨山也。山南有魏車騎將軍黃權夫妻二冢。地道潛通。其冢

前有四碑。其二魏明帝立。二是其子及臣吏所樹者也。清水又西南逕史定伯碑南。又西為瓜里津。水

上有三梁。謂之瓜里渡。自宛道途東出堵陽。西道方城。案堵近刻訛作建武三年。世祖自堵陽西入破

虜將軍鄧奉。怨漢掠新野。拒瓜里。上親搏戰。降之。夕陽下。遂斬奉。郡國志所謂宛有瓜里津。案里下近刻有野字。

夕陽聚者也。阻橋。即桓温故壘處。温以升平五年。與范汪衆軍北討。所營。案所近刻清水又西南逕晉

蜀郡太守鄧義山墓南。又南逕宛城東。其城故申伯之都。案城近刻作地。楚文王滅申。以為縣也。秦昭襄王使

白起為將。伐楚取郢。即以此地為南陽郡。改縣曰宛。王莽更名郡曰前隊。縣曰南陽。劉善曰。在中國之

南。而居陽地。故以為名。大城西南隅。即古宛城也。荊州刺史治。故亦謂之荊州城。今南陽郡治大城。其

東城內有舊殿基。案近刻重一城字。周二百步。高八尺。陛階皆砌以青石。大城西北隅。有殿基。周百步。高五尺。

案近刻脫殿字。尺訛作丈。蓋更始所起也。城西三里。案城近刻訛作地。有古臺。高三丈餘。文帝黃初中。南巡行所築也。清水

又屈而逕其縣南。故南都賦所言。清水蕩其胸者也。王莽地皇二年。朱鮪等共於城南。會諸將。設壇燔

燎。立聖公為天子於斯水上。世語曰。張繡反。公與戰。敗。子昂不能騎。進馬於公。而昂遇害。魏書曰。公南

征至宛。案近刻脫南字。臨清水祠陣亡將士。案近刻脫陣字。歔歔流涕，衆皆哀慟。清水又南，梅溪水注之。水出縣北紫

山南，逕百里奚故宅。奚，宛人也。於秦爲賢大夫，所謂迷虞智秦者也。梅溪又逕宛西呂城東。案梅近刻訛作紫。

史記曰：呂尙先祖爲四岳，佐禹治水有功。虞夏之際，受封於呂，故因氏爲呂尙也。徐廣史記音義曰：呂

在宛縣。高后四年，封昆弟子呂忿爲呂城侯，疑卽此也。又按新蔡縣有大呂小呂亭，而未知所是也。梅

溪又南，逕杜衍縣東。故城在西。案此下近刻衍按字。漢高帝七年，封郎中王翳爲侯國。王莽更之曰閏衍矣。土地

墊下，湍溪是注。古人於安衆竭之，令遊水。是瀦。案今近刻訛作今。謂之安衆港。世祖建武三年，上自宛，遣潁陽

侯祭遵西擊鄧奉弟終。案近刻訛作衆。破之於杜衍。進兵涅陽者也。梅溪又南，謂之石橋水。又謂之女溪。案女近刻訛作汝。

南流。案南近刻訛作之。而左注清水，清水之南，又有南就聚。郡國志所謂南陽宛縣有南就聚者也。郭仲

產言宛城南三十里，有一城甚卑小，相承名三公城。漢時鄧禹等歸鄉，餞離處也。盛弘之著荊州記，以

爲三公置。余按涇水左右，舊有二澁，所謂南澁北澁者。水側之潰，聚在涇陽之東北。考古推地，則近矣。

城側有范蠡祠。蠡，宛人祠，卽故宅也。後漢末，有范曾，字子閔，爲大將軍司馬，討黃巾賊。至此祠，爲蠡立

碑，文勒可尋。夏侯湛之爲南陽，又爲立廟焉。城東有大將軍何進故宅。城西有孔嵩舊居。嵩字仲山，宛

人，與山陽范式有斷金契。貧無養親，賃爲阿街卒，遣迎式，式下車把臂曰：子懷道卒伍，不亦痛乎？嵩曰：

侯嬴賤役晨門，卑下之位，古人所不恥，何痛之有？故其讚曰：仲山通達，卷舒無方，屈身廝役，挺秀含芳。

又屈南過涑陽縣東。

涑水又南入縣。逕小長安。司馬彪郡國志曰：縣有小長安。聚謝沈漢書：稱光武攻涑陽不下，引兵欲攻

宛，至小長安與甄阜戰，敗於此。涑水又西南逕其縣故城南。桓帝延熹七年，封鄧秉為侯國。案：乘近刻

縣故南陽典農治，後以為涑陽郡。省郡復縣，避晉簡文諱，更名雲陽焉。案：雲近刻，作云。涑水又逕安樂郡北。漢

桓帝建和元年，案：近刻，訛作六年。封司徒胡廣為涑陽縣安樂鄉侯。今於其國立樂宅。成郭仲產襄陽記曰：南

陽城南九十里，有晉尚書令樂廣故宅。廣字彥輔，案：此下，善清言，見重當時。成都王廣女壻，長沙王猜

之。廣曰：寧以一女而易五男，猶疑之。終以憂殞其故居，今置戍，因以為名。

又南過新野縣西。

涑水又南入新野縣。枝津分派，東南出隰，衍苞注。案：苞字近刻，訛在隰字上。左積為陂，東西九里，南北十五里。陂水

所溉，咸為良沃。涑水又南與湍水會。又南逕新野縣故城西。世祖之敗小長安也，姊元遇害，上即位，感

悼，姊沒，追諡元為新野節義長公主。即此邑也。晉咸寧二年，封大司馬扶風武王少子歆為新野郡公。

割南陽五屬：棘陽、穰、鄧、山都，封焉。案：近刻五訛作伍，脫棘字，又封焉，訛作封為。王文舒更立中隔。案：此句上下有脫誤，三國志：王昶字文舒。

朱謀埜以王字屬上，句作封為王，非也。西即郡治，東則民居。城西傍涑水，又東與朝水合。水出西北赤石山，而東南逕冠

軍縣界。地名沙渠。又東南逕穰縣故城南。楚別邑也。秦拔鄢郢，即以為縣。秦昭王封相魏冉為侯邑。王

莽更名曰農穰也。案農近刻 魏荊州刺史治朝水又東南分爲二水一水枝分東北爲樊氏陂陂東西

十里。案四近刻 南北五里俗謂之凡亭陂陂東有樊氏故宅樊氏既滅庾氏取其陂故諺曰陂汪汪下

田良樊子失業庾公昌昔在晉世杜預繼信臣之業復六門陂。案近刻陂上衍之字遇六門之水。下結二十九陂。

諸陂散流咸入朝水。事見六門碑。六門既陂。諸陂遂斷。朝水又東逕朝陽縣故城北。而東南注於清水。

又東南與棘水合。水上承堵水。案堵近刻 堵水出棘陽縣北山。案近刻 脫山字數源並發。南流逕小堵鄉。謂

之小堵水。世祖建武二年。成安侯臧宮從上擊堵鄉。案鄉近刻 訛作也東源方七八步。騰湧若沸。故世名之騰

沸水。南流逕於堵鄉。謂之堵水。建武三年。祭遵引兵南擊董訢於堵鄉。以水氏縣。故有堵陽之名也。地

理志曰。縣有堵水。王莽曰陽城也。漢哀帝改爲順陽。建武二年。更封安陽侯朱祐爲堵陽侯。堵水於縣

案近刻 脫於字竭以爲陂。東西夾岡。水相去五六里。古今斷岡兩舌。案朱謀埠云當作左右斷岡兩舌都水潭

漲。南北十餘里。水決南潰。下注爲灣。灣分爲二。西爲堵水。東爲滎源。堵水參差。流結兩湖。故有東陂西

陂之名。二陂所導。其水枝分。案其近刻 訛作俱東南至會口入比。案原本及近刻並訛作此下同是以地理志

比水堵水。皆言入蔡。互受通稱。故也。二湖流注。合爲黃水。惟所受焉。案惟近刻 訛作謂逕棘陽縣之黃淳聚。又

謂之爲黃淳水者也。謝沈後漢書。案謝上近刻 訛作又脫後字甄阜等敗光武於小長安東。乘勝南渡黃淳水。前營

背阻兩川。案背近刻 訛作皆謂臨比水。絕後橋。示無還心。漢兵擊之。三軍潰。案三近刻 訛作二溺死黃淳水者二萬人。

又南逕棘陽縣故城西。應劭曰：縣在棘水之陽。案近刻脫水字。是知斯水爲棘水也。漢高帝七年，封杜得臣爲侯國。後漢兵起，擊唐子鄉，殺湖陽尉，進拔棘陽。鄧晨將賓客會光武於此縣也。棘水又南逕新野縣，歷黃郵聚。世祖建武三年，傅俊、岑彭進擊秦豐，先拔黃郵者也。謂之黃郵水。大司馬吳漢破秦豐於斯水之上，其聚落悉爲蠻居，猶名之爲黃郵蠻。棘水自新野縣東而南流入於涓水，謂之爲力口也。棘力聲相近，當爲棘口也。又是方俗之音，故字從讀變。若世以棘子木爲力子木是也。案近刻訛作爲力子之木也。涓水又東南逕士林東，戍名也。戍有邸閣水，左有豫章大陂，下灌良疇三千許頃也。

南過鄧縣東。案南近刻訛作西。

縣故鄧侯吾離之國也。楚文王滅之，秦以爲縣。涓水右合濁水。案清近刻訛作清。俗謂之弱溝水，上承白水於朝陽縣，東南流逕鄧縣故城南。習鑿齒襄陽記曰：楚王至鄧之濁水，去襄陽二十里，卽此水也。濁水又東逕鄧塞北。案近刻訛作者。卽鄧城東南小山也。方俗名之爲鄧塞。案方俗近刻訛作先後。昔孫文臺破黃祖於其下，濁水東流注於涓。涓水又南逕鄧塞東，又逕鄧城東。古鄧子國也。蓋鄧之南部也。昔巴子請楚與鄧爲好，鄧人奪其幣，卽是邑也。司馬彪以爲鄧之鄧聚矣。

南入於沔。案此四字近刻接前經文南過鄧縣東下。

灑水出灑強縣南澤中，東入潁。

澗水出潁川陽城縣少室山東流注於潁水。案此即潁水注內所謂中水導源少室通阜者而亂流東南逕臨潁縣西北小澗

水出焉。案此即潁水注內所謂潁水自縣西小澗水出也東逕臨潁縣故城北澗水又東逕澗陽城北又東逕澗強縣故城南

建武二年案近刻訛作元年世祖封揚化將軍堅鐔為侯國澗水東為陶樞陂。案臨潁西北派分余按澗陽城

在澗水南然則此城正應為澗陰城而有澗陽之名者明在南猶有澗水故此城以陽為名矣潁水之

南有二瀆其南瀆東南流。案近刻此下衍行字歷臨潁亭西東南入汝今無水也疑即澗水之故瀆矣汝水於奇

維城西別東派時人謂之大澗水。案此即汝水注內所謂瀆水世亦謂之大澗水者也東北流枝瀆右出世謂之死汝也別汝又

東北逕召陵城北練溝出焉別汝又東汾溝出焉別汝又東逕征羌城北水南有汾陂俗音羹汾水自

別汝東注而為此陂水積征羌城北四五里方三十里許瀆左合小澗水。案此別一小澗水與上小澗水之北此小澗水在潁水之南水上承狼陂南流名曰鞏水青陵陂水自陂東注之。案青原本及近刻並見潁水注內改

東迴又謂之小澗水而南流注於大澗水大澗水取稱蓋藉澗沿注而總受其目矣。案沿近刻訛作又

東逕西華縣故城南又東逕汝陽縣故城北東注於潁

澗水出汝南吳房縣西北奧山。案奧近刻訛作興東過其縣北入於汝

縣西北有棠谿城。案棠近刻訛作堂下同故房子國春秋定公五年吳王闔閭弟夫槩奔楚封之於棠谿故曰吳

房也漢高帝八年封莊侯楊武為侯國建武中世祖封泗水王歙子輝為棠谿侯山溪有白羊淵淵水

舊出山羊。漢武帝元封二年，白羊出此淵。案近刻此畜牧者禱祀之，俗禁拍手嘗有羊出水，野母驚拍。

案近刻自此絕焉。淵水下合濯水，濯水東逕濯陽縣故城西，東流入瀕水，亂流逕其縣南。世祖建武二

十八年，案近刻封吳漢孫旦為侯國。案旦近刻其水又東入於汝水。

瀕水出撫陰縣東上界山。

山海經謂之視水也。郭景純注：或曰視宜為瀕，出葳山。許慎云：出中陽山，皆山之殊目也。而東與泌水

合。水出撫陰縣旱山，東北流，注瀕。瀕水又東北，殺水出西南大熟之山，東北流入於瀕。瀕水又東，淪水

注之。水出宣山，東南流，注瀕。水。案東南近瀕水又東，得奧水口，水西出奧山，東入於瀕水也。

東過吳房縣南，又東過濯陽縣南。

應劭曰：濯水出吳房縣東，入瀕縣之西北，即兩川之交會也。

又東過上蔡縣南，東入汝。

灋水出撫陰縣西北扶予山，東過其縣南。

山海經曰：朝歌之山，灋水出焉，東南流，注於滎。案近刻脫經書扶予者，其山之異名乎。滎水上承堵水，

東流，左與西遼水合，又東，東遼水注之，俱導北山而南流，注於滎。滎水又東北，於撫陰縣北，左會灋水，

其道稍西。案其近刻不出其縣南，其故城在山之陽。漢光武建武中，封岑彭為侯國。漢以為陽山縣，魏

武與張繡戰於宛。馬名絕景。為流矢所中。公傷右臂。引還濩陰。即是地也。城之東有馬仁陂。郭仲產曰。

陂在比陽縣西五十里。案近刻脫西字蓋地百頃。其所周溉田萬頃。隨年變種。境無儉歲。陂水三周其隍。故瀆

自隍西南而會於北濩水。不得復逕其南也。且邑號濩陰。故無出南之理。出南則為陽也。非直不究。又

不思矣。濩水又東北。澧水注之。案澧近刻訛作河水出雉衡山。東南逕建城東。案東字近刻訛在山字上建當為卷字讀誤

耳。郡國志云。葉縣有卷城。其水又東流。入於濩。濩水東北逕於東山西。西流入濩。案此四字上有脫文濩水之左

即黃城山也。有溪水出黃城山。案近刻脫有溪二字東北逕方城。郡國志曰。葉縣有方城。郭仲產曰。苦菜於東之

間。案菜近刻訛作萊下同有小城名方城。東臨溪水。尋此城致號之由。當因山以表名也。苦菜即黃城也。及於東

通為方城矣。世謂之方城山。水東流注濩水。故聖賢冢墓記曰。南陽葉邑方城西有黃城山。案聖賢冢墓記原本

及近刻並訛作地理志考地理志南陽葉下云有長城號曰方城更無此文又邑字訛在方城下今據歸有光本改正是長沮桀溺耦耕之所。有東流水。則子路

問津處。尸子曰。楚狂接輿耕於方城。蓋於此也。盛弘之云。葉東界有故城。始讎縣東。至瀨水。達比陽界。

南北聯。聯數百里。號為方城。一謂之長城云。酈縣有故城。一面未詳里數。號為長城。即此城之西隅。其

間相去六百里。北面雖無基築。案北面近刻訛作若南北皆連山相接。而漢水流其南。故屈完答齊桓公云。楚國方

城以為城。漢水以為池。郡國志曰。葉縣有長山曰方城。案山近刻訛作城指此城也。濩水又東北。歷舞陽縣故

城南。漢高祖六年。封樊噲為侯國也。

又東過西平縣北。

縣故柏國也。春秋左傳所謂江黃道柏方睦於齊也。漢曰西平。其西呂墟。即西陵亭也。西陵平夷。故曰

西平。漢宣帝甘露三年。封丞相於定國為侯國。王莽更之曰新亭。晉太康地記曰。案地記近刻。訛作地理志。縣有龍

泉水。可以砥礪刀劍。特堅利。故有堅白之論矣。是以龍泉之劍為楚寶也。縣出名金。古有鐵官。

又東過郾縣南。

郾縣故城。去此遠矣。不得過。

又東過定潁縣北。東入於汝。

漢安帝永初二年。分汝南郡之上蔡縣。置定潁縣。順帝永建元年。案此六字近刻訛。作延光中三字。以陽翟郭鎮為尚

書令。案鎮下近刻。訛作字。封定潁侯。即此邑也。

潁水出蔡陽縣。

潁水出縣東南大洪山。山在隨郡之西南。竟陵之東北。槃基所跨。廣圓百餘里。峯曰懸鉤。處平原衆阜

之中。案原近刻。訛作縣。為諸嶺之秀。山下有石門。夾鄣層峻。巖高皆數百許仞。入石門。又得鍾乳穴。穴上素崖

壁立。非人跡所及。穴中多鍾乳。凝膏下垂。望齊冰雪。微津細液。滴瀝不斷。幽穴潛遠。行者不極窮深。以

穴內常有風熱。案近刻以訛作而。熱訛作勢。又此句之下。衍火字。無能經久故也。案能下近刻。訛以字。潁水出於其陰。初流淺狹。遠乃廣

厚。可以浮舟楫。巨川矣。時人以澗水所導。故亦謂之為澗山矣。澗水東北流。合石水。石水出大洪山。東北流。注於澗。謂之小澗水。而亂流東北。逕上唐縣故城南。本蔡陽之上唐鄉。舊唐侯國。春秋定公三年。唐成公如楚。有兩肅霜馬。子常欲之。弗與。止之。三年。唐人竊馬而獻之子常。歸唐侯是也。澗水又東。均水注之。水出大洪山。案近刻脫大字東北流。逕土山北。案此下近刻有山上土山四字。係衍文。又東北流入於澗水。澗水又屈而東南流。

東南過隨縣西。案過近刻訛作逕

縣。故隨國矣。春秋左傳所謂漢東之國。隨為大者也。楚滅之。以為縣。晉武帝太康中。案近刻脫帝字立為郡。有澆水。出縣西北。黃山南。逕瀲西。縣西。又東南。瀲水入焉。瀲水出桐柏山之陽。呂忱曰。水在義陽。瀲水東南。逕瀲西。縣西。又東南。注於澆。案注近刻訛作流澆水又東南。逕隨縣故城西。春秋魯莊公四年。楚武王伐隨。

令尹鬬祁莫敖屈重。除道梁澆。軍臨於隨。謂此水也。水側有斷蛇丘。隨侯出而見大蛇中斷。因舉而藥之。故謂之斷蛇丘。後蛇銜明珠報德。世謂之隨侯珠。丘南有隨季梁大夫池。其水又南。與義井水合。水出隨城東南。井泉嘗湧。溢而津津。冬夏不異。相承謂之義井。下流合澆。澆水又南。流注於澗。澗水又會於支水。水源亦出大洪山。而東流。注於澗。澗水又逕隨縣南。隨城山北。而東南注。又南。過江夏安陸縣西。

隨水出隨郡永陽縣東石龍山。案隨近刻訛西北流。南迴逕永陽縣西。歷橫尾山。即禹貢之陪尾山也。

隨水又西南至安陸縣故城西。入於澗。案近刻脫故郢城也。因岡為墉。峻不假築。澗水又南逕石巖山。

北昔張昌作亂於其下。籠彩鳳以惑衆。晉太安二年。鎮南將軍劉弘遣牙門皮初與張昌戰於清水。昌

敗。追斬於江涘。案涘近刻訛即春秋左傳定公四年。吳敗楚於柏舉。從之及於清發。蓋澗水兼清水之目

矣。案近刻脫又東南流。而右會富水。水出竟陵郡新市縣東北大陽山。水有二源。大富水出山之陽。南

流而左合小富水。水出山之東。而南逕三王城東。前漢末。王匡王鳳王常所屯。故謂之三王城。城中其

故碑文字闕落。不可復識。其水屈而西南流。右合大富水。俗謂之大泌水也。又西南流。逕杜城西。新市

縣治也。郡國志以為南新市也。中山有新市。故此加南。分安陸縣立。案近刻訛又王匡中興初舉兵於

縣。號曰新市兵者也。富水又東南流。於安陸界。左合土山水。世謂之章水。水出土山。南逕隨郡平林縣

故城西。俗謂之將陂。城與新市接界。故中興之始。兵有新市平林之號。又南流。右入富水。富水又東入

於澗。澗水又逕新城南。永和五年。晉大司馬桓溫築澗水。又會溫水。溫水出竟陵之新陽縣東澤中。口

徑二丈五尺。垠岸重沙。端淨可愛。靖以察之。則淵泉如鏡。聞人聲。則揚湯奮發。無所復見矣。其熱可以

燂雞。洪濶百餘步。冷若寒泉。東南流。注於澗水。又右得潼水。水出江夏郡之曲陵縣西北潼山。東南流。

逕其縣南。縣治石潼故城。城圓而不方。東入安陸。注於澗水。

又東南入於夏。

澠水又南分爲二水。東通灑水。西入於沔。謂之澠口也。

卷三十二

澠水 蕪水 決水 泚水 泄水 肥水 施水 沮水 漳水 夏水 羌水 涪水 梓潼

水 涔水

澠水出江夏平春縣西。

澠水北出大義山南。至厲鄉西。賜水入焉。水源東出大紫山。分爲二水。一水西逕厲鄉南。水南有重山。卽烈山也。山下有一穴。父老相傳云。是神農所生處也。故禮謂之烈山氏。水北有九井。子書所謂神農既誕。九井自穿。謂斯水也。又言汲一井。則衆水動。井今堙塞。遺跡髣髴存焉。亦云賴鄉。案近刻脫賴字故賴國也。有神農社。賜水西南流。入於澠。卽厲水也。賜厲聲相近。宜爲厲水矣。一水出義鄉西南。入隨。又注澠。澠水又南逕隨縣。注安陸也。

南過安陸。入於澠。

蕪水出江夏蕪春縣北山。

山。卽蘄柳也。水首受希水枝津。西南流。歷蘄山。出蠻中。故以此蠻爲五水蠻。五水謂巴水。希水。赤亭水。案近刻脫五字及希水二字。訛作水卽謂巴水也。又赤亭水。西歸水。蘄水其一焉。案近刻脫此五字。蠻左憑居。阻藉山川。世爲抄暴。宋世沈慶之於西陽上下。誅伐蠻夷。卽五水蠻也。

南過其縣西。

晉改爲蘄陽縣。縣徙江洲。案近刻訛作縣從江州。置大陽戍。後齊齊昌郡。移治於此也。案近刻脫一齊字。昌訛作安。

又南至蘄口。南入於江。

蘄水南對蘄陽洲。案近刻訛作州。入於大江。謂之蘄口。案近刻脫之字。洲上有蘄陽縣徙。

決水出廬江雩婁縣南大別山。

俗謂之爲檀公峴。案謂近刻訛作名。公訛作山。蓋大別之異名也。其水歷山委注。而絡其縣矣。案近刻作也。

北過其縣東。

縣故吳也。春秋左傳襄公二十六年。楚子秦人侵吳及雩婁。聞吳有備而還是也。晉書地道記云。在安

豐縣之西南。卽其界也。故地理志曰。決水出雩婁。案近刻脫婁字。

又北過安豐縣東。

決水自雩婁縣北逕雞備亭。春秋昭公二十三年。吳敗諸侯之師於雞父者也。安豐縣故城。今邊城郡

治也。王莽之美豐也。案美豐近刻作美風。世祖建武八年，封大將軍涼州牧竇融為侯國。晉立安豐郡，泚水自縣

西北流，逕蓼縣故城東，又逕其北。漢高帝六年，封孔鮒為侯國。世謂之史水。案史近刻訛作決，宋永嘉中置史水縣，取水以名縣。

泚水又西北。案決近刻訛作也。灌水注之，其水導源廬江金蘭縣西北東陵鄉大蘇山，即淮水也。案淮近刻訛作注。許

慎曰：出雩婁縣，俗謂之澮水。案近刻此下有也字。褚先生所謂神龜出於江灌之間，嘉林之中，蓋謂此水也。灌水

東北逕蓼縣故城西，而北注泚水。案近刻此下有也字。故地理志曰：泚水北至蓼入淮。案近刻至訛作注，淮訛作灌。灌水亦至

蓼入泚。案近刻作灌水，于蓼亦入泚。春秋宣公八年冬，楚公子滅舒蓼，臧文仲聞之曰：臯陶庭堅不祀，忽諸德之不

逮，民之無援，哀哉！泚水又北，右會陽泉水。水受泚水，東北流，逕陽泉縣故城東，故陽泉鄉也。漢獻帝中，

案近刻訛作靈帝中。封太尉黃琬為侯國，又西北流，左入泚水，謂之陽泉口也。案口近刻訛作石。

又北入於淮。

俗謂之澮口。案澮近刻訛作決。非也。斯決灌之口矣。余往因公至於淮津，舟車所屆，次於泚水，訪其民宰，與古

名全違。脈水尋經，方知泚口。案近刻訛作水。蓋灌澮聲相倫，習俗害真耳。

泚水出廬江灊縣西南霍山東北。案泚原本及近刻並訛作泚，下同，今改正。

灊者，山水名也。開山圖灊山圍繞大山，為霍山。郭景純曰：灊水出焉。縣即其稱矣。春秋昭公二十七年，

吳因楚喪圍灊是也。地理志曰：泚水出泚山，不言霍山。泚字或作泚，泚水又東北逕博安縣。案近刻並泚字。

泄水出焉。

東北過六縣東。

潁水東北右會躡鼓川水。水出東南躡鼓川。西北流。左注潁水。潁水又西北逕馬亨城西。又西北逕六安縣故城西。縣故阜陶國也。夏禹封其少子奉其祀。今縣都陂中有大冢。民傳曰公琴者。即阜陶冢也。楚人謂冢為琴矣。漢高帝元年。別為衡山國。五年。屬淮南。文帝十六年。復為衡山國。武帝元狩二年。別為六安國。王莽之安風也。漢書所謂以舒屠六。晉太康三年。廬江郡治潁水。又西北分為二水。芍陂出焉。案原本及近刻並脫芍陂二字。今據歸有光本補入。又北逕五門亭西。西北流。逕安豐縣故城西。晉書地道記。安豐郡之屬縣也。俗名之曰安城矣。又北會濡水。亂流西北注也。案近刻訛作之。

北入於淮。

水之決會。謂之泚口也。

泄水出博安縣。

博安縣。地理志之博鄉縣也。王莽以為揚陸矣。泄水自縣。上承泚水於麻步川。案泚近刻訛作北。西北出。案近刻脫出。歷濡溪。案歷下近字。歷濡溪刻衍山字。謂之濡水也。

北過芍陂西與泚水合。

泄水自濡溪逕安豐縣案逕近刻北流注於潁亦謂之濡須口案近刻作一謂之其濡口

西北入於淮

亂流同歸也案歸近刻

肥水出九江成德縣廣陽鄉西

呂忱字林曰肥水出良餘山俗謂之連枷山亦或以為獨山也北流分為二水施水出焉肥水又北逕

荻城東案荻近刻又北逕荻丘東案丘近刻右會施水枝津案右近刻水首受施水於合肥縣城東西

流逕成德縣注於肥水也

北過其縣西案此句之上原本及近刻有肥水北入芍陂

肥水自荻丘北逕成德縣故城西王莽更之曰平阿也又北逕芍陂東又北逕死虎塘東案虎近刻芍

陂瀆上承井門與芍陂更相通注故經言入芍陂矣肥水又北右合閻澗水案近刻訛作肥水上承施

水於合肥縣北流逕浚澇縣西案浚澇原本及近刻並訛作復道今水積為陽湖陽湖水自塘西北逕

死虎亭南案虎原本及近刻並訛作零考死虎壘在今壽州東四十餘夾橫塘西注宋泰始初豫州司

馬劉順帥衆八千據其城地以拒劉劭趙叔寶以精兵五千案趙近刻送糧死虎劉劭破之此塘水分

為二案為下近刻刻衍澗字洛澗出焉閻漿水注之水受芍陂陂水上承澗水於五門亭南別為斷神水又東北逕

五門亭東。亭爲二水之會也。斷神水又東北逕神跡亭東。又北謂之豪水。雖廣異名。事實一水。又東北逕白芍亭東。積而爲湖。謂之芍陂。陂周百二十許里。在壽春縣南八十里。言楚相孫叔敖所造。魏太尉王凌案近刻與吳將張休案原本及近刻並訛作張戰於芍陂。卽此處也。陂有五門。吐納川流。西北爲香門。陂水北逕孫叔敖祠下。案近刻脫謂之芍陂瀆。又北分爲二水。一水東注黎漿水。黎漿水東逕黎漿亭南。文欽之叛。吳軍北入。諸葛緒拒之於黎漿。卽此水也。東注肥水。謂之黎漿水口。

又北過壽春縣東

肥水自黎漿北。逕壽春縣故城東。爲長瀨。津。津側有謝堂北亭。迎送所薄。水陸舟車。是焉萃止。又西北

右合東溪。案右近刻溪水引瀆北出。案近刻西南流。逕導公寺西。寺側因溪建刹。五層屋宇。閒敞崇虛。

攜覺也。案此句有舛誤又西南流。注於肥。肥水又西逕東臺下。臺卽壽春外郭東北隅阿之榭也。東側有一湖。

三春九夏。紅荷覆水。引瀆城隍。水積成潭。謂之東臺湖。亦肥南播也。肥水西逕壽春縣故城北。案近刻

右合北溪。水導北山泉源。下注漱石頽隍。水上長林插天。高柯負日。出於山林。精舍右。山淵寺。左道俗

嬉遊。多萃其下。內外引汲泉。同七淨。溪水沿注。西南逕陸道士解南精廬。臨側川溪。大不爲廣。小足閒

居。亦勝境也。溪水西南注於肥水。案近刻脫西南二字。作流注於肥水。

北入於淮

肥水又西分爲二水。右卽肥之故瀆。過爲船官湖。以置舟艦也。肥水左瀆。又西逕石橋門北。案近刻亦

曰草市門。外有石梁。渡北洲。洲上有西昌寺。寺三面阻水。佛堂設三像。眞容妙相。相服精煒。是蕭武帝

所立也。寺西卽船官坊。蒼兕。案近刻訛作倉光都水。是營。是作湖北對八公山。山無樹木。惟童阜耳。山上有淮

南王劉安廟。劉安是漢高帝之孫厲王長子也。折節下士。篤好儒學。養方術之徒數十人。皆爲俊異焉。

多神仙祕法。鴻寶之道。忽有八公。皆鬚眉皓素。詣門希見。門者曰。吾王好長生。今先生無住衰之術。未

敢相聞。八公咸變成童。王甚敬之。八士並能鍊金化丹。出入無間。乃與安登山。葬金於地。白日昇天。餘

藥在器。雞犬舐之者。俱得上昇。其所昇之處。踐石皆陷。人馬跡存焉。故山卽以八公爲目。余登其上。人

馬之跡無聞矣。惟廟像存焉。廟中圖安及八士像。皆坐牀帳。如平生。被服纖麗。咸羽扇裙帔。巾壺枕物。

一如常居。廟前有碑。齊永明十年所建也。山有隱室石井。卽崔琰所謂余下壽春登北嶺。淮南之道室。

八公石井在焉。亦云左吳與王春傅生等。尋安同詣玄洲。還爲著記。號曰八公記。都不列其雞犬昇空

之事矣。按漢書安反伏誅。葛洪明其得道。事備抱朴子及神仙傳。肥水又左納芍陂瀆。案芍近刻訛作葛瀆水

自黎漿分水。引瀆壽春城北。案近刻脫城字逕芍陂門右。北入城。昔鉅鹿時。苗爲縣長。是其留犢處也。瀆東有

東都街。街之左道。北有宋司空劉劭廟。宋元徽二年。建於東鄉孝義里。廟前有碑。時年碑功方創。齊永

明元年方立。沈約宋書言泰始元年。豫州刺史殷琰反。明帝假劭輔國將軍討之。琰降。不犯秋毫。百姓

來蘇生爲立碑。文過其實。建元四年。故吏顏幼明爲其廟銘。故佐龐璉爲廟讚。案璉近刻夏侯敬友爲

廟頌。並附刊於碑側。瀆水又北。逕相國城東。劉武帝伐長安所築也。堂宇廳館。仍故以相國爲名。又北

出城。注肥水。又西。逕金城北。又西。左合羊頭溪水。水受芍陂。西北歷羊頭溪。謂之羊頭澗水。北逕熨湖。

左會烽水。瀆瀆受淮於烽村南。下注羊頭溪側。逕壽春城西。又北。歷象門。自沙門北。出金城西門。逍遙

樓下。北注肥瀆。肥水北注舊瀆之橫塘。爲玄康南路馳道。左通船官坊也。肥水逕玄康城。西北流。北出

水際。案水字近刻有曲水堂。亦嬉遊所集也。又西北流。昔在晉世。謝玄北禦苻堅。祈八公山。及置陣於

肥水之濱。堅望山上草木。咸爲人狀。此卽堅戰敗處。案堅近刻非八公之靈有助。蓋苻氏將亡之惑也。

肥水又西北注於淮。是曰肥口也。

施水亦從廣陽鄉。肥水別。案此三字原本及近刻。並訛在肥東南入於湖。

施水受肥於廣陽鄉。東南流。逕合肥縣。應劭曰。夏水出城父。東南至此。與肥合。故曰合肥。闕駟亦言出

沛國城父。東至此。合爲肥。余按川殊派別。案殊近刻無沿注之理。方知應闕二說。非實證也。蓋夏水暴

長。施合於肥。故曰合肥也。非謂夏水施水自成德。案原本及近刻。並脫施水二字。成東逕合肥縣城南。

城居四水中。案近刻又東有逍遙津。案又東近刻水上舊有梁。孫權之攻合肥也。張遼敗之於津北。橋

不撤者兩版。權與甘寧蹴馬趨津。谷利自後著鞭助勢。遂得渡梁。凌統被鎧落水。後到追亡。流涕津渚。

施水又東分爲二水。枝水北出焉。下注陽淵。施水又東逕湖口戍。東注巢湖。謂之施口也。

沮水出漢中房陵縣淮水。案二字舛誤。據漢書當作東山。東南過臨沮縣界。

沮水出東汝陽郡沮陽縣西北景山。卽荆山首也。高峯霞舉。峻嶮層雲。山海經云。金玉是出。亦沮水之

所導。故淮南子曰。沮出荆山。高誘云。荆山在左馮翊懷德縣。蓋以洛水有漆沮之名故也。斯謬證耳。杜

預云。水出新城郡之西南發阿山。蓋山異名也。沮水東南流。逕沮陽縣東南。縣有潼水。東逕其縣南。下

入沮水。沮水又東南逕汝陽郡北。卽高安縣界。郡治錫城縣。居郡下城。故新城之下邑。義熙初。分新城

立西表。悉重山也。沮水南逕臨沮縣西。青溪水注之。水出縣西青山。山之東有濫泉。卽青溪之源也。口

徑數丈。其深不測。其泉甚靈潔。至於炎陽有亢。陰雨無時。以穢物投之。輒能暴雨。其水導源東流。以源

出青山。故以青溪爲名。尋源浮溪。奇爲深峭。盛弘之云。稠木傍生。凌空交合。危樓傾崖。案近刻訛作岳。恆有落

勢。風泉傳響於青林之下。巖猿流聲於白雲之上。遊者常若目不周。翫情不給賞。是以林徒棲托。雲客

宅心。泉側多結道士精廬焉。青溪又東流。入於沮水。沮水又屈逕其縣南。晉咸和中。爲沮陽郡治也。沮

水又東南逕當陽縣故城北。案近刻脫故字。又此句之下。衍縣字。城因岡爲沮。北枕沮川。案枕近刻訛作抗。其故城在東百四十

里。謂之東城。在綠林長坂南。長坂卽張翼德橫矛處也。沮水又東南逕驢城西。磨城東。又南逕麥城西。

昔關長雲詐降處。自此遂叛。傳云。子胥造驢磨二城以攻麥邑。卽諺所云東驢西磨。麥城自破者也。案近

刻脫此十四字。沮水又南逕楚昭王墓。東對麥城。故王仲宣之賦登樓云。西接昭丘是也。沮水又南。與漳水合焉。

又東南過枝江縣。東南入於江。

沮水又東南逕長城東。又東南流。注於江。謂之沮口也。

漳水出臨沮縣東荆山。東南過蓼亭。又東過章鄉南。

荆山在景山東百餘里。新城沔鄉縣界。案沔原本及近刻並訛。雖羣峯競舉。而荆山獨秀。漳水東南流。作沔。今據晉書改正。

又屈西南逕編縣南。縣舊城之東北百四十里也。案近刻脫字。西南高陽城。案近刻訛作高陽城。西南移治許茂故城。

案漢編縣即今荆門州西高陽城。晉隆安中。東北移百四十里。即今南漳縣之許茂城。城南臨漳水。又南歷臨沮縣之章鄉南。昔關羽保麥城。詐

降而遁。潘璋斬之於此。漳水又南逕當陽縣。又南逕麥城東。王仲宣登其東南隅。臨漳水而賦之曰。夾

清漳之通浦。倚曲沮之長洲。是也。漳水又南。澮水注之。山海經曰。澮水出東北宜諸之山。南流。注於漳

水。案南近刻訛作而。

又南至枝江縣北烏扶邑。案烏近刻入於沮。訛作烏。

地理志曰。禹貢南條荆山。案南近刻在臨沮縣之東北。漳水所出。東至江陵入陽水。注於沔。案陽近刻訛作楊。

非也。今漳水於當陽縣之東南百餘里。而右會沮水也。

夏水出江津於江陵縣東南。案津近刻訛作流

江津豫章口東有中夏口是夏水之首江之汜也。屈原所謂過夏首而西浮顧龍門而不見也。龍門卽郢城之東門也。

又東過華容縣南。

縣故容城矣。春秋魯定公四年許遷於容城是也。北臨中夏水。自縣東北逕成都郡故城南。晉永嘉中。

西蜀阻亂割華容諸城爲成都王穎國。案此六字近刻訛作爲穎王都夏水又逕交趾太守胡寵墓北。漢太傅廣身陪

陵而此墓側有廣碑。在世謂廣冢非也。其文言是蔡伯嗜之辭。歷范西戎墓南。王隱晉書地道記曰陶

朱冢在華容縣樹碑云是越之范蠡。晉太康地記。案康近刻訛作原盛弘之荊州記劉澄之記並言在縣之西

南。郭仲產言在縣東十里。檢其碑題云故西戎令范君之墓。碑文缺落不詳其人。稱蠡是其先也。碑是

永嘉二年立。觀其所述最爲究悉。以親逕其地。案以近刻訛作似故違衆說從而正之。夏水又東。案近刻脫夏字逕監

利縣南。晉武帝太康五年立縣。土卑下澤多陂池。西南自州陵東界逕於雲杜。沌陽爲雲夢之藪矣。韋

昭曰雲夢在華容縣。按春秋魯昭公三年鄭伯如楚子產備田具以田江南之夢。郭景純言華容縣東

南巴丘湖是也。杜預云枝江縣安陸縣有雲夢。蓋跨川且隰兼苞勢廣矣。夏水又東。夏楊水注之。水上

承楊水於竟陵縣之柘口。東南流與中夏水合。謂之夏楊水。又東北逕江夏惠懷縣北而東北注。

又東至江夏雲杜縣入於沔。

應劭十三州記曰：江別入沔，為夏水源。夫夏之為名，始於分江。冬竭夏流，故納厥稱。既有中夏之目，亦

苞大夏之名矣。當其決入之所，案近刻入訛作水，又此句之下，衍出字。謂之堵口焉。案夏水入沔之口，是為堵口。鄭玄注尚書滄浪之

水，言今謂之夏水，來同故世變名焉。劉澄之著永初山川記云：夏水，古文以為滄浪。漁父所歌也。因此

言之，水應由沔。今按夏水是江流沔，非沔入夏。假使沔注夏，其勢西南，非尚書又東之文。余亦以為非

也。自堵口下沔水，通兼夏目，而會於江，謂之夏沔也。故春秋左傳稱吳伐楚，沈尹射奔命夏沔也。杜預

曰：漢水曲入江，即夏口矣。

羌水出羌中參狼谷。案參狼，原本及近刻並訛作參糧，脫谷字。今據歸有光本改正。

彼俗謂之天池白水矣。地理志曰：出隴西羌道，東南流，逕宕昌城東，西北去天池五百餘里。羌水又東

南逕宕婆川城東，而東南注。案近刻訛作逕宕昌婆川城東南，北注姜水。昔姜維之寇隴右也，案姜，近刻訛作羌。聞鍾會入漢中，引

還，知雍州刺史諸葛緒屯橋頭，從孔函谷。案近刻訛作從此谷。將出北道，緒邀之。此路維更從北道，案近刻訛作此道。渡

橋頭，入劍閣，緒追之不及。羌水又東南，陽部水注之。水發東北陽部溪，西南逕安民戍。又西南注羌水。

又東南逕武街城西南。案街，近刻作階。又東南逕葭蘆城西。案近刻脫逕字。羊湯水入焉。水出西北陰平北界湯溪，東

南逕北部城北，又東南逕五部城南。案五，近刻訛作三。東南右合妾水。案近刻訛作右妾水合。傍西南出，即水源所發也。

羌水又逕葭蘆城南。逕餘城南。又東南。左會五部水。水有二源。出南北五部溪。西南流。合為一水。屈而東南注羌水。羌水又東南流。至橋頭。合白水。東南去白水縣故城九十里。

又東南至廣魏白水縣。與漢水合。案此乃西漢水。又東南過巴郡閬中縣。又南至墊江縣。東南入於江。

涪水出廣魏涪縣西北。

涪水出廣漢屬國剛氏道徼外。東南流。逕涪縣西。王莽之統陸矣。臧宮進破涪城。斬公孫恢於涪。自此

水上縣有潺水。出潺山。水源有金銀礦。洗取火合之。以成金銀。潺水歷潺亭而下。注涪水。涪水又東南

逕綿竹縣北。臧宮溯涪。至平陽。公孫述將王元降。遂拔綿竹。涪水又東南。與建始水合。水發平洛郡西

溪。西南流。屈而東南流。案南近刻訛作西。入於涪。涪水又東南。逕江油戍北。鄧艾自陰平景谷步道。懸兵束馬。

入蜀。逕江油廣漢者也。涪水又東南。逕南安郡南。又南與金堂水會。水出廣漢新都縣。東南流。入涪。涪

水又南。枝津出焉。案近刻脫津字。西逕廣漢五城縣。為五城水。又西至成都。入於江。

南至小廣魏。與梓潼水合。案近刻脫水字

小廣魏。即廣漢縣地。王莽更名曰廣信也。

梓潼水出其縣北界。西南入於涪。

故廣漢郡。案此下近刻有也字。公孫述改為梓潼郡。劉備嘉霍峻守葭萌之功。又分廣漢以北。別為梓潼郡。以峻

爲守。縣有五女。蜀王遣五丁迎之。至此見大蛇入山穴。五丁引之。山崩。壓五丁及五女。因氏山爲五婦山。又曰五婦候。案近刻馳水所出。一曰五婦水。亦曰潼水也。其水導源山中。案近刻脫南逕梓潼縣。王

莽改曰子同矣。自縣南逕涪城東。案南近刻又南入於涪水。謂之五婦水口也。

又西南至小廣魏南。案近刻南入於墊江。

亦言涪水至此入漢水。案此近刻訛作此亦謂之爲內水也。北逕墊江。昔岑彭與臧宮自江州從涪水

上。公孫述令延岑盛兵於沈水宮。左步右騎。夾船而進。勢動山谷。大破岑軍。斬首溺水者萬餘人。水爲

濁流。沈水出廣漢縣。下入涪水也。

涪水出漢中南鄭縣東南旱山。案近刻北至安陽縣南。入於沔。案安陽原本及近刻並訛作沔陽。今改正。

自旱山北注之。非沔陽甚明。

涪水即黃水也。東北流。逕成固南城北。案成固近刻訛城在山上。或言韓信始立。或言張良創築。未知

定所制矣。義熙九年。索遐爲果州刺史。自成固治此。故謂之南城。城周七里。衿澗帶谷。絕壁百尋。北谷

口造城。東門傍山。尋澗五里有餘。盤道登陟。方得城治。城北水舊有桁。北渡涪水。水北有趙軍城。城北

又有桁。渡沔取北城。城即大成固縣治也。黃水右岸有悅歸館。涪水歷其北。北至安陽左入沔。案安陽

近刻並訛作沔陽。今改正。又近刻脫入字。爲涪水口也。案涪近刻

國家圖書館



004759318

